

ВАТАН
СОВЕТИМУ

ВАТАН СОВЕТИМУ

ДАГЕСТАНСКОЕ КНИЖНОЕ ИЗДАТЕЛЬСТВО
МАХАЧКАЛА 1989

С—56 **Ватан Советиму:** Альманах тати. — Махачкала: Даг. кн.
изд-во, 1989 — 80 с.
Советская Родина.

Э имисалине альманах дофус зере оморет тозе стихигъо, очеркгъо, статьегъо, пьеса эн шогыргъо, нульвульсдегоргъойму. Нульвульсдегигъой энугъо гъисдуыт эз зиндегуни эн вилеет, эн хэлгъ, э товун ниетгъо ве имидигъой эну, дусди ве шолуми, бирори ве интернационалисти хэлгъгъой совети, дошдеи природаре, гъовоху бердеи э кемсүтигъоревоз, мешет биренультгъо э иму эри э барасиревоз эжиге овурде э зиндегуни партией Коммунисти ве хъулькуймет Совети э пушой жофокешгъой Ватан иму норе келе политически ве хозяйственни везифегъоре.

Э альманах дешенде омори гъемчун статьегъой эн корсохгъой гілми ве е ченд овосунегъой эн хэлгъиму.

СТИХИ ГЬО

Александр Семендуев

ЗУГЬУН ДЕДЕИ

Чин гьевели гоф одоми «дедеи» —
Эз гуфере те верасде гульмууре.
Герекини, гъэрдимуни дошдеи
Зугъун бебе, зугъун дедей хувшдере.

Гъозоригьо зугъун инсоне гье бири,
Гъеме гофе сериш гъисди, эхирши.
Э бэхшешо тууроширеш омори,
Зугъун хэлгъяа ние зенув пэхирши.

Гоф — дасдари... Эхир нисдий гуж юре:
Эз лулегьо ведешенде маргъоре,
Дуз гъисдиге — бине норе расдире,
Пушо берде вомуандере, девргъоре.

Гоффо гъисди—мелхъэм синей одоми:
Неданеш у э данани венгесде
Кими мэхъэл инсоффсузеш бирени —
Эз зеверсер э сер хори нушунде.

Зугъундани гъисди келе нишоне,
Гилмгъо гъеме э сер когъоз жэгэйм бире.
Узге зугъун герек бире инсоне,
Эгъуль гульлом э гофевоз лов бире.

Зугъун Ленин — зугъун келе бирори,
Уруслере вомужденим гъемейму!
Лезет гъеме зугъунгъореш дорени,
Дананигъюш хъэйф нис сохде эриму.

Доргъой богъэ сечмиш сохде бирени,
Бегъергъоре нумгъой доргъо вебире.
Гъеме тайфай инсонгъоре зугъуни,
Дэгээм зугъун э гъэд гоффо дебире.

Эзу хубте ерэгъ нисди хэлгъоре,
Миллетгъоре эри мунде гереки.

Хиник сохде беде ниет дуылгьоре,
Шолумире венгесдени эеки.

Эз гІэили шинрейм зугъун татире,
Э ширевоз э хун иму дарафди.
Дедегъойму желе соходит имуре
Эри Ватан, зиндегуни ве дусди.

Гъич мидани э де зугъун гуфдире
Лап лугъонде раче гоффъой татире?
Нуыгъре не суврх бугъолувнүйт дуу жире,
Рачигъошо э жигею хуб бире.

Ки мигую эз дедей ракте э бала,
Ширин-ширин: «Гъэдойтуре вегиром!?»?
Земонейму гъер руз эдей хуб бире,
Зугъун тати вир ние бу эз гІульом!!

Зенгъой тати ненуй-ненем хунденге,
Имогъоиш гІэрс пур бире чумгъойму.
Зарунжие домо-гирье сохденге —
Гүйге жуни, жигер иму гоффъойму.

Эйчук нисе дануысденүйт гІэилгъо
Гъэдимие раче зугъун деде?
Ние вомухде и гІэилгъоре сэхъибгъо,
Зугъун иму гъечу эдей кут бире.

Чуыкле хэлгъыме те Октябрь мульс дири,
Эз ченд жире сэхдэе манжар гирошди,
Изму эри бичореъю руз бири,
ГІэмел ниёв нисд бу зугъун деде!

А Р Т Е К

Бэхдевере хоримуни Таврида:
Дериёгье, дөгъююре уысд нисди.
Республикей пионергъо зигынисде —
Инжо лагерь шолумини ве дусди.

Эз Ою дөгъ та Гурзуфи жигешу,
Оводунее метребегъо поисдет,
Сип-сипинувт, чуын гемигъо гъемешу
Э лов дерьеъг туйге бесде оморет.

Гъеме гуылгъо, раче доргъой эн дуынъёгъ
Гъечу унжо кура бирет, куч бирет,
Шогъвор дөгъгъо, софе эвир дериёгъ
Эй жунсогъи сигъд офирие оморет.

Шохъонгумгъо винириге Артека —
МувгIульжузе товуш доре хунегъо.
Гуйге гьеме асдарагъой Таврида
Кура бирет э сер лагерь ээз гъово.

Гъульндуур бире бейдогъ лагерь гьеме руз
ГIэиллегъо ээз хов хэбер биренге.
Зиёд бире дусдгъой Гуьлом руз-беруз
Пионергъо дуль екире диренге.

Эри хунде, кор соходешу, возишу
Оводунуыт герекигъо, жигегъо.
Стадион эй дэгэй гъозор нуьшдешу
Дерхъэрзои согъ руз эри ГIэилгъо.

Ченд жире сес, ченд зугъуне мишнови,
Хэндешуре, шэггъэшуре, шорире.
Вихдэт эйши зугъун дусди-шолуми,
Варасире дануьсденуыт екире.

Э мэгIинишу, э коргьюшу, дусдишу
Гуьзетлүүни Ватан иму эй гьеме.
Фурмуш нибу гировунде рузгьюшу,
Дирегьюшу, дануьсдэгъой эн гьеме.

Ведилуье одомигъо гьемишеш
ВэгIдо-вэгIдо оморенуыт экишу.
Верзуьшлуье артистгъойму ченд гилеш
Верафденуыт э сер сэгъне эришу.

Орденлүүни Артек иму дуль гилем,
Жоффокеши, мозоллүүни, дульшори.
Корсохгъю гъоим соходит дусдири,
Хубе ГIэдот, келе хэгъер-бирори.

Воисдени пионергъой Гуьломе
Бэхш вегируыт эри дире Артека —
Келе мэгIон хушбэхшлуюе овлоде,
Эй дэбира э цесдэгъой Таврида.

Хуб шишири сипре муйгъо сермере,
Поиз Гуьмуур эдэй күфде дермере.
Хъайф нисохум мундигъореш эй доре,
Екем гене ме пионер эй бире.

ТЕВЕР ВЕ БОНДУР

Е руз бондуре эз кор,
Огол зеруыт э гъомбор.
Челег шороб шенди бенд,
Гереки тозе кеменд.
Усдо вегирд карасди,
Зу фурамо гъельуди.
Огол зере у кумек,
Логун но э зир челег.
Тевере но э логун,
Гешд, офд гъолинде гъовун.
Зуте гъуч сохд тозе бенд,
Огол зере е ченд мерд,
Дегиши бисдо кульыне бенд.
Гъер чире сохде кура,
Гешде не офд тевере.
Эжи? Ки берди уре?
Бондур эз шегуырд пурсы:
— Чув бири тевере?...
Эз шороб пиён бире,
Дегешди э зир курыси.
Бондур мунд сэхд мэхьтэл.
Рафд э ён ю гъел-бэгъел.
Тик гирде екем шувунд,
Э сер эн курыси нуушунд.
Гъишд дес-руй юре шушде,
Хуб дировунд э хуышде.
Тевер мугу эз бондур:
— Эз ме поит екем дур.
Мегирит негъогъ хуьжет,
Жендек ме гъисд эз пулат.
Зугъун ме гъисд тиж-офлок —
Зере мисохум гъолок.

Хурек ме гъисд гъемише
Гъолинде дор эн више.
Вишеш эз ме терсире —
Гъэтте дире лэрзире.
— Весси, Гэйби, месох гоф,
Хуб нисд бире бииноф.
Гъисдигеш туть эз пулат,
Воре боши туть гъэлет.
Гъувот туть гъисд гъемише,
Эзу доргъой эн више.
Гъери пурсым ме эз туть,
Э чув дери гъувот туть?:
Дүм тевери нисдики,
Тевер кире гереки?
Гье э у хори мунде,
Мисохи туть чукъ-чукъки.
Негъогъ мебош туть серсон,
Гъувот дери э инсон.
Эз чогъи бесдейгеш лет,
Воре боши туть гъэлет.
Ичку хурде, бирей гъогъ,
Екем хис, хуб бош уёъ.
Негъогъ медеше божжъ,
Эй туть нюфи хъэрмэхъ.
Хуьжет гирде, мебош нэхъс,
Мивешени эхир парс, —
Гуфди бондур эз тевер.
МэгІэню тъисд гъечи,
Сабуыр гъисди хубе чи.
Хуышдере гирде зевер,
Эри хэлгъ мебош тевер.

МУГЪУМГЬО-ГЬОВОГЬОЙ ТАТИ

Эз кульыне-гъэдимие девргъо
Зигъисденуыт могълугъ татъо
Э гъэд додгъо мескен зере,
Мол дошде, зимирие гъурлугъ сохде.

Э гъер көргөо зарбчи бирет,
Э сер дөгтүү гусбенд дошдет,
Эз гъэмиштүү зурнов сохде,
Зерет гъово, мэгіни хунде.

Э зереки зурнов ве сазе
Тэгіриф дорет хэлгүйгэй Кавказе:
«Түни Ватан, жон гульистон,
Э сер хори рач-гульишон!..»

Э шоригт э гъер межлүүс,
Э гүүзэт эн домор не гэрүүс,
Зурновчире не демкеше
Огол зерет э томошье.

Духдер тати, эн Кавкази —
Раггүй дүүл ю сим эн сази. —
Совучай гъов э душ вери,
Шогъ догъэ у эз күнд дири.

Духдер тати! Гъозор салгыо...
Сес түү лови э гъэд догъю,
Раче мугъум бешпингъоли
Түү зерени, бофде холи.

Э герме руз, э вэхд рихъон,
Бегъер доргюү доре нишон,
Кук эн тати-догъистони —
Тар э сине хунде мэгіни:

«Чуй хуб-рачүйт гэдотгийму
Э Догъисту, эн татгийму:
Хундим гъовой эн «Овшори»,
Вежесденим рач «Назбори».

Тар, кемонче зере татгю
Э сер савзе, э зир доргю,
Гъуш паранде эз жив зере
Поисденүйт, гуш веноре.

Татгьоре гъисдүйт гъовогю,
Гъэдиминүйт гъони угю:
«Джейрони» не «Дербенди»,
«Херч гэрүүси» — чендиш гъисди...

Угю хундёт эри чойгю,
Эри гъовгүй нүйкерегю,
Эй Мирвори ве Беневше —
Раче савзай гъэриш више.

Татгъо мугъум зере хунде
Мугуиге дуыл хэндүсьде,
Нерме гьово тар зеренүт
«Назборире »вежеоденүт.

Зоя Семендуева

Г У З Е Т

Кейки себэх очмиш бире,
Сульфде чуышме товуш доре,
Умогъой ме чум вокурде,
Гузет сохденүм туыре.

Эгер эглен бире мундиге
Дан, севгили, туыре ёри,
Чуын эри дусд лово хосде,
Э түй вохурде дуылме хосде.

Эн мутьбетлувьгъо гэдоти:
Тэгиди сохде дуылгъой дусди.
У тэгидиреш гыисди войге,
Эзу хэбер нибу менге.

Сэхд гузетуын—дусд ме миёв,
Уре дире дуыл ме меров,
Учмиш бире, тэгье серсон,
Вир бирени сабуыр инсон.

Ч У М Е Р Э Х Ъ

Шеви, асдарегьош невери,
Э булутгъо менгиш пэхьнини.
Верф эдэй оморе, хиники,
Эдем туыре гешде, биё ёр.

Э кучегьо кес веди нисди,
Э гьеме жиге лап торики.
Ме э тэхьнои эдем гешде,
Диреними түй мере, жон ёр.

Эри кимигьо шев товуши,
Шевгъойме торик ве дурази.
Бэхдлувьгъо шоруыт эз мутьбет,
Мереш бу вэхд, мисохдим суйгьбет.

Э куче эдэй зуыгидбе гешде,
Э гушме у сес түй дерафде,
Э рэхъ түй де чумиш те себэхъ,
Эйчук бисдори, гыисмет, бирэхъ.

СОГЪБОШИ, БЕБЕ

Ме поисдем э сер гъоврей туть,
Гэрсгьо эдет тигы биренуыт.
Э ёр мени, дес мере гирде,
Э гещдэгьо мере гердунде.

Туть гуфдири: «Дениш балайме,
Тигъэтлув фегым сох иловлере,
Гъимет ди и зиндегунире,
Комики бэхдлув соходи түре».

Туть ихдилот мисоходи эйме
Чувь четинигьо кеширейге.
Гуфдири эз ме генеш песде:
— Хогь туть Ватане, тегъер деде.

Эз умогьой тайте имбууруз,
Гоффьой түре несохде фурмуш,
Меш эдем тегъер эн шогьир,
Эри хэлгъ ме дусдире хосдэ.

ФУРМУШ НИСЕ БИРЕ

Э гүүзет Семендуев Шамиль,
мундигьо э довгий Ватани.

Гъеле гъеждэгь сале небире,
Сульфден рузгьой эн довгло,
Эз дедей согъбоши сохде,
Рафдей Ватане гъэлхэнд дошде.

Э Крымски хори гъовхо берде,
Эри душмене бесгъун доре,
Гъемишелувь едигор мунде,
Э гъоврей бирори, гъовре бире.

Э сер гъоврей эн бирори,
Чорсади бисдуй жовонгьо,
Вери нумгьой эн игидгьо,
Комигьоки жуне норетгьо.

Хэлгъгьой эну чульке дигъле,
Оморенуыт э сер гъовре.
Гэрс рихунденуыт дигъле-дигъле,
Десдэй гульгьо унжо веноре.

Гъер сал иму нувгъимуын май,
Э руз мигид эн Бесгъуни.
Рафденим э сер гъовре,
Гээрс заруынжи эй рихунде.

Ме дирэм, чуvtам пире деде,
Сэхд гъэл гуырде гъоврей куке,
Гирисле, чуык-чуыки сохде,
Огол зере нум кук юре.

Нис воисде де дедегъо,
Э хоригъой эн гъериби,
Э сер гъоврей эн балагъо
Гээрс заруынжи соху тигъи.

Шүмшүн Сафанов

МЭГИНИГЬОЙМУ

Ватан иму эз гээни
Хээсуыл бири э сер догъгъо.
До имуре бэхд васали,
Дедей бисдо эй умогъго.

Имуш эй ю гъурбу сохдэйм
Жоффоймуре эй вокурде.
Бирор бире дусди бесдэйм
Шовгоймуре гъуындуыр гуырде.

Сигъде деде э сер сине
Гээилгъоре дори нене,
Э е сифро раг хорунди,
Э гъэд е багъ веровунди.

Гъем гъувоте, гъем гуумуыре
Дорейм эй ю эй товуши,
Юш эшгъ доре гъемеймуре,
Вокурденим яравуши.

Шир деде инжо хурдейм,
Э сер догъгъо келе бирейм,
Э фронтгъо расд вохурдэй
Нум Ватане гээзиз дошдэйм.

Тозе рэхъгъо ве шегъергъо
Зури-зури вокурденим,
Зиёд эй бире бэгъергъо
Иму хъэрекет сохденим

Эдэйм иму хуб Ватане
Сернугум вераюнде,
Эри хуней эн Коммуне
Пулате э зиндон товунде.

ОДОХЛУЙМЕ

Омо шори, гульдо васал,
Раг хэндуыд сифет хори,
Парзеруыт гээнгъой гээсел
Хурде шелбет ээ шори.

Түш рачи, одохлуйме,
Ковре чумгъой хол-холи,
Белки туыре дедей эймэ
Зенди э сер нерме холи.

Мере гъисмет дори мозол
Эри хосде тульчунире,
Гъич нибоши тув бедмозол,
Гъэл гирдимге дув екире.

Пури дульме дусди шолум...
Эри хэлгэгэй Ватанме,
Эз одохлуш омбар шорум —
Раче духдер Догъистуйме.

Михаил Гаврилов

МЕ КУКТУНЬУМ

Ме тульре деде огол зеренуьм
Эри овлодгэйтуб бирор бире,
Ме сигъде куктуньум.

Ме тульре деде огол зеренуьм.
Чуынки тув мере дульшори доре,
Вир сохдем ме дерде.

Ме тульре деде огол зеренуьм.
Чуынки, э тув бэхшире мескен, ме
Азад эзгицденуьм.

Ме тульре деде огол зеренуьм.
Э жофой тульревоз келе бире,
Изму гъэлхэнд туньум.

Ме тульре деде огол зеренуьм.
Чуынки эй гъэр чоре ве кумеки,
Э тув минетдорум.

Ме тульре деде огол зеренуьм.
Нумиге нисд мере, эй тув, Ватан!
Чуынки ме — куктуньум.

МЕ ЭЗ УЛЬУМ НИСЕ ТЕРСИРЕНУМ

Э фикир ме ульум диromore,
Лол бисдорум, эз тен лерз гирошде.
Гысд ми э и гүймур, пэхыни бире,
Гынор соху, эз ульум вирихде?
Ме эз ульум нисе терсиренуьм,
Терсиренуьм эришму беди овурде,
Шоре дульгэшмуре могъбул сохде,
Динжире э гээзиет чарунде.

Белжем нехэбереки ульум?
Небуге э хъэлов нечогъ бире?

Ме ээз ульуум нисе терсиренуум.
Энжэгъ терсиренуум күнцгьоймэре,
Хубе ховоргьоймэре дердлув сохде.
Фикир дит, чувь миданувье бире —
Э шори ховоримэ э жигейме
Диромоге сес, мурдем гуфдире?

Белкем шев, жуынмере берде, ульуум
Гыч ээз ховиш хэбер несохд мере?
Ме ээз ульуум нисе терсиренуум.
Ульууме гыч пойзенуум, нисе бире.
Не салгью гуьмуур, не метлеб инсон.
Терсиренуум күнде гүншигьоре,
Сес вой-зар не гирьёй кифлетме
Ээз хов хэбер мисохут гуфдире.

Гыер инсоне е гуьмуур-деврони.
Чуьтамиш не омоге у ульуум,
Зенде биёвгю ёгъин мурдени.
Ме ээз ульуум нисе терсиренуум,
Чуьники месд бире, э гъэрдиш дорем.
Энжэгъ гъэрд эн ферзендимере,
Ме вогордунде не дануьсдем —
Ужире мозол небисдо мере.

Гьетте вэгідой эн инсон оморе,
Ульуум ээз вэхд хуьшде дир не бире,
Миворовуну войгей хуьшдере.
Ме ээз ульуум нисе терсире.
Ээз дерьёй е дугъигеш кем бугу.
Энжэгъ гыербай э ёр ме оморе
Ишму лугъонде «охгью» кешире,
Дердгьюшму тозе мибу дульборе.

ЗИНДЕИ — ХЬЭРЕКЕТИНИ

Зиндеи — хьэрекетини.
Э пушово рафдени.
Гьеммейму э рэхь дерим,
Эдэйм хьэрекет сохдени,
Гьем симов, гьем пар зереним,
Э сер шугъэмийш бисдоге,
Энжэгъ пушово рафденим —
Эдэйм хьэрекет сохдени.

Хьэрекети эн зиндеи
Гъувот нуьг биреюни.
Ебо дениш, виниш ире,
Гъувот эни зиндеире,

Гыер руз иму тозе бире,
Дэвргьюш эдет дегиш бире.
Тиркомуре нисд сохде,
Имруз ракета пар зере.

Э хьэрекети зиндеи
Уре селт герексүзини:
Сес атом, довгю, хунризи,
Гирьёй гээл, шивен зени.
Бигьил хори тэгье овле,
Небу гыч вэхд сула-сула.
Темиз мунде асмуй хори,
Бигьил гыч незенув тори.

Инсонет! Тув ёкимуьни,
Эз гъувоттой зиндегуни!
Э пой вэхуьшде ўёт баш!
Пой гъэрэул! Элов гІэтош,
Не сухуну жофой туре!
Бордборд сохде улжегьоре,
Ве суперде руй хорире,
Нисд несоху зиндеире!

Пушово рафде зиндеи
Мозоллувь бугу гІэили.
Зиндегуни тозе бире,
Нисд сохутгу ерэгъоре,
Гъемме миллэттю ек бире,
ГІээзиз дорим хоримуре.
Гъэлхэнд шолуми поисде,
Бигъилим дусдире бесде.

Зиндеи гье пушово рафде,
Огылириеш у овурде.
Миёв е руз нисд мибошим,
Биёт имруз желдлув бошим,
Эри жофо, эри дусди,
Эри хори-омонети,
Э ферзендгьо имид бесде,
Дим э ишу омонете.

Э весиет дим несигІэт:
«Мульхкем гирде омонете,
Те эхир поим гъэлхэнд ю,
Дес душмен неёв э сер ю.
Мульхкемлув бесде дусдире,
Гужлув сохит шолумире.
Те эхир гъовхобер бире,
Мозоллувь сохит хорире».

Борис Ханукаев

ГЪУЗУРГУЛГЬО

1

Ме, эришму, гІэилгьо,
Сохум ихдилот
Э товун гъузургулгьо,
Е зурбое од.

Оммо гуш дорит сувфде
Э товун духдер,
Коминики бу хэсде
Эз партал духде.

Гъерруз угее деде
Мивено ондум.
Духдер эз себэхьунде
Тайте шохьонгум

Эз сер эн кор дерзеи
Мивомунд гисне,
Эй е гоф олхони
Лап хъэрот, тешне.

Эхирдеш не ветовусд:
Зу, пушойсебэх
Эз хуне у видовусд,
Ведарафд э рэхь.

Хэйли рэхь, мемзуул кеши,
Омо э више.
Э асму перде кеши
Сип-снегье шев.

Э песой эн кулегьо
Дерафде духдер,
Чуме дир э хов вено,
Зу бисдо хэбер.

Чум вокурд вини духдер:
Е нене-гъэри.
Поисди э зөвверсер,
Тиж денишири.

Не терси духдер, мугу:
«Руз э хэйр, хонум.
Пойгъойту хэсде мибу,
Биё нуыш, жонум.

Ме эдем дире: э рэхь.
Тув бирей хэсде.
Биё нуыш, тегъер хъэрмэхь.
Эри нун хурде.

Гиргине, тегъер чульше,
Гъемчун тов-тovi,
Гысди нун — эй туй не ме
Сохде нашдови.

Гъэри мугу: «Согъбоши,
Гульзеле эгъуль.
Эй гъер гоф — туй мибоши
Сэхьиб гъульзульгъул».

И гоффюре гуфдире,
Сур бисдо гъэри,
Э тегъер селт не бире,
Э руй эн хори.

«Огы!» — духдер бисдо мэхътел.
Мунд лэгэ хъэрзо.
Эз лэгэю гъелбегъель.
Гъульзульгъул оффо.

2

Эз више ведиромо
Етиме духдер.
Екем вэхд бэгъдо омо
Незник эз шегъер.

Диромоки э шегъер,
Дуль-се пой норе.
Э сер эни е нулькер
Бирден оморе.

«Кини туй? Эже рафде?
Зу жугъобе ди».
Духдер лэгээрэ гульдре.
Гычиш не гуфди.

«Гъечубуге, — гъул додо
Духдере нулькер, —
Биё зу, э рэхь оффо
Э кин хон шегъер».

Екем рэхь рафде бэгъдо,
Видовусд духдер,
Оммо хэйли дир бисдо
Огыиле нулькер.

Духдер э хуней косиб
Вирихд диромо,
Минет сохд: «Мебош гюси,
Жон леле, омон!».

Ме эз дес эн е немерд
Вирихдем ивэхд.
Хилос сохдиге эз дерд,
Миёрум ме бэхд».

Бисд гоффюре гуфди гульзел.
Гъеме бисд угъю.
Чаруцдүйт селт гъелбегъель
Э гъульзульгъулгъо.

Келе мерд шори сохде,
Мугу: «Жиге гысд.
Зигь э кин эн ме, духдер,
Ченгээдер воисд».

Гъечи гуль мидо духдер,
Парталиш мидухд.
Косиб э базар шегъер
Миберд мифурухд.

Э товун гульгъой косиб,
Раче парталгъо
Лов бисдо хэбер раси
Э живоне хон.

Е руз хон шегъер омо
Э кин эн косиб.
«Эз чульжои и гульгъо?» —
Эз косиб пульсий.

Косиб мугу: «Хон-огъю,
Сад сале гердош.
Эз бэгчаймени гульгъю,
Гъелбет. Туй мунош».

«И партале ки духди
Гъечи лап гульзел? —
Хон мугу. — Жугъобе ди
Дуз ве гъелбегъель».

«Хон-огъю, мебош сурул
Мере гысд духдер.
Лол-гэндэй. Согъ руз у
Нульдэни духдэ».

«Лол-гэндэ гыч ниданув
Гъечи раг духдэ.
Оффо э рэхь, — хон мугу, —
Бер э кин духдер.

Э хуней косиб игьо
Оморуыт раси.
«Уни духделайме — лол»,
Зу мугу косиб.

Омо ээз лэгэй духдер
«Огы!» ведиромо:
У биребу лап мэхътел
Э рачи эн хон.

Хон вини, ки гъузуьргуыл
Эз лэгэ офдо,
Шор бисдо э гъэд эн дуыл
Ве э сер офдо.

У руз хон, дир не сохде,
Нуьшувьнд гэруьси.
Меш э унжиге нуьшдем
Э ён эн косиб.

Писэхь Мишиев

П О И З

Ини поиз гөне омо,
Велгьой доргъо хэзон бисдо,
Ворушгьош гьич не поисде
Эдет глове тигы сохде.
Гьовой асму могъуллувни,
Гуйге, дерд ю лап омбари,
Гэрсгьоре у кура сохди,
Изму эдей сохде тигы.
Доргъо гьисдуьте тенбирэхьне,
Глов ворушгьо эдеть шушде,
Бирэхьнее лувгегьоре.
Генеш угьо нис терсире,
Поисдет тик, хъозур бире,
Неданувьсде сегъмлувире,
Эй вохурде э бееи,
Хинкигьой зимишдии
Меш поисдем фикирлувьум,

Дерд доргьоре кеширенувьм,
Дирум увэхд ме е доре,
Эз кулок гъэд биригьоре,
Э кин эну куьнд оморе,
Тик вегирудьм лувгегьоре,
Э биней ю хок декирдутьм,
Э поевоз муьхькем сохдум.
Ветовусде гьебелкине
Миданув у зимишдуре.
И кор гьисди расде ники,
Инсонгьореш дусд гереки,
Гьебелкине пой чемуьсде
Э у хори у оффоренге,
Дес энтуре увэхд гирит,
Тик вегирдье, пой поюнит,
У нишонгьой эн дусдини,
Эй гъер инсон вегирини.

ДУСДИ ЛИТЕРАТУРАГЬО — ДУСДИ ХЭЛГЪГЬО

Сулэйман Стальский
шогьир хэлгтын Догъисту

БУЛЬБУҮЛ

Э сибдор э гъэд велг не гуль
Невемунде хунде бульбуыл,
Сестую рачи, хоши эй дуыл,
Эй туу вегир, эшгъульу бульбуыл!

Хунде ээз дуныёгь байхэбер,
Гъэйгъусузы, шор, бэхдевер,
Эз иму туыре нисди хэбер,
Тэтгрифлувни нумтуу бульбуыл!

Э инсонгъо гуштуу неде
Э бөгөө сесслүү эдэй хунде,
Эз хиники түү вирихдэ,
Тэгүрифлүүни нумтүү бүйлбүүл!

Пой, метерс, эже вирихдэ,
Гу, чүтам түү зигьисдэ,
Белжи унжо мундай гиснэ,
Гу очугъ э мэ гьери бүйлбүүл.

И зимисду нелэрзирей,
Хиникире түү недирей,
Ранггойтууре томом дошдэй.
Ой түү гэлемете бүйлбүүл

Омо шилоли бирден гьони,
Э сое, више зу бош пэхьни,
Мидануум бире кумек белки?
Серсони түү омбар бүйлбүүл!

Нисди эхир гыч сестуре,
Гъэддер нисди хъэвестуре,
Э граммофон ухшеш зере,
Рачи дуяньёгы түү бүйлбүүл.

Ше е гиile гъэмсүзире,
Мун э киме, офф лулуре,
Э синей Сулайман мугъумгъоре
Омбар деше хосе бүйлбүүл!

*Тержууме сохде омори ээз
зугъун лезгин*

И стихотворение гыиеди ски ээз лап сүйфден стихотворенигъэй эн Сулайман Стальский, нувуульде омори-гъю э 1900 с.

Сильва Капутиян

МЭГНИГЬО Э ТОВУН ЧЕШМЕ ГЬО- ЕДИ ГОРГЬО

1. Э ёдэе улке, э майдугьой хори эн кес
Сур бирей түү нумсуз ве гъовресуз.
Рафди ээз гүльом, бурра омо нефес,
Чаруусди э хори, эвир, кулок ве туз.
Миовурдуутгэ семе э хуне шеи эн түүре,
Э гээрсевоз мишушд дедээ у веригьо хуре.
Оммо е чешме, чуюн едигор, гыисд э дигь.
Э соёй эн савзе гъэребечдор поисди.
Чендуут ээз угъю э сер сенгъльые хори —
Ижуур гээдэл э довгю хъэсүүл омори:
Гыисд жиге эй гээрс тигий сохде дедей.
Инжо дердлүү себэхь зусери оморей.
Гъэриши гээрс э палаше гловгъой чешме,
Ярагьой сенгъгъоре тимор сохдени семе.
Гъечи гъер себэхь, дедей, эжук түү вохурдени,
Ярагьой дүүле совусде, тимор сохдени.

Рихдени глов — рузгъой рузгор бердени —
Зурбое дерд дүүл эн дедей хурдени.

2. Шевиш, рузиш — сук ве серин
Э зими эдее глов рихде.
Инжо пишней миёв ранжбер
Тешнейре эри хуурд сохде.

Миёв инжо рачे духдер дөгъи,
Эз зир чум э соймиши миденишув.
Э күнди чешме гульгьой богъи,
Дулье шор сохде, лов мибошут.
Э соей гъэрбечдор себэхьмунде
Гээлгьо миёв, видовусде,
Глов чешмере дуль э сер еки шенде.

Э гъэриш эн глов — дуль эн жовангьо,
Жун ишуре эй Ватан нореттю.

3. Эгер лихъэй номус туль ве руихь туль,
Э гульлом эз зир чум туль денишире,
Эгер э дузиревоз нис рафде рэхь туль,
Асанте гъисмет, кейф ве хъэз туль гешде,
Эгер эрэгт тене эз сохде жофо,
Хори не фуберди эйники ве софо,
Эгер э сифет туль шэхдэй поке глов,
Расире, тигы небицдоге э хориму—

Еди туль эриму,
Эйму туль хогьини —
Небу зени десе э и глов!

Тержууме сохди Нисон ГИЛЯДОВ

ВАГИФ

ИЖИРЕ ГУЗЕЛЕ Э ХОВИШ НЕДИРЕМ

Ижире гузвеле э ховиш недирэм ме,
Эжеи ижире эловлувье чумгьо,
Гуль гъутине эдей сухде, оммо э дульме
Хушбуй дешенде эврушууме муйгьо.

Э душгьой ю рак доре тов-товие муйгьо,
Э инчебеле кемер ю — дульгъэде бендгьо.
Эз мармар сипини сине, эз гуль зиётте
Эзи десгъо гъэрд назушменд нибу оффде.

Нисе дануусденуум эзи гузвел чум вегирде,
Э пушой ловгьойту гуль нисди гычиш,
Мэгхи буылбуылгьо, раги гульгьо гыич вэхде
Э пушой гоффгьойту ниверзут э тъчиш.

Туль эриме гъем рэхъмeduли, гъем жоллод,
Эрз дуylмере ниданум пэхвни сохде,
Эри душмегъо ширин, эриме гиръё ве дод
Эйчуй э дусдтуу рэхъм нисе берде?

Вэгъифе биё меди туль лап сэгIэр,
Фурмуш сох туль шефде гофгъой душмере,
Мере хуно екиш нихогъу тууре дилбер,
Эз лэгIэй дертуу пиш месох мере.

Тержууме сохде омори эз.
Зугъун азербайджани.



ДРАМАТУРГИЯ, ОЧЕРКЬО, СТАТЬЯГЬО

Хъизгъил Авшалумов

Э гүйзэт едигори эн тэгүрифлуузе зен-гъемватаниме, Игид Жофой Социалисти Гюлбогъор Давыдова

КИШДИ ХЬОМОЛИ

Музыкальная комедия
ээз 3 пердегьо

Музыкай эн Шимшуын Ашурори

ВОЗИ СОХДЕГОРГЬО:

Марал — звеньевои колхози, 21 сале.
Овшолум — член звено, 30 сале.
Овшор — член звено, 30 сале.
Хумор — член звено, 20 сале.
Шеврульт — член звено, хьомол, бебей эн Марал, 60 сале.
Хонум — дедей эн Марал, 55 сале.
Оврум — алверчи, спекулянт, 45 сале.
Гузузургүл — зен Оврум, 24 сале.
Зарангил — илчи, долол, 65 сале.
Ошир — жогъивле агроном, 27 сале.
Едуу гоф ээз товун эни комедия.

Ме и музыкальная комедияре нувууцдебирук э күнди 27—28 сал пушо. Гуфди-ре гереки, ки и гысди сүйфдеи музыкальная комедия ээз гъозисгъой зиндегуни ве гээдотгой хэлгъ иму. Лап раче музыка нувууди эри мэгнингъой энуу талгнитлууе композитор иму Шимшуын Ашурор.

Э и комедия бирмунде оморенүнтгъо коргъо, овхьолетгъо, гъозиегъо: жофодусди, гүйзетлүүли эн жофо, гъовхо эри гъобул сохде гюшире бегъер ээз гъер гектар эв мэхь-сүл, э дуурыусдиревоз эжиге овурдсан гъэрдхүчди хүшдере э пушой хэлгъ, эн хъулькумет, гъовхо бердес э гъэршүй шефди, дургуни, дузызи, спекулянти, гъовоихури,

хувьшденхогы, пиёнискеи эз кор хувьшдере пес гышдеи, гъемчун э элчэгье кульгынэ гэдэгтөрөвээ - гъеcсэгэтиш лап вожиблуныт.

Фикир эни пьесаре нувьульсдеи сүйфэе оморебу э дульмс, ме э тэглифлуу зен хэлгүмуревээ. Гюлбогъор Давыдововоз сүйгэбэт сохденгэ, ме эз тобун зиндегуни эну очерк нувьульсденгэ. Бебей энгульо хувьшдере хомол гуфдиренбу юре гээл нари-не небу гуфдире. Нум эн Гюлбогъор э и пьеса ченд гиля оморени, чунь ведилүүе колхозчи эни колхоз, депутат эн Верховный Совет ДАССР, чунь еки эз лап хувьр-метлуу одомигбий эн хэлгэ иму. И пьесаре гъемиши одомигбий хэлгэ иму э келе томошеревээ фегэм сохденбирүйт. Ведилүү писатель иму Миши Бахшиев и пьесаре диренгэ э сэргней эн театр тати э гозит «Дагестанская правда» э мэгье февраль 1963 сал нувьульсебу эз товун эну келе рецензия «Жизнеутверждающая комедия» («Зинде-гуни тоглии сохднегий комедия»). У гъемчун хубе гоффю гуфдиребу э и рецензия неки э товун эн хувьшдени пьеса, гъемчун э товун вози эн артистъю: Шори Нахшунов, Бикел Мататова, Абрам Авдалимов, Ахсо Шолумова, М. Илизаров, И. Пейсахова ве уйлониге, э товун раче музыйай Шимшүн Ашуров, норегор эни пьесаре — Джумым-Джум.

Э и гъеcсэгээт дофус зере оморенигээ текст екем герек гъисдигьо жигэгьоре автор төзеден дузетмиш сохди.

СҮЙФДЕИ ПЕРДЕ

Онгур богын. Вэхд онгур чиргэйн. Членгийн звенои эн Марал нувьшдет эри нун хурде, форигъэти вэгирде. Э иловлай энгульо э хори бедиргэй, чэнхэгьо, север-гээ. Хумор эз жигэй хувьшдээ вэхшдени, лове э делхэкие хэндэ небердэ, күннд оморени эз Овшолум. Эз гъул эну гирде, ведировундени уре эри вэжегьисдээ эхувьшдеревээ. Угъю сер гирденүйт эри вэжегьисдээ. Гъеме еки чек зеренүйт. Хумор э вэжегьисдеки хундени э гъовой овшори:

Эй-ай! Гъуязуургыльго вераисдет инжиге,
Рихъон, сүмбүүл буй вешендет инжиге,
Мейво, онгур раг доренүйт инжиге,
Э дуылгыомуу эшгэ венгесдет инжиге...

Угъю э вэхд вэжегьисдээ дироморени Марал. У э сүйплэ хэндеревээ денишире-ни э угъю.

Марал. Дуль ишму гъемиши шор гердо! Эдее диренүйм ишму ин-жо дэзгогь вокурдейт?

Гъеме. Омбар согъ боши, Марал!

Марал. Гъелбет, хундэ, вэжегьисдэ хубе кори, оммо гъер коре вэхд юни. Хуш-хъэлол ишму, нун ишмуре хурдайт, имогьой сер гирит кор ишмуре эй сохде.

Хумор. (вэжегьисдэ-вэжегьисдэ күннд оморени эз Марал). Түвш, хэгьергили, биё вэжегь е кем э имуревээ. Гъовой одоми шор биренгэ, одомире диеш хубте кор сохде воисдэ.

Е ченд одоми. Хумор дуз гуфдире, звеновой. Е гиля түвш вэ-жегь!..

Марал. Межегьум десиге. Гъеcсэгээт, хьовиргьо, вэхизит гъеме-еки дараим э кор иму. Ишму дануслын, э вэхд онгур вечиреи гъер сэгээтэ, гъер дэгдэгъэрэ эри кор менфигээтлүү сохде воисдэ. Э пушо воруше рузгьо дери. Песде фирмуш месохит: иму гоф дорейм имбурууз е гектар багъэ эри вечире.

Овшолум. (*вегирдени бедирере*). Звеньевоиму дуз гуфдире, хьовиргъю. Вегирит ченэхгъю, бедирегъошмуре — дарайм э кор иму.

Гъемееки вэхишденуыт, вегирденуыт бедирегъю, ченэхгъошуре. Хумор куындоморени ээ Марал.

Хумор. (*э хэнде-зарифатевоз*). Бошгу, хэгъергили, гуфдирейтувугу. Имбуруз нэгI, эй зуригъю, худо гъишдгэ, эшори-никиревоз эгээрүүситу межегым те воисде.

Овшор. (*ченэх тэфте хуно зере-зере, душгьоре вешнде-фушендэ*) Э жун бебейме, гъечи межегым, э зир пой иму хори лерзу!..

Овшолум. Шевруйт бебешмуре унгъэде мигылиим вежегьисде, терушдешовол ю бурра, шовол ээ пой ю оффдоре!

Гъемески хэндуысденуыт. Шевруйт э с дес ю север дерi, э е десигеревоз ээ гъирмизине кишди хъомоли хувьшде гирде, сере жумунде, ээ зир лов хэндуысдени. Хонум куындоморени ээ Овшолум, э зарифатевоз зерени ээ душ эну.

Хонум. Пэх гердо дедейтуу! Туль мердмере э гоффгойтуревоз гъирмизи сохди гъишд!

Овшолум. (*э гүш Хонум*). У, э холей Хонум, у ээ гъирмизине кишди хъомоли хувьшде гъирмизи небиренгэ, эзи гофме гъич гъирмизи нибу.

Марал. (*ээ гъеме*). Дануысденит гъейсэгIэт иму коми тэхдере биёвечинимге?

Овшолум. Эри У жиге э бөгье эн Оврогъом Дадашеве.

Овшор. Эн Оврогъом Дадашев нэгIэй, эн Мешеди Жегъфере!

Овшолум. Э и хэр, мувэхьсүз денишит ебо. Иму тэхдей эн Мешеди Жегъфере пери вечирейм, туль э хуне хисиреки, шувгъэмтууре эзмунде жигеш гъобон сохдеки! (Дес зерени э шувгъэм эну).

Овшор. (*хувьршлув бире*) Э жун бебейме, гъейсэгIэт и ченэх эз мазалайтуу мизенуым э сер тэхде менуым тууре! Гъобон-хуг туль гъисди, келегъийтууш.

Гъемееки хэндуысденуыт. Овшор гъэгъри бире, ченэх чарунде, нуышдени э сер ченэх.

Марал. Эй нэгъогъи хувьжет месохит. Дузи, у жигере пушоте бөгье эн Оврогъом Дадашеви гуфдиренбирүйт. Оммо омбаре салъю гирошдет эзыу бөгъгьоре ээ дес эн гоширгъой Дербенд: Оврогъом Нетен, Сефтер Ахундов, Мешеди Жегъфер, Менешир Огъю вегирде, э колхозгъю доре, оммо э лэгIэй эн кимигъю нум эн кульгыне сэхьибгъой эну бөгъгъю домундэт рафде. Эзи гъейсэгIэт иму чинимгъю тэхдэ жобордлууре зен иму холей Гюлбогъор эзи е ченд сал пушоте эри буле бөгъер вегирдэи гүүзетлүүрэ нум Игид Жофой Социалисти гъобул сохдебу. Эз имбуревоз биё иму у жигере нум ним «Богъ Гюлбогъор».

Гъеме. (*э е лэгIэ, э размендиревоз*). Ой машаллагъ, Марал! Согь боши,

Овшолум. Эзи гофтуй, теклифитуй иму омбар разиним, лап ээ дуylimуни!

Марал. Э и коревоз иму ээ ело мибирмуним гүүзет, хуярмет иму-

ре э кин холей Гюлбогъор, эз елойге гъоим мисохим тэгИрифлууье нум энуре э гІэрэйму.

Овшор (ээжигэй хувьшде невэххувьшдеки). Хубо... Э и кор имуре ихдиёри эз хьокимгъо, нечелникгъо непуурсире, когъоз, ихдиёри невегир-де?

Овшолум. (э руухиендиревоз). Эзугъо когъоз небире, хэбер не-вегирде ихдиёри, оммо эз түү ихдиёри небире нэгI, э жун сертуу! (Хэн-де).

Марал. Гьелбет, ихдиёри. (Күннд оморени ээз Овшор). Хуб эри-чуй нувьшдэй? Түү э имуревоз э кор нисе оморе беге?

Овшор. Мэ е кемигеш форигъэти вегирыум, песде миём.

Марал. ЕгIни, ингээдэш вомундэй ээз кор сохде?

Овшолум. Эри, эри, у план хувьшдере имбурууз бегьем сохди. Имо-гъой кор несохдгеш гIэмэл миёв.

Марал. План хувьшдере? Коми плане? Кей?

Овшолум. (Бирмундени э лой шуыгъэм Овшор). Шуыгъэм хувьш-дере, чувол хувьшдере... Эде, э кор оморею гьеле дуу сэгIэтиш нисди, эммо дуу гъэрбол энжил не е гъэрбол онгур хурди, луухуулухуут сохди, гьеле шукеетиш эдее сохде, юре, фэгъирлере, гьич иштогьиш нисди гуфдире. (Хэнде).

Овшор (ээжигэй хувьшде вэхийшде, чнэхэ вегирде, э гъэгъревоз) Э жун бебейме, гьейсэгIэт и ченэхэ э келлэй сертуу мизенуум, мазалай-тууре чэх мисохум-гъо. Жинжингъоймере меверовун эдее гуьдиренуум эз түү!

Гьеме хэндуусдени. Овшор э гIосии, биразииревоз денишире э угъо, эз зугъун энгутю сохдени.

Овшор. Хъэ-хъэ-хъэ-хъэ! Чуви беге инжо гьемешму хэндуусденит гIэсбе хуно шихвине зеренит?! ГIэйбиш бу гуфдире, песой эн ки ведини инжо?!

Членгъой звено диёттеш сэхд хэндуусденуут. Овшор э хууршевоз дениширенi э угъо.

Марал. (ээз Овшор). Бэхшлемиши сохит, Овшор, гьич э сертуу эгъуль верими, түү ижире гоффьоре гуфдирени?

Овшолум. Эй хэгъер, э сер ю эгъуль вебугъо одомиреш беге э и келен шуыгъэм вебирени, ижире беднефс, шуыгъэмперез бирени?

Овшор. (э гIосиревоз). Астафрулла дие!.. Тфу! НэгIлет э түү, шэхьиту.

Марал. Вессит хьовиргъо, кешит!

Марал пой норени эри ведарафде, песде генс поисдени, чаруусдени э лой Овшор.

Марал. Валлагь, ме нисе дануусденуум, Овшор, э и коргъо, гьо-вогъойтууревоз эхиртүү чуу мибууге?

Овшолум. Эхир эну чуу биренини? У вамасире гIэлибобое шуль-гъэм эну лов-лэхъче мибу мурав гIэтоше гъэрпузгъой Муушгууре хуно.

Хэнде.

Шевруйт. Вессит, вессит, дарайм э кор иму!

Марал, Овшолум, Шевруйт, Хонум рафденуыт.

Хумор. (*десе вежегъунде*). Прощай Обжор!

Овшор. Пой-пой ебо, туть мунош! (*Гүрдени ээ гүүл Хумор*). Лап хуб бисдо туть э хэвлети оффори э десме. Мере ээ туть е гоф пурсыре воисде. Туть гьемише мере эжигей Овшор Обжор гуфдире. Оммо е ги-леш туть э ме негуфдири, мере э сер невенгесди: мэгіэной эни гоф чульни эхи?

Хумор. Уре е мэгіенош нисди. Э зугъун тати туть Овшори, э зу-гъун уруси нумтуу Обжор, Обжора. И нум лап хуб гүнжуусде э туть!

Овшор. Эй маландис түрье! Мере эзи кортуу лап хъэз омо! Эдее диренүүм, ээ гьемей эни членгьой звенойму туть эгъуытменди, туть ээ гье-ме жогил гьисдигеш. Негъогъ нисе гуфдире: «Эгъуыл ёшде улмез, бош-де улер». Эри, небуге ме э духдергьой урусовоз э шинох биреки, угъо ээ ме омбариш пурсыренуыт: «Овшор, как тибе лучши обзывают по рус-ки?». Хубчи имогъой дануусдуум — «Обжор!» Ээ расдиш раче нуми!

Хумор. (*ээ зир лов хэндуусде*). Раче нуми, лап э туть гүнжуусде-нигъои гуфдируумки.

Овшор. (*э уктемиревоз*). Ме хувшденимеш рачуум, шэхслүнүүм!

Вегирдени ээ күйф хувшиде чульке гузгилере, дениширенi э сифет хувшде, гене доноренi гузгире э күйф.

Гьери е гофиш пурсыум ээ туть: эхи серме неведарафд коми жи-герे рафдет игъо эй вечире?

Хумор. Гюлбогъоре.

Овшор. Кире?

Хумор. Марал гуфдикى: ээ имбуурузовоз иму вечиренимгьо тэхде-ре «Богъ Гюлбогъори» нум норениним. У фикир ээ зуревоз дебу э дуыл звеновойму. (*Кутэхъэ пауза*). Поё, туть э хуне эйчук нисе рафде?

Овшор. (*шор бирере хуно*). Ой согъ боши! Небуге гьеме ээ ме пурсыренуыт: туть э кор эричук нисе ведироморе?

Марал. Чуынки угъо дануусденуыт биографиетүрье.

Овшор. Би... Би... Э зугъунме нисе оморе. И чуль гофи туть жунме?

Хумор. Угъо дануусденуыт, ки туть дуль гилеме э сал ю оморе э богъ-тъо эри кор сохде, дузире гуфдиримге, тулугъттүре эри пур сохде: е ги-ле э богъ чирегъо, е гилейгэ э богъ буррагъо.

Овшор. Хуб, гуюм э богъчирегъо ме эри онгур, энжил хурде омо-ренуым. Э богъ буррагъо эйчук?

Хумор. Э богъбүррагъо туть оморени э вэхд онгур вечиреигъо туть э зир хок пэхъни сохде онгургъоре эри э шүзгъэмтуу декуурде.

Овшор. (*Госи бире*). Гыи у дилможе зугъунлейтүрье мар зено, шэхънтуу! Гоффой энире дениш ебо!

Х у м о р хэндүүсде-хэндүүсде ведарафдени. Эз песой энү, ченэхэ вегирде, когъли-когъли ведерафдени Овшориш. (Пауза). Дироморени М а р а л.

М а р а л. (чуме-чару сохде). Ки биё бу мере огол зеребугъо?

Дироморени Оврум. Уре кутэхъэ рушлэгъо вери, э ген ю стилни, жогынлынэ, парталгъо вери. Гъовою е кем серхуши.

Оврум. (десе э сине зере). Менуым, раче духдер, шогълер гүзели!

М а р а л. (э мэхътелиревоз). Тув? Тув кини?

Оврум. Ме Менджнунум!

М а р а л. Меджнун?

Оврум. Эри, гүзел! Ме тозе Меджнунум. (Хундени):

Меджнунуым ээ дес тув бирс мэ дивоне,
Гүурбунуым тульчыни жайроне, жайроне,
Биё мекууш тув чуьмени жовоне-жовоне,
Эй дердгъойме бош чоре, бош чоре, гъей,
Эй дердгъойме бош чоре, бош чоре, гъей!

М а р а л. Денишит ебо, ишму инжо гъэлэт бисдорит. Ме эдее диренуым, ишму ичку хурде одоминит, оммо эри Меджнун ичку хурдеи, лиёнискеи рач лонгъ нисе доре.

Оврум. Вот именно, дорени. У куыгыне Меджнун лезет ичкуре не-дануьсди. Эгенер у Меджнун э у хьол хувшдеревоз е дивисд грамм э бугъоз мешендге, у вэхди у кордере вегирде, шуыгъэм Ибнисаламе сула сохде, э гуж-хувшевоз мибердгэ эй хувшде Лейлире, у вэхди у не делуыш нибисдо, не дивонеш, не хъэрээрт э дуыл дериш нимуьрд. Верасири?

М а р а л. Бэхшлемиши сохит, эдее диренуым, ишму гъозией Лейли не Меджнуне хуб нисе дануьсденит, э литература, книг хундеревоз гэрешму нисди. Э севгил гуж сохде нисе гүнжуьсде. Песде гъинор эн гъер одоми нисди жовоне Меджнуне хуно ошугъ бире, мутьгьбете сэхд дошде.

М а р а л е воисдени бурав.

Оврум. Пой, пой раче духдер! Тув мере унгъэде овом хыисоб ме-сох. Ме ченгъэдер э серме веригъо муйгъо шегъергъо хундем, книггьо, журналгъо дирэм. Э товней мугьбет, ошугъ бире-небиреи, туре дануьсде воисденигэ: гъер одомире ихдиёри эри ошугъ бире, воисд у одоми рач бугу, воисд бирач, воисд огыиль бугу, воисд жогъыл. Инией, урусьюре е келе шогъири. Уре Пушкин нуми. Тув уре шинохдени?

М а р а л. НэгI (хэндүүсдени).

Оврум. Эле, нисе шинохдэ? У гъейсэгIэтиш э Ленинград зигыисдеки? (*Марал хэндүүсдени*). У нувууьсди, ки: «Лубов фисе... фисе...» Пой-пой, тув мунош, чуьтами у?...

М а р а л. Ме нисе дануьсде.

Оврум. Чуьтами нисе дануьсде?

М а р а л. НэгI! Ха-ха!..

О в р у м гешдени күйфгьой хүвшдере, ведешендени блокноте.

О в р у м. Инией булокнот. Инжо гьеме вери. Ме инжо эриме нуль вьюсдем ченд жире гоффю, метелегьой хэлгъире э товун мульбет, хосдей-соймиши, гьемчун эн келе писателгьоре: Пушкине, Лирмонтоне, Толстуе, Мэхьсум Горкире... (*вешендени велггвой блокноте*). Инией, гуш вени: «Лубов... Лубов ни картушке!» Эле, нэгI, нэгI, у нисди! (*Марал хэндүүсдени*). Пой, пой, мехэнд. Ме гьесэгIэт миофум уре. Гьо! Ини, оффдум! «Лубов фисе взрасты покурни».

М а р а л. Покурни?! Ха-ха-ха!

О в р у м. Эри, эри, вот именно покурни. Одоми соймиш бире э салгүймур кор невери. Ме гьечи верасиренуьм хьовир Пушкине. Эз севоре гIэил сергирде те навад сале пире гол-гол соймиш сохде, ошугь бире мидану. Энжэгъ, раче духодер, (*зерени э десевоз ээ күйф хүвшдэ*) күйф одоми биё пур бу. Э Туру негьогъ иенуувуьсди-о: «Гъэкисиф егIэни ит гье��уьл». ЕгIни, э пулевоз гьерчук тууре сохде мидани.

Хундени гене:

Гюиз миёв мибошум ме хэзол
Э чулгъо ве багъгъо моффону зевол,
Пуч мибу гуьмуур, недира мозол,
Эй дердгъойме бош чоре, бош чоре, гьей!
Эй дердгъойме бош чоре, бош чоре, гьей!

М а р а л. Э ме деништей, гражданин Меджнун. Ме эдеме дире ишму неки ээ шороб, гьемчун ээ куьгыне гIэдотгьо, дивэгIгьо гиж, серхуш бире одоминит. Ишмуре эри ишор сохде омбар четини. Уни, вегирил эзи раче ширине онгургьо, емишгьой богъ иму хурит, белкем увэхи похмель ишму екем гирошдге.

О в р у м. Поит! Ме ээ расдиш, раче духодер, эри емиш восдоре омогрем. Оммо у ме восдоренуьмгьо емиш ээ гьеме, бүтүүн эн емишгьомайвогъой дульнёгъ ширини. Энжэгъ доре-восдорей эну ширине емишэ э уревоз кошдиго, веровундигьо богъбоневоз биё гоф сохум. Коргъой гуюгьоре хуно: пул эн ме, мол эн ю.

М а р а л. Бэхшлемиш сохит, э богъ иму э пулевоз емиш нисе фурухде.

О в р у м. Вот именно!..

Эз песой сэгъне, ээ гъэд богъ шиновусде оморени сес Х у м о р.

С с Х у м о р. Марал! Ой Марал!..

Дироморени Х у м о р. У Овруме диренге бирден поисдени. О з р у м уре диренге дуль чуме э темэхъэвэоз буйхъ сохде дениширенi э сифте, э буйбалай эн Х у м о р.

О в р у м. (*серэ жумунде-жумунде*). Пегь! Бебейтуй вой, и чув раче чини эде, и чув жендек, и чув буй-балаи! Ме мадан гьемей эни чэхъэ чигъо э и колхоз дебиребебей. (*Эз Хумор*). Руз э хэйр бу! Израстуй! (*Хумор жүгъоб нисе доре*) Э тууревозумей! Израстуй-эй! (*Эз Марал*) и кари?

М а р а л. НэгI. Гьо!.. Эри, эри!

Оврум. (зерени ээ зани хувьшде) Хъэйф, ижире раче сер, ижире жендек кар бисдо. (Ээ Марал). Дие согъбоши, раче духодер. Дасбидани!

Оврум рафдени. Марал не Хумор келе-келе хэндуьсденуыт.

Хумор. (*хундени*):

Гульзуув ойдун, хэгьергили,
У хосде куктуу омори,
Ме сохденуым келе шори.
Войтей эн дультуу омори.
Эеки ишму вохурде,
Раче гоффюо вокурде.

Дульгъой екире шор сохде,
Соймиши дультуу омори!
Небу ээ ёр гъэгъри бире.
Пойле зени мозолтууре,
Гээсел зе хуб зугъунтууре,
Шогъсанем, Гъэриб омори!

Марал. Ки омори, ки?

Хумор. Небуге түү нисе дануьсде? Ошир омори, Ошир!

Марал. (э мэхътелиревоз). Ошир?!

Хумор. Эри, эри! Иму э гъирогъ гъэндэгъ э онгур вечиреки ээ дур дирируым уре. У эдембу э председатель колхозевоз гоф сохде. Мугум: видовум ебо бошоре дүүм хэгьергилимере. Ме дануьсденуым эхи туу уре чуьтам хосдениге.

Марал. (*Гээбэ-гээб, оммо билбуле хуно*). Ме?.. Ме не уре ээ товней у мере хосдени гуфдире, енебуге ме уре хосдениум гуфдире, имуре э Гэрейму е гофлеш небири. Гъечиниге э бөгъ киш оморе рафдени.

Хумор. Пой бура! Ме ние дануьсденуым беге: дультуу гъэйсэг! Ээ шори эдее бэг! Эвичере хуно вежегъисде оммо ээ лэг! Эйтую гъерччуу гири эдее пертово доре рафде.

Марал. Пертово доре чуьтам? Ме э түү гъич, гилелеш гуфдирим ме Ошире хосдениум гуфдире? Расди ченд бо гуфдиребируым, чуьтам у эзи дүү сал пушо пушой институте варасде оморебуге э практика э колхоз иму э се мэгьи, мере доргъоре гъэлем зере хуте сохдебуге, ченд жире несиг! Агрономи доребуге.

Хумор. Э ме дениш гъей! Ме э садангъоревоз сир кошдем. Те түү ебо лэг! Вокурде ме гье у тутынануьсдум ээ дультуу чуу гирошдгэ. Оммо түү эдее эйме нэгъуль хунде. Пой инжо ме зури-зури бурам огол зенуум Ошире.

Марал. Нэг!, нэг!, огол зере меёр инжо (*Десе зерени э гъутинэгъий хувьшде, венорени э сине. Евоши-евоши эри хувьшде*). Ээ расди дульмэ эдее паруьсдеке хуно пар зере, гъутинэгъийме ээ некуми эдее су гирде сухде. (Ээ Хумор). Нэг!, нэг!, бурам э песой корме, э сер корме поюм.

Хумор. (*Глоси биререг хуно*). Тэг! Эл бире мемун, духодер! Е ним сэг! Ээ сер кортуу непоисдиге, кор э чогъол чаруьсде э вишегъой Мюшгүр нен Самбур нивирихуу. Пой э жигейтуу, ме бурам огол зенуум биёрум уре.

Марал. Огол мезе. Эгенер дуыл эну битоби сохдениге мере эри дире, ю хувьшдению миёв э киме.

Хумор. (зерени э битобиревоз ээ занигъой хувьшде). Погъ! Чуу тэг! Эл одоми биребебей түү! Э сер гофтуй гоф овурде нисе бире. Эн түү «товоргъун бир будини, бир буди!» Э жун бебеле-бирорме, гъэдо

мересо, мере еки эзуни чув Ошири соймиши миёсд бире: рач, эгъульменд, дануьсменд, ме уре э гъошгъо-чумгъоревоз, э ширине гоффгъоревоз гээсэл мисохдуын э хуьшде могосунд, чуьтам гуфдиренигэ э мэгіни эн «Бери бох». (*Хундени*).

Огълени ёлден илер, ей бери бох, бери бох,
Гъульзум ширин диллери, эй бери бох, бери бох!..

Оморени сес мэгіни хундени Ошири

Мэгіни Ошири

Хунденире ме верасдем,
Э ватанне вогощдем,
Ере дире ме хосденум.

Эри эну ме хъэротуым,
Эри эну ме гъейронуым.

Маралс воисдени ведарав, оммо Хумор уре гъуль зерени песово, ю зури-
зури ведарафдени. Диromорени Ошири.

Ошири (*шори-шори*). Марал! (*хундени гене*):

Э чор тараф эни догъгъо
Вараисдэт раче богъгъо.
Ерме рачи эзугъо —
Буылбуыл э гээрэй гульгъо.

Ере дире ме хосденум.
Эри эну ме хъэротуым,
Эри эну ме гъейронуым.

Ошири. Марал-жон, руз тув эхэйр бу!

Марал. Эгъиббеттув э хэйр бу. Хош оморейт!

Ошири. Согъ боши, Марал! (*Э мигъробониревоз денишире э Марал*). Чум марасо, эзи дув сал ме түре недире эйло тув диеш рач би-
рей.

Марал. Түвш гыч дегиш небирей, оммо е кем лэгъэр бирей.

Ошири. Эз дуылпесои, эз омбар битоби сохдеи түре эй дире.

Марал. (*э серкуширевоз*). Гье эзу товунеи э хыисобевоз э гъэд
эни согъ дув сал тув е когъозлеш не невуьсдэгъо эриме?

Ошири. Ме тэхсируым э пушойтув. Оммо бовор сох, ме эриме фи-
кир сохдебируым: түре белки одохлуни, бебешму түре тэимогъой э
шуввер недоре нигъилув, у, бэхшлемиш сох, күргье гэдотгьоре сэхд
гирденигъо одомини.

Марал. (*кутэхъэ пауза*). Мере одохлу нисди. Не э мере невоисдэ
одоми гыч ме нирам!

Ошири. (*Шори-шори*). Егіни?..

Марал. (*гээйбе-гээйб*). Пой, ебо! Эхи гуйге тув пор миёсди верас-
де институте? Эз тув э колхоз иму э практика оморе эйло дув сал ги-
роши?

Ошири. Дузи, Марал. Ме пор верасдем институте, гъобул сохдем
диплом агрономире. Эгенер ме мидануьсдуынгэ түре одохлу нисди, туль-
ре э шуввер недорет, ме гье пор вогощде миоморум инжо эри кор сох-
де. Оммо мере ужире имиди небу, не э гээрэйму ужире гофиш небире-
бу. Институте верасденгэ ме э профессормеревоз эри е сали э гъуроми-
те хоригъой Қазахстан рафдебирум унжо э тозе хоригъо эри богъгъо
дешенде, бегъер веровунде. Ужире келе майдузие хоригъо ме гъеле э

Гъумуьрме недирим. Мере воисденбу эри гъемишельувь поисде унжо, омбаргью унжо рафдегоргьоре хуно. Оммо э дульме ватанме, Дербенд, багъгъойму, догъгъойму оффо, туш... Тоб, гъэрол недорум, вогошде оморум. Мере имогъой э агрономи фирмсари э колхоз ишму.

Марал. (*Гэйбе-гэйб шори сохде*). Омбар хуб.

Ошир. Гьери гу имогъой, коргью-borgъойту чуьтами? Звенойту чуьтам кор сохде?

Марал. Э согъиту, хуби, зобу нисди. Эзи дульсал пушо э туьревоз кошде, гъэлем зере доргъойме э гъирогъгъой участок эн звенойме, э ён гъэндэгъгъо вероморет, келе бирет. Туь гуфдирере хуно гъэдер тегъенгъоре э гьер гектар зиёд сохдем. Бегъер иму имисалинере хуно пориш хуб бу. Э товун звенойме э гозитгъо нувьвусде оморебу. Эгенер туьре воисдениге, кеш бурайм бирмунум э туй тозе доргъо, тегъенгъойму ре.

Ошир. Лап хуб. Кеш бурайм!

Марал. (*Хэнде-хэнде*). Кеш!

Марал не Ошир ведарафденуыт. Диromorenuyt Зарапил, Шевруйт ve Оврум.

Зарапил. (*кемере тик гирде, эз Шевруйт*). Погь! Ишмуре хъэлл гиро! Чуьтар оморенит ишму гьер руз и рэхъэ? И чуь дуразе рэхъирэхъгъой богъ ишму? Те инжо оморе расире занигъойме, кут, хэсде бисдорут.

Шевруйт. Жогылгъо э велисопедгъо, мотоциклегъошуревоз омопренуыт, имуре, огылте одомигъоре, э машиневоз берде-овурденуыт.

Зарапил. Хуб. Кутэхьи гоф-иму духдере дирейм. Духдертүү, худо мебуро, э нум хуьшде верзиренини-марали, тузыели. Эхир гофтүре чуьниге гу, гъэдоволим, диройм э шори-никиревоз илчиети сохим эри духдер.

Шевруйт. Лап хуб. Ме э ишму гуфдиребирым эзи ченд руз пушо: дит мере рэхъ-пули эй духдер пенж гъозор монет нэгъде пул, багъ-чирегъо верасденге худо, гъишдгэ, диройт духдере эри хосде. Вер салам!

Оврум (*шори-шори*). Глянус жизнь, лелей Шевруйт, духдер эз расдиш лап рачи, холей Зарапил гуфдигъоре хуно, энжэгъ екем хундени, верасирею унгъэде нисди. Гъэйгъу нисди! Мере э хуне куьгыне книгъо, журналгъо пури. Е вэгэдо ме мукулатур кура сохденбирым — эзумгъоевоз мунди сер-сереки э сарай, э ён хэрэй хуьзумгъо, гъембиз эн куьмуур. Тукульмиш мисохум съямере хуно э пушайо, фегъм сохугу эри хуьшде. Э товун рэхъ-пули гуфдирениге, э хэйтогъигъо уре «калын» гуфдире, э сер чумгъойме. Э иму гъейсэгээт ужире гээдотгъо кем мундигеш, глянус жизнь, гъич э сер гофтүү е гоф неовурде пенж гъозор монет рэхъ-пулире, тозе сади э сер сади менум хъозур мисохум.

Шевруйт. Дие ишмуре гофиже нисдиге, гъечувь буге, ме бурам э песой корме. Согъ боши!

Зарапил. Туш согъ-саламат боши, гъэдоволим, э доморгъодухдергъойтуревоз. Эхиртүү ник гердо. У киши хъомоли эз кишдтүү фураморе, гээллэй наринере э сер гъужогъ вегирдени гердош. Омин! Ой худо!..

Шеврүт ведарафдени. Заангил не Овру и шори-шори дениширенуыт дүй эски. Хунденүйт вежегьисде-вежегьисде.

З а р а н г и л.

Ме, жерэхь, мому, илчи,
Зүгүүнме гыйсд бүүлдүрчи,
Эй гөөр кор гыисдум усадо,
Метлебгъойму бегьем бисдо, эй Оврум, эй Оврум!

О в р у м.

Офди эймс раче севгил,
Жон түй холей Заангил,
Мараш зугъунтуу эз луле,
Медешенчүй эй с хъэзле, ой холе, ой холе!

2 гиле.

З а р а н г и л.

Э хотур эни гэмелме,
Е сади дени э десме,
Эй несохде гилеи,
Мосодони келегъэн, эй Оврум, эй Оврум!

2 гиле.

О в р у м.

Хок э сер эну сад монет,
Түй дорей мере омонет,
Е жевогъилеме духдере,
Е раче Марал дөгъире.

2 гиле. Е раче марал дөгъире, ой холе, ой холе!

Гъердуыеки э вежегьисдеки.

Шор гердо дүльгъой иму,
Расд биёво коргъой иму,
Гээрүслераш мэгъиге,
Миёрим худо гышдгэ, ой Оврум, ой Оврум
Миёрим худо гышдгэ, ой холе, ой холе!

Гъе и вэхди оморени сэс хъэрай эн Шеврүт. Диromорени Шеврүт шуш-негес гирде. Э кишд эну гырмизине кишид хъомоли неве.

Шеврүт ((*мушиде вежегъунде, келе-келе хъэрай сохде-сохде*)
Э жун эну мере офиригъо худо, хори-гъоворе милерзунум, и колхозе гилбегил мисохум, Гульломе дербодогъуун мисохум эри э серме ижире беде коре овурдei!..

О в р у м. Э лелей Шеврүт, хэйр гердо, чувь бири эхи? Чувни гъечи?

З а р а н г и л. Ники-хуби гердо, генеш, чувь бири беге?

Шеврүт. Дузыздирет. Э гъосутевозиге, э зарафатевозиге — дузыздирет! Вир сохдем!..

О в р у м. Кире дузыздир? Чувре вир сохдей?

Шеврүт. Гээлмэрэе, имидмэрэе, толихъмэрэ!

О в р у м. (терсирере хуно) Чув?! Духдертүре вир сохдей? Марале дузыздир?

З а р а н г и л. Марале?..

Дироморенуьт Овшолум не Хонум.

Шеврульт. (э гъэгъревоз) Э жегъенде Маралиш, Марале зенди-
гъо дедеш. Мере дерд Марал негирди. Ме ферзендмере вир сохдем!..
Овшолум. Ферзендтуьре? Комини ферзендтуьре?

Шеврульт. (бирмундени э кишд хувьше). Кишди хъомолимере
вир сохдем. Ме уре шев «нум худой» сохде э зир бонилайме доноренуьм,
эз хувьше гъирогъ нисе норенуьм дес непоке одоми нерасуу гуфдире э
у. Ё лэгээзолейге, эз ишму гэйбиш бу гуфдире, ведарфдум э гъирогъ
эн гъэндэгъ, э ён эрх, кишдире эз кишдме векендум, десглов мере эри
сохде. Комини худосуьз, нелоигъ, инсофсузыгэ мере хэбер небиреки эз
пэхъники дузыдир берди кишди хъомолимере. (Э хъуьршевоз). Э жун
худо э догъю-дерьёгъо су мидешенуьм кишдимере э жигею овурде ра-
сундегор небисдоге.

Хонум. Эй мерд, уин мевэхизун инжо, биёбур месох имуре э пу-
шой эн хэлгъ-жэгэмет!

Зури-зури дироморени Марал, кишди бебешу э дес ю дери. Эз песой эну, эз
шир лов хэндуьсде-хэндуьсде, дироморени Овшор. Марал э серкуширевоз дени-
ширен э Шеврульт.

Марал. (эз бебешу). Э догъю, дерьёгъо нэгI, эгенер э кульгыне
дивэгIгъю, хосиетгъойту су доноре, угьоре нисд мисохдиге, хувьшдереш
э пушой эни хэлгъ руяхшени нисохи, имуреш эз хижолети хилос ми-
сохи. Э сереботи эни е кульгыне лугу тув э гъизгъин эн кор шивиш де-
шендэй, хэлгъэ эз кор гышдей. (Шендени кишдире э хори э пушой бе-
бешу). Веги, бесд э кишдтуь. Теймогьой эзу дире гэлеметгъо-керемет-
гъоре эзимбэгъдойгеш мивини.

Шевруйт гъувьз бире, всицдени кишдире, тимор сохдени.

Шеврульт. (э гъэгъревоз эз Марал). И кишди хъомолире э кишд-
ме бесдигъо — туьни, хэгъергъойтуни (бирмундени э десевоз э лой
Хонум), дедешмуни!..

Хонум. (гирицдере хуно). Эй мерд, весси! Сухдум, бирьён бисдо-
рум эз дестув, сухде, кобоб-бирьён гердо у ишорогIо хэгъергъойту эзи
хъэйф-догъме! Вессией, весси!

Шеврульт. (хувьш сохде оморени э сер Хонум). Чув весси!? Ме
биё гуюм эз туь-весси! Весси эриме е шеле духдергъо зендэгъю, мере
хъомол гышдэгъю! Весси!

Хонум чаруьсдени песово, гирицдени.

Марал. Бебе!..

Шеврульт. Бур сестульре! Ме бебе нисьдүм! Ме бебе мибисдорум-
гэе э сер ферзендгъойме сефги нэгI, килэхь мебисдо (бирмундени э ки-
лэхь хувьше), килэхь!...

Пердс.

ДУЬИМУН ПЕРДЕ

Хүней Шеврүти. Э хьэйт, э пушой хуне – столи, стулгой. Марал сер столе эдее э скатертовоз дегирде, мэгіни хунде.

Эй гъэмсүзье шоре буылбуыл,
Дусд эн оффо иен гъувзүргүүл,
Гъечи темеруз эйчуй дуыл,
Эри весали гъувзүргүүл?
Түй нишони эй севгилтю,
Дусд эн гульгью, беневшего.

Хун гъери ебо, жон буылбуыл
Эй хомушки соймише дуыл.
Эй небире дуылме гъбер,
Эз ёр эйме биёр хэбер,
Усуя эйме тэхли рузгор,
Уни мере шор сохдегор.

Марал дерафдени э хуне. Диromорени Шеврүт сере жумунде-жумунде.

Шеврүт. Э жун худо, нисе дануысденүм и духдермере песини рузгъю чую бириге. Е кем э хувьшде недери, бодо хурде одомире хунои. Э и гъовогъой хувьшдеревоз е од гъэзенмиш несохдгэ эриме хуби. Гъеле кун себэхь бегьем сула небири, и эдее мэгіни хунде эри буылбуыл не гъувзүргул, уён-бүён. Ошугъ бире э лути-пути, мердимазаревоз вирихде нерав, биёбур несоху мере э гъемей эни Дербенд э и пире вэхдмэ. (*Огол зерени Хонуме*). Эй зен, эй зен! (*Сес Хонум нисе оморе. Гене гоф сохдени э хувьшдеревоз*). Хубчи у Оврум омо ведиромо. Дуым э у духдере э шори-никиревоз э рэхь декинум. Эзумбэгъдойгэ э шуввер хувьшдеревоз воисдгэ ишуре те себэхь бире хурузе хуно гъульгүй зенуутгү, воисд дайчере хуно шиллогъ вешенде, шихыне зенуутгү. Токи ме е гиile ире эз сер сохм, э шуввер дуым. (*Гене э лой хуне чаруцсде*). Эй зен! Э туьревозимей!.. Эй зен!

Хонум (ээ хуне). Оморум-оморум! Чую шивени туй дешендей?!

Хонум диromорени. Э синей ю пушосине вери.

Шеврүт. Туй гъеле-мелэ жуғьоб нисе доре, туй кар, сур-сургум бирей бегем?!

Хонум. Кар-кур, сур-сургум гердо у жуыфде-жуыфде. ишорогъое хэгъерьгъойту! И чую хъэрои? Кереме хуно су гирди бегем дедайту?

Шеврүт. Те имогъой су негирдемгэ эзимбэгъдойгэ ёгъин миги-рүм. И гоффью энире дениш ебо! Туль духдертүре хуно делүнни. Нетгъогъ нисе гуфдире э метелегъойму: «Жингире гове жингире гуселе ми-бу».

Хонум. Жингире гов, жингире гуселе хэгъергъо, хэгъерзөргөйтүни. Себэхь-себэхь чую хъэлово бирей мунде ту э и жунме?

Хонуме воисдени бурав, оммо Шеврүт гирде, поюндени уре.

Шеврүт. Пой, э же рафде туй? Ме туйре инжо эри хэнде-возиле-гъю сохде огол незерем, лап фикирту гирди рафде мере, туй мунож гье эзу расди.

Хонум. Эйчуй? Эриту кук незенdem гуфдире? Мере хьофд духдер гъисди, мермекино, е бура шенде нэхүшуре э дэг небуде кукгъо ни-дүм. Шеш домор мере гъисди, гъеми дэгээм кук доренуут эриме, гье-мигэ дэгээм эн домор. Оммо туй (гирдени ээ киши Шеврүт) и ченд

салгыой худои кишди хъомоли бесдей эдее гешде. Эз хэлгүйш гэйби, эри духодергъойтуш хижолетини. Тув угьоре эритуу гэил хысоб нисе сохде бегем?

Шеврүт пертово дорени дес Хонуме эз кишди хувшле.

Шеврүт. Гэил нарине небугьо мерд гэилсүз хысоби. Духдер, бебе, мурденгэ эри энү гъэдиши нисе зере, ношумой энү э генгидин гъисмет бу гуфдире. Мэ и кишдире бесдем худой офорогор сэхийб гүйлом эз хьофдимуун төбэгъэй асму винуу и кишди хъомолимере, э гъэвли, хольме, э додме дерав, э дуль ю рэхъм биёв эриме, мере э и пире рузме семе е кукле дуб.

Хонум. (*сүүпле хэндэ сохде*). Весси, ой мерд! Тув и кишди хъомолире бесдей гуфдире мере эзимбэгъдойгэ гэил биренини? Гыч э сертуу эгъуль верими? Мэ имогьой, гэйбиш бу гуфдире, дэгэ сали э сер хувшгэ эрхгьо, хувшгэ доргьо, хувшгэ тэгъенгтой бебеле-Гэмлей-ме хувшг бирэм, эзимбэгъдойгэ мере гэил биренини?

Шеврүт. Гьееме э дес худо дери. Худоре воисдге мибу. Инией, э Туро э Бершит, вери: Оврогоом-овину сад сале бу, зен энү-Саро нэвад сале Саро Исхьогъэ зэнденгэ. Мэ шасди зиёдте нисдүүм, түү-пенжжогъя пенжи. Иму э пушой энүгью лап гэилимки.

Хонум. Гье гъечи вери э Туро?

Шеврүт. Мэ беге хъэсбошолум, нум худо нен Туроре э нэгъотги гирденүүм. Гье гье гъечу вери э Туро. Мэ ужигере эзвэр дануусдэнуум. Воисдениг хунум эритуу. (*Хундени э гъовий нумаз-туро хундэи*): «Оврогоом бу сад сале, кейки уре Исхьогъя бисдо, кук энү. Ве гуфди Саро-о-о...»

Хонум хэндуусдени. Воисдени юре бурав. Шеврүт хундай хувшдере поюнде гирде, э гужевоз поюндени уре.

Шеврүт. (*глоси бире*). Эже тэгиди сохде тув, хуне хэреб, егъертутуу беге э сер гээб вери. Мере э тууревоз гофи эхи!

Хонум. Гофи, дие тув мере е сэглээт э силис эйчүү гирдэй гышиде, гу бура гуфдирени гофтүре дие. Э сер кинле мере дувшберегъо вери, мераав пуч мибу.

Шеврүт. Хуб, зурнов мезе, гуш вени. Имбурууз э хунейму илчи-гъю оморенинүүт Мараале эри хосде.

Хонум. Гы?.. Кини кук?

Шеврүт. Оврум!

Хонум. Оврум кини?..

Шеврүт. У Оврм дие... Э пэхъники, э ошгори алвар сохденигъю, «дафиситни» молгъю фурухденигъю. Пенж гъозор монет нэгъде пулиш эдее доре имуре рэхь-пули эй гэруус.

Хонум. У Оврум кук Ситгыил Хьофдфадихургъо небую? У хэрхимбил, лути-бомбули, рушлэгъой кечии веригъо уре? Те увэгиди немунди Оврум э мундигъю кесгъой хувшдеровоз ме вегириум е жайроне духодермэрэ э у дуум.

Шеврүт. Эйчүү?

Хонум. Валлагы, мерд, эз дестүү догъ бисдорум рафд! Гьеел: эй-

чушь эдее гуфдире! У кини, ме э у духдермере э шульвер дүйм. Эвели-мутьнжи, у ээз духдерме филонгъэдер келен. Песде ченд зен бирүре. Уре с сенигІэт ю, е кор ю нисди. Э песой пул, алвери мурди домунди э и рэхъгъо, шегъергъо: Масков тулье-Харьков мере, Боку тулье — Ростов мере, Тифлис — тулье, Гендже мере... Эз дульздире, э фурмундиревоз сохде пулгъо бэгъэй чуьни уре? ГІэсуули, эгъульи, е кори, сенигІэти.

Шеврүт. СенигІэт эну эйчуюни тулье. У эдее э пулевоз вежегъисде. У Мараале бикере хуно мидору. Ме у кореш фикир сохденум эхи.

Хонум. Ме эзи гоффбайту сухденум рафде дие. ГІэйбиш бу гуфдире, пул не моле одоми э кишней хульше доноре хисире беге? Хун одоми биё эри одоми дульш зенуу, эз дульши еки бошут. Варасири?..

Шеврүт. Имуре бебегъо-дедегъойму эри еки хосденге, лап хунме эритуу дульш зеребу рафде, туй мунуш гъе ээзу расди. Гыч ме, косибе серме руйтулье диреш недиребиуымки. Инией, дульши екире зереймгеш и чуыл сал зиёди эдее зигъисденим эеки. Угъюш мизигъуют муравт.

Хонум. (Э могъбулиревоз). Валлагы, ме э уль ихдиёринеиме мибисдорумгэ, ме э туй гъисмет нибисдорум. Худо гловун хыисоб месохо, бебегъо-дедегъойме мере е сиздегъ-чордегъ сале сер-зугъу недане гІэиле вегирдуут дорут э ишму, сухундуут. (Э сифет Шеврүт денишире). Ме э туй гуюм: дультуу эри гІэилгъо е тикелеш дорд нисе доре небуге...

Шеврүт. Чуу небуге?.. Туй гуфдиренигъо, ме нисе хосденум духодертүлье. Хосденум, энжэгъ унгъэде нэгI, чуынки духодери у, кук нисди! Менум эзхыб эни хуне, эни кифлет! Мере э гъерки воисд гъе э у мидум духодере. (Э энгүшдевоз гъелебуле гирдени). Воро э у мара зугъунтульевоз э лэгІэй гІэил гоф дешенде, дуль энуре эз Оврум хуьрд сохи!..

Хонум э зир зугъун хульше чуыниге гуфдире-гуфдире, десгъоре вешенде-весенде ведарафдени. Э песой эну ведарафдени Шеврүтиш. Эз дорун хуне бирден омсарни сес Хонум.

Сес Хонум. Гъейвой! Дульшберегъойме верафд пуч бисдо!..

Дироморенүйт Зарангил не Оврум, Э зир шол эн Зарангил чорекай шороб дэри. Оврум дениширен э лой пенжергъой хуне.

Оврум. Эжей и шогъялар марали, генже гузели? (Думит сохдере хуно). НэгIо, эз гъовогъо эдее диренум, и омбар сикелүче духодери. Сикей эни е сер ээз нүүкөрэй Самбур эдее глов хурде. ГІэдоти, рагче духоддер енебуге пуллуюе одоми сикелүү мибу. Оммо уре рачиниге, жогъилиниге, мере, худо мебуро, пули (зерени ээз күүф хульше). Дедей мемиро пуле, гъи, холей Зарангил?

Зарангил. Гъелбете, гъэдоволим. Э пушой пул ки, чуу довом до-ре!

Оврум. (Э шори, келегедировоз, бешингъоли зере-зере). Негъогъ нисе гуфдире: «Дэньги есть — милай мой, дэньги нет — иди домой!».

Зарангил. У чуу гофи, холе миро эритуу?

Оврум. Уш гъе у туй гуфдирере хунои. Имогъой, холей Зарангил, гъелелууыг веги шоробе ни э зир стол, огол зе угъоре.

Зарангил. Хонум! Эй Хонум! Инжимиш бисдоритгэ, е дэгъдэгъэ ишко ведирайт!

Хонум. (эз дорун хуне). Гъо! Оморум, Оморум!

Шевруйт не Хонум ведироморенут.

Шевруйт. (Э ведиромореки эз Хонум). Шиновусди? Э пушой илчигьо э сер гофме гоф меёр. (Эз Зарангил не Оврум). Ишму хош оморейт!

Зарангил. Согъбоши, гъэдоволим! Гъемише э шоригьо никигьо биёвойм, э никигьо-хубигьо.

Нуышденут гъемееки.

Шевруйт. Гуит гоф ишмуре.

Зарангил. Сер нэхогь ишмуре эри омбар дорд недоре, гуюм бурам кутэхь метлеб омореимуре. (Десе кеширени э лой Оврум). Денишит, гъэдоволим, и мерд, и косиб тэ руш сипи сохде дув гилеиге, се гиляиге э гилгули оффори.

Овrum. Глянус жизнь, лелей Шевруйт, гъеме дув гилеле.

Зарангил. Е зен эни, дуразрүй ишму, э сер зендеи мурди, дувъл юре Ол берди, дуразрүй гээильгээшүү, гээиллеюш э гъуль дедей верафди. Дуьмуын зен эни гириге, ализе духдер Петэхь эн гудеге Оффдум Мироти гье эз сер безмуй эн гээрүсьи, гээйбиш бу гуфдире эз Шевруйт — уш бирормере хуно, ошугъ бири э гедей гъунширевоз вирихи эз ки эни.

Овrum. Ошугъ небири-о, жульфд бири, жульфд. Эри дие, ошугъ бири...

Хонум. Гофтүш мундгэ, Зарангил, эзумогъевоз хэбер нисди эз духдер Петэхь эн гудеге Оффдум Мироти? Гъич неомори э и хоригьо?

Овrum. (хъуьршиль бире вэхишдени). Биёвтуг-биёвгу, ведировгу инжо, глянус жизнь, сер энтуре э хэнжелевоз ширп сохде мибурум эн пийэз хуно.

Зарангил. (э биразирево). Пой бура!.. Тув ё мужиниреш куьшденигьо одоми нисди, ё динже, саламете одомини. (Эз Шевруйт не Хонум). Э сер гъэгър, гээтош гъерчүү бисдо эдее гуфдире рафде.

Овrum. (э жигей хуьшде нуьшде). Догъ донори эхи у э руруй-ме! Биёбур сохде мере э гъемей шегъер, килэхьмуре э хори зери!..

Зарангил. Эри, хъофд сали и косиб худо тэхънои. Э хуне не хульсүр дери, не шовхэгъер эз гээрүсьи гилеи сох, серкүш зенуу: егэни, гъечи ненуьшди, гъечи невэхиши, гъечи несохди. Кими зенхульсүргъоре, гээйбиш бу гуфдире эз Шевруйт, э шульверевоз хисире-вэхишдэй эн гээрүсьи кори, хун гээрүсье эдее хурде. Песдэ и мердэ, худо мебуро, хунай ю гъисди, мол ю гъисди, оммо хурдогор ю кес нисди. Коргъой гуюгъоре хуно: хуне хэвлет, боже девлет. Дит духдер ишмуре э и мерд, биёв сэхьиби соху хуне, жигей эни мерде, дувъл эни фэгъириш динж, олхогъин бу.

Шевруйт. Тув, Зарангил, эзи дув орине пушо э богъ и гофе вөрөвунденки, ме э тув гуфдирум, мере разини духдере э Оврум эри дөре. Энжэгъ, чуьтам иму игърол сохдебиримге, пенж гъозор монет рэхь-пули дувгу мере.

Оврум. (гъе у сэглэт вэхшидэ ээжигей хувьшдэ). Глянус жизнь, лелей Шевруйт, гье имбуруз пул ишму мирасуь э ишму, е ме миёрум, енебуге мифирсуум э дес эн е күнде одомиме.

Зарангил чорекай шоробе ээз зир стол вегирде, норени э минжи.

Зарангил. Имогьой чуьтам гээдот гыисдиге гъудиш сохим. Бэхшгьо, парталгьорэ эй гээрүс, худо гыишдгэ пэсдэ миёрим.

Шеврут. (ээ Хонум). Вэхиз зен, гъерчүү бисдо биёр! (Хонум э гүш нисе гирде, сифет энүү гъошигъобогълүүни). Ой зен, вэхиз гъерчүү бисдо биёр гуфдирум! (Хонум ведерафдени). Хосиет дедегьои. Угью э ховиш эри духодергьошу шуввер гешденуут. Оммо оморе шуввер оффоморенге, дуль ишу гурунд бире, домогълую биренуут.

Зарангил. Дедеи дие. Эхтер, дуль сал гирошдебу ээз гээрүс бирей-ме, оммо гээрэс чумгьой эн фэгъирие дедейму, ченд хокгьою гүльмуур гердо гъемешмуре, гыч хувьшг нисе биренбу ме э пушой чум ю нисдүүм гуфдире.

Дироморени Хонум. Норени э сер стол пэйлегъо, нун, савзе. Оврум пур сохдени пэйлегъоре, норени э пушой гъеме. Пэйлегъоре вегирде, зеренуут э еки.

Зарангил. Омбаракбу, сэглэт ю ник бу. Э гээришишүү хурдени гердойм. Сад сал э екиревоз зигъисде, э екиревоз пир-сир гердо ишу!

Шеврут. Омин!

Хурденуут. Омо Хонум э пэйлей хувьшдэ дес нисе зере.

Зарангил. (ээ Хонум). Туль эйчүү нисе хурде пэйлейтууре, духдер?

Хонум. (э вогънеки). Ме имбуруз тэглини гирдем.

Зарангил. Гьо! У ойру меселе!

Шеврут. (зарифаткимси). Заангил, эдете гуфдиренуут туль э жогьили лап рач бири?

Оврум. (э хэндеревоз). Эде, рачи зен э сифет ю вери, нисе диренит! Гъейгэгэтиш э гъиче венорени томоше сохденини, чум марасо!..

Зарангил. Туль дуль гуфдире Шеврут. Ме э жогьили ээз расдиш гъэдерсүз: рач бирым, шэгиме хуно эдембирум товуш доре. Мерд хэйлогын мере мидиге нешумой ю гилгүл-билбул бирэмбү рафде ээз рачиме, ээз ме чум вегирде нисе дануусденбу. Дедей Ол чуьтам дуль зен-дезенгьоре берденбу, гъечу шэхсмэ, рачиме дуль мердгьоре, иллогьо-ки эн жогылгьоре берденбу рафде.

Хонум. (э руухшэндиревоз). Вош, ёзугъэ мердгьо, жовангьо! Кидан гъеме у вэхдгьо ээз дуль гирде, ээз сине хэреб бире мурдэгтгьо мердгьо, жовангьо, гъеме ээз рачи эни зен ээз тиркому, гуниле-барут мурьульюре хуно еки-оффоре мурдэ бебей (Күфдени занире). Вош ёзугъгьо!

Зарангил. (хувьшдере э нешиниреки воноре). Хэбер эн рачиме гъечи лов биребу э гъеме жиггэгьо, ээз Шуре, ээз Гээнжи, ээз Грузней, ээз Гъульбе, ээз Ширвон мере эри хосдэ одомигьо оморембируйт. Гээнгьо, мегезгьоре хуно илчигьо ээз дериш, ээз пенжереш эдембируйт, шишире дироморе эриме. Оммо фэгъирие бебейму мере э екиш недо, э дербенди

э гушбура Офдум кук демирчи Эте-Пете э шульвер до. Гъисмет ме у бисдо. Гъич ээз гъисмет ведарафде нибу. Чуьтам э гъисмет одоми нувувьсде омориге гье гьечу мибу. Унегууре гуфдире э метелегьо: «Тэхдимден гъэчим, бэхдимден гъерде гъэчим».

Шеврүйт. Рэхьмет э бебейту! У гофтуй дузи. Гъер мерде гъисмет юни.

Зарангил. (ээз Шеврүйт не Хонум). Дие иму бурайм. (Вэхишдени Зарангил не Оврум). Согъ боши! Худо пешму месохо екишмуреш. Гъемише э шоригьо-никигьо биёвом э хунгэньшму. Эхиртуу ник гердо Шеврүйт. Худой офорегор (серэ тик гирдени зеворо), худой офорегор түрье э ёр овурде, нум хъомолире ээз сертүү вегиро. Омин! Худо шиново и ловоймере ээзи поке, хъэлоле лэгэйме.

Хонум. (песово чаруусде). Лэгэйтуу поки зуылгъие кун керг гъультире хуно.

Шеврүйт. Хош оморит, софо овурд!

Шеврүйт не Хонумиш вэхишденыт. Зарангил не Оврум э ведарафдеки.

Оврум. (ээз Зарангил). Кеш, туй ведара э пушо!
Зарангил. НэгI, нэгI! Туй ведара э пушо! Туй мерди!

Оврум. НэгI, туй ээз ме келеи, туй кеш э пушо!

Зарангил. Мерд мундеки зен э пушо ниведарав. Туй кеш!..

Гъердууеки дув екире э рэхъ дорики, эеки сэхд расиленүүт, ведарафденүүт

Хонум. Ме нисе дануусденүүм эхир эни коргъо чуьтам мибуге?

Шеврүйт. Ээз духдер зэнде, жинжингижиймэе веровунде бэгъэй дие чуй дануусде туй? Ингъэде вэгидо э гүльом зигъисдей, муй сипи сохдей, оммо у коре нисе дануусдэе, ки гээб ээц гье сохдегори, пул эн кейф сохдегори, духдер эн хосдогор. Токи шульвер ю хуб бу эрию. Ченгъэдер духдер зу э шульвер рафд, унгъэдер эри бебе-деде сердинжи, дуль динжини. Ээзи зуте миёсдим доре иму Марале э шульвер. (э дульнесои-ревоз дениширени э зен хувьшде). НэгI, эдее диренүүм, ээз туй фойде нисди. Ме хувьшдениме гоф мисохум э Маралевоз.

Шеврүйт гъэгъри-гъэгъри ведарафдени э куче, Хонум вечирени, сер столе, дирафдени э хуне. Диromorenuyt Оврум не Ошир. Э дес Оврум хунчай гъульзүргүлгү дери. Оврум диromoreni, Ошир екем песо мундени.

Оврум. Гъери инжо биё, дир месох!

Ошир. Эй леле, ебо гу винуум туй мере инжо эйчуй овурдэйгэ!

Оврум. ГъейсэгIэт, бирорзере, гъемере э туй гъондурмиш мисохум. Ги и десдей гулье (дорени). Имогьой э ме хуб гуш вени. И десдей гъульзүргүлье миди э одохлуйме. У инжо зигъисдэ. Мере ээз туй пэхьни сохде нисе воисдэ. Духдер ээз ме хэйли чуыклэи, жогыли, рачи, оммо омбар сикелүнни. Бебешу рази бири духдере э ме эри доре, оммо ээз хувьшдени духдер дульме динж нисди, не мере э уревоз гоф небири э товун хосдэи. (Ошир серэ гъуз гирдэ, сүүлэх хэндэ сохдени). Туй э гоффгъойме гуш дошдени, небуге фикиртуу зэлойгей?

Ошир. (*серебряный гирдэг*). Нэгт, нэгт, фикирме э тууревози, леле. **Оврум.** Эри энужире духдер, у колхозчи гысдигеш, ме е истаромодни одоминуым, ужире гьеийгэтине жогыиле духделегьоре хээз оморенигьоре хуно ужире литературни, культурни гоффлэгэй, ихдилотгэй нисе дануьсденум. Тут э духдеревоз шинох баш, биёбира сох э киу, мухшул, ебонжэгъи сох уре, эзү культурни гоффлэгэй, книглэгэй гу эри эну, гье э вэхд эни гоффью-гелижью еваш-еваш тэгэрифимереш миди эрию, егти, лелейму хуби, деслови, дульфирегүни, рэхьмэдули, түрье гуыле хуно э сер дес мигердуну, зир рихде пойгьойтуре мечинуу, тож сохде, экеллэй сер, э гүүгэй-мазалай хувьшде менуй. Эз ме гуфдире тут гуфдире кор, тэфигэт омбар дери. Э пушой чум эну мере еки түччни хубе, образувунни энтилигентни бирорзере биреи эриме, глянус жизнь, келе кори, келе хувьрмети. Эхирки, гьеучи э ижире хубе гоффью-гелижьюревоз, хошигью-менхээфигьоревоз, сер юре руьгъэ зе, дуль юре гьемин сох, э рай биёр уре, э ме вогосун.

Ошир. (*ловец суплая хэндэ вебердэ*). Омбар четине везифе норей тут, леле, э пушойме. Вообще-то, пожалуйста, мереш воисдени дануьсде. ки бирениниге зенгээмлейме...

Оврум. Лап хуб. (*ведешендени е гүүндогъ пуле дорени э Ошир*). Эхирки, десдэй гуыле э духдер, э одохлуйме миди, пуле — э бебей ю.

Ошир. (*мэхтэлире хуно*). Кидан и рэхь-пулиниге, калымиге?! Менидуум. Мен у коре сохде нидануум!

Оврум. (*фурмундени*). Нэгт, нэгт, бирорзере, глянусь жизнь, и пуле бебей духдер эз ме э гъэрд хосди эри хэрж гэрьүсү.

Ошир. Гьеучу буге хуб. Эри, э ёр тут мундиге, леле, мене пиор инжко э практика оморенгэ э тут пенжсад монет гээзэнж сохде пулмере доребиуум. Мен эриме э духдер дирэм, соймиш сохдем, мере имогьой у пул лап гереки. Миданигэ гьеийгээт у пулмере ди.

Оврум. (*голос бирере хуно*). Э жун ишму эзини жиге гуфдирегэй: «Кечире мугу дерд жун гирди, гээсобе дерд пигь». Мен не севлерем, дамбуурам не сейлеуур! Эде, мен э сер глов-геми верие мэхъэл овурд гофф пенжсад монете дешенд. (Винире гээгьри биреи Ошире, э менхээфиревоз). *Мидуум, мидуум.* (*Э десевоз тимор сохдони гүүтичей Ошире*). Тут мунош эйме, мидуум. Егиле э шори-никиревоз гэрьүссе биёруум, динж, рэхьэт башум, мене хувьшдениме мидарам э илчиети эри хосде тут соймиш сохдейгэй духдере. Дие кини түрье эз ме бэгъэй: не бебеи, не дедеи, не хэгъери, не бирор. Етим келе бирей.

Оврум с ын думутлуй поисдени, пэсде э Ошир денишире, хундени:

Имогьойле тут дануьсди
Сур дульмере, бирорзере,
Сохдуум э тут тапшуурмиши.
Мугьбетмере, бирорзере.
2 гиле

Ини э тут гээдэгъэйме,
Сэхд лоигь баш, бирорзере,
Эй эз мутьбет хэсде дульме,
Чоре мунош, бирорзере.
2 гиле.

Рульх дуылме инжо мунди,
Дануьсде бош, бирорзере,
Э ме гъолок невемунди,
Тульле мунощ, бирорзере.
2 гилем.

Дие ме бурам. Гъечи ги коре, кешире зэхъметгъойме, сохде хэржигъойме э пучи-гъичи неведарав.

Оврум ведарафдени. Ошире воисдени э десдей гульевоз дарав э хуне, гье и тутьем дироморен Марал.

Марал. Ошир?!

Ошир. Марал!.. И... и хунешмуни?

Марал. (э сүүпле хэндеревоз) Нехогьошму егІэлмиш бири бегем?
Ошир. Валлагъ, Марал, ме недануьсдем и хунешму биреире.

Марал. (гъэгърикимси). Эгенер эз расдиш, егІэлмиш, эшипке бирейтге, оморе рэхь ишмуре рафде мидани.

Ошир. (э хувьшде демундере хуно). Марал, ме инжо э лелеймуревоз оморем. И гульгъореш у дори э ме. У мугу: ме игІэре е духдер соймиш сохдем, э бебешуревоз гоф-игърол сохдем. И гульгъоре, мугу, эз ме, эз нуминейме миди э духдер, пенж гъозор монете э...

Марал. (серсуре хуно). Чув? Чув? Бебеймуре эз ме бэгъэй э хуне дие э шуьвер дорение духдер недери. Огъ!.. И чув гоффюо мэ шиновусденуьм!

Марал вегирдени эз дес Ошир десдей гулье пертово дорени э хори, педсе песово чаруьсле, сере гъуз гирде, десгъоре э сифет венорени.

Ошир. (куйнд оморени эз Марал). Марал, мегирис. Туьре невоисдеге екиш туьре э гужевоз э шуьвер доре ниданув.

Марал десгъоре вегирде эз сифет, чаруьслени э лой Ошир.

Марал: Меш дануьсденуьм э мере невоюгъо одоми скиш мере э гужевоз э шуьвер доре ниданув. Оммо эриме гурунд, хуьрди оморе, чутам мере бебейму, эз ме хэберсувьз, ё гофлеш непуьрсире гов-гуселере хуно э пулевоз фурухдиге, дедейму чутам э и кор рази бириге! Пой ме гъейсэгІэт дедеймуре огол зенуьм инжо ведировунум, жуғъоб дугу мере!..

Ошир. Герек нисди, хосденуьм эз тув! Дуьлтуьре негъогъ гъэрэ болгъ месох. Иму екире хосденим. Иму, севгилгъ, э е гоф, э е дульбисдоримге, екиш э гъисмет иму, э мутьгъбет иму мешет бире ниданув.

Марал с кем хомуш бирени, лове э шоре хэнде вебердени.

Марал. Бошгу, ме тув гуфдирере хуно мисохум.
Угъо десгъой екире гирде, э еки денишире, хунденуьт!

Ме хосденуьм туьре эз дуьли,
Тув эриме лап гээзи, севгили!

Рачи гуыли, шох сүмбуули,
Түү эриме лап гүээзи, севгили...

Эз лой куче оморени сес суврусьдэй эн Шеврүт.

Марал. Эле, бебейму эдее оморе!

Ошир. Бебешму? Лап хуб! (*Тик поисдени*). Ме гъейсэгІэт э уревоз гоф мисохум, мугуюм э у иму екире хосденим гуфдире!

Марал. НэгI, нэгI, гъеле взгIдой эну кор нисди.

Ошир. Дие чув сохум э гуфдирейтуревоз?

Марал. Мере нисе воисде у түре гъейсэгІэт вину. Бура э у песо пэхьни бош!

Ошир пэхьни бирени. Марал десдей гулье вегирде венорени э сер стол. Шеврүт э лов сувылс хэндэ вери дироморени.

Шеврүт. Түү гүйге е лэгIэзойге э кировозиге эдембири гоф сохдэ? (*Дениширенi э лой стол, дирени десдей гулье*). Гью! Э сер оффодрум. Гье уни. Ме уре эз сес шинохдуум. Түү уре гъич таимогьой диречи бирей, вохурдай, гоф сохдай э уревоз?

Марал. (е кем гээйбе-гээйб). Эри, бебе.

Шеврүт. Лап хуб, духдерме. Мере гъемин э товун эну э түрревоз гоф сохде воисденбу туй э у бурай гуфдире.

Марал. (гээйбе-гээйб, шори-шори). Ме разинуум бебе э кук эй рафде.

Шеврүт. Духдерме, имогьой хун, вежегь эритуу түре ченгъэдер воисд. Расди у эз туй хэйли келei, туй эну сеимуун, чоримуун зенигей. Оммо эз зуревоз супое одомини. Уре екиш нисди, пул юш омбари. Эхирки, ме лап разинуум, духдерме, домор эз дуылтиу биреи, небуге мере лап фикир эни кор гирдебу. Меш э гээриситуу, худо гъишдгэ, межегжүүм төвомуунде.

Марал. Бебе, туй чув гуфдире? Комини сеимуун, чоримуун зен?! У гъеле е гилеш зен нехосди, гъээзгээ одомини.

Шеврүт. Уре эз туй гээб омори, унегууре пэхьни сохди эз туй бие мерд биреи хувьшдере. Ме и гофе эдее гуфдиренуум э туй, хэлефме, э гуштуу гоф-хэбер дерафдгэ э товун эни кор, гъич э гуш меги, чүнки эз бэхили гуфдирегоргьо, э зир гъээжгүү гээтош денорегоргьош бирени. Эри! Эри! Ме э туй гуюм, духдерме, эз е паре жогылгъо, күф ишу буш гъисдүйтгъо, ужире ветуроне мерд гъозор гиле хуби. Худо мебуро, эдее э кишеревоз пул овурдэ.

Марал. Бебе, бэхшлемиш сох, туй зарифат сохде, небуге мере эй хъээз эдее синемиш сохде? Эслогу гъечу нисди туй гуфдирере хуно.

Шеврүт. Гъечуни, гъечуни! Ю хувьшдению э ме гуфдире. Гье гъисдигеш, чүнни имогьой инжо? Э сер мерд кор омори, унегууре ченг гиле зен хосди, эй хъээз хувьшде нехосдики. Ю хувьшдению пэсде эритуу ихдилот мисоху. Оммо э туй эдее гуфдиренуум: э у гоффю, коргъо денишире, эз мозолтуй пой мазе. У бикере хуно мидору түрэе!

Марал. (Э гээгээр хувьшевоз). Гъечу гъисдиге, мере не ихдилотгъой энуш герек нисди, не ю хувьшдениюш. Буравгу имогой пенжимуун зене, е той хувьшдере, вегирыгу эри хувьшде.

Ше в ру ѿт. (*глоси бире*). Делув мебош. Ме уре гоф дорем! Туль биё бурай э у!

М а р а л с воисдени бурав. У э рафдеки ээз далдай хуъшде ведироморени О шир, видовусдени э песой эну.

О шир. Марал, бовор сох!..

Ше в ру ѿт. (*эри хуъшде, э мэхътелиревоз*). И кини?! И эзже омо ведиромо садане хуно?

О шир. Марал, бовор сох, ме э туль е доне дургуне гоф негуфдирим. Ме э пушойтуу гъич е тикеш тэхсир нисдүм!

М а р а л. (*гиприсдере хуно*). Ошир, весси!..

М а р а л рафдени.

О шир. (э *песой Марал*). У ме нисдүм бебешму гуфдиренигьо! Ме гъемере э туль себэхъ андурмиш мисохум, Марал!..

М а р а л рафденге, Ше в ру ѿт куынд оморени ээз О шир, хуни-хуни дениширенни э сифет эну.

Ше в ру ѿт. Эде, туль кини, гъурумсогъ?! Тулье инжо, э хъэёт кес, э духдер хуне деригьо жиге чуб гээжел дерий?! (*Хъэрой сохдени э лой хуне*). Эй зен! Эй зен! Гъери у гъили песой дерире ведировун биёр, ме гъэбуыргъэгьой эни угъреше екем тимор сохум э уревоз!..

О шир. (*песово-песово рафде*). Ме?.. Ме... ме...

П Е Р Д Е

Сеймуын (*песини*) пердере хунит э десиге ведировгъо альманах.



ГЬЕМИШЕЛУҮГ Э ЕР ДЕРИ

«Нидануыт инсонгъо гъемишелуъг зинде мунде,
Мозоллууни у, нум комини э ёр мундге».

Алишер Навон



талавурчигъой фашисти. Дануысденбираум, ки у э еки ээз лап гъизгъине тъэзоблуюе жентгъо пуч бири гуфдире. Оммо э нум эну гъисди гуфдирекуче э столицай эн Кабардино-Балкарски республика ме гъесэг!эт сүйфде дирируым. Омбар шори сохдум нум эн игиде инжо гъечи гээзиз, хуьрмст дошденуут гуфдире, э нум эну гъисди еки ээз кучегъой эн ше-гъер.

Ме гъечи э чигърет эну денишире, э ёрме омо игидлууе коргъой эн Александр Мардахаев, жобордлуюе танкист, комики те песини нефес хуьшде женг берди э фашистгъоревоз. Неденишире э у кор, ки танк энтуре фашистгъо сухундебирукт, у луьп-гээтош гирде танк хуьшдере юш шэг!мслере хуно сухде-сухде, генеш берд пушово э сер фашистгъо, те э ю нефес домунде зэхм, локо зе э фашистгъо, вечарунде хэйли по-зициегъой энугъоре, хъэл соходе угъоре ээзир эн танк, зере угъоре э туп, тунилеревоз. Омо э ёрме гъемчун келе гъинормендигъой эн е гъемватани-геймеш Шестил Абрамов, хъофд гиле э гъизгъин женгъой довг!ои яралуу биригъо, батальон эн комики штурмоват сохдебуго Рейхсканцеляри-еэн Гитлере.

Ме э ижире фикиргъо э дерики, киниге ээз некуми пүрси ээз ме, э сирот эн Иллазаров бирмунде:

— Ишму шинохденбирит уре?

Ме чарульсдум э лой эну, мивинуым э киме е жовооне кук поисди, чигьрет сифет комики ухшеш зеренбу эн э дивор веригъо сирот.

— Нэг!, — жутьоб дорум ме, песде гье усэг!эт пурсирум: — Бэхшлемиш сохит, эричүү пурсиренит ишму и гофе ээз ме?

— Ме эриме лап Гээзиз дануьсденуым у одомигьоре, комигьоки шинхонденбирить уре.

У песде е кем э хувьшде домунде, мугу, десе э лойме кешире:

— Бийт шинох бошим, ме Исаий Иллазаровум.

Муй тенме гүйге биз-биз бисдо, чумгъойме — фирегъ ээз мэхътели эни гоф эну. Ме гьеле уре хуб неварасире, пурсирум:

— Песг и?..

— Эри, — сере жумунде, гуфди жовоон, — У-келебеймнүү.

Тигъэтлүү денишире э жовоон, э хувьшде дироморе эзнижире мэхътели, пурсирум ээзу:

— Тув мидани эриме ихдилот сохде э товун келебебайтүү?

— Гэлбет. Оммо ээз меш хубте э товун эну мидану эришму ихдилот сохде келедедайму, зен эну, — гуфди невей Иллазаров.

Э рэхь иму диеш куньдте шинох бисдорим. Ме э у гуфдирумжи ки нуум ме, чульжонуумгэ, уш эриме гуфди э товун хувьшде, ю политтехнически институте верасди гуфдире, солдатире гъуллугъ сохде верасдэ бэгъдо вогошди омори э шегъер хувьшде, кор сохдени э завод.

Рэхь иму дураз некеши. Гье у кучере екем зеверо верафде, куньд бисдорим э ён гъюпий эн е хъэйт. Кук дер гъюпуре вокурде, э мигъри-биситевоз теклиф сохд мере.

Хъэйт вераисдебу э гульгъо ве емишдоргъоревоз. Э ён дуразе стол э хъэйт нульдебу е миёнее балае зен, э тен ю сие парталгъо зери. Гъульж дироморе сифет эну мигърибон бу, оммо екем могъбуле хуно бу.

Невей эну гуфдиренгэ э у ме кинуумгэ, зен гье усэг!эт теклиф сохд мере, нульшум гуфдире, песде э ме денишире пурси:

— Чульни метлеб омореишму?

Ме гуфдирум эричүү эмормэгэ.

— Эгенер эришму гурундиге эри ихдилот сохде, э ёр овурде, гуфдире, ме ишмуре инжимиш сохде нидануум эри эни кор.

Зен э ме тигъэтлүү денишире, гуфди:

— Эз ме зиёдте белки эришму хуб гуфдируйт, шогъоди дорут когъозгъо, документгъо э товун эну, комигьореки ме лап э Гээзизревоз дэшдем.

Эз е ченд дэгдэгдэйгэ бэгъдо э пушойме норе омо е пура папка. Унжо э селигъэлүүревоз ченд жире когъозгъо, документгъо сер-сереки дечире оморебирук. Бирукт гъемчун когъозгъо се күнже гъэд сохдэгтэй. Ме сер гирдуум угъоре эри фегъэм сохде, хунде. Э е когъоз-документ нульшум гуфдире э десдин командир полковоз, эжеки гъуллугъ сохденбу Исаий Иллазаров, вебирукт ижире гоффю:

«22 июнь 1944 сал ээз шегъер Витебск гъирогъте, ротаре, э комики гъуллугъ сохденбу сержант Исаий Иллазаров, даре оморебу жуғьобдорлуу везифе эри вечерунде мұхъкемлүү позицией эн дүшмене ве раффде пушово. Рота дерафденгэ э жэнг ве куньд биренгэ эз траншейгъой эн дүшмен, дүшмен вокурдени э сер рота минометно-пулеметный Гэ-

тош ээз гъеме ишуре бируктгьо ерэгтгьо. Рота дегешдени э хори, Гье э и вэхд командир эн рота пуч бирени. Рэхьбери ротаре гъеле екиш нисе вэгирде э сер хувьшде...

Э келе четине мэхъэл, жэйки гъер дэгъдэгтээ бу лап жугьюбдорлуу эри гъисмет эн рота, коммунист Иллазаров вэгирдени э сер хувьшде рэхьбери ротаре ве э сербегээм овурдени э сер рота веноре оморебугьо четине везифере.. Бирмунде мердьети ве игиди, дануысменди, вэхувьшде, э келе сесевоз гүфдирени: «Эри Ватан, пушово, хьовиргьо! Ура-а-а!..» Э гъечиревоз у ротаре вэхизунде, ю э пушой солдатгьой рота, шишире рафденуут э сер позицигэй эн дульшмен.

Дульшмен неветовусде атакай энгүйоре, шенде ерэгтгьошууре, сер гирдени песово эри вирихдэ. Эз сер мейтгьой фашистгьо луынг зере, Исаи э пушо дери, рота дерафдени э деслье женг. Селт нис сохде мундеби-рүйтгьо фашистгьоре, рота рафдени э сер тозе позицигэй дульшмен.

Тозе жиргэйг хъовхобери офде, э сер пой буйругь доре-доре, Исаи э ротаревоз дульшмене пиш сохде-сохде, куынд оморени эз дигь Картоши.

Гъувотгьой хувьшдере зиёд сохде, дульшмене воисденбу поюну э сер ю оморебугьо ротаре, оммо э зарбевоз пушово рафденбугьо ротай эн гъинорменде Исаи Иллазаров дерафдени э дигьбон, вэгирдени уре.

Гурунде везифе, э́ пушой э раста норе оморебугьоре, Иллазаров э гъинормендиревоз э сербегээм овурдени. Э и женг тэхьно хувьшдени эн Иллазаров пуч сохдени 30 немцгьоре ве 6 пулеметгьоре э угьоре гъул-лугь сохдегоргьоревоз.

Э эхир эн женг Исаи Иллазаров сэхд яралув бирени.

Хьовир Иллазаров э вэгтдой эн женг бирмунди мердьети ве игиди. Э мердьети хувьшдеревоз у дануысади вэхизунде ве э песой хувьшде берде гъемей ротаре, э сербегээм овурди четине везифей эн гъемей полке.

Веризрени эри доре уре нум «Игид Союз Совети».

Командир эн полк гвардии подполковник Пешков.

28.VI.44 сал».

Эри эни женг, бирмунде келе игиди, гъинорменди ве фегьмлүүй старший сержант Исаи Иллазарове доре оморени гүүзетлүүе нум «Игид Союз Совети». Эзу женг дульшине гирошде бэггэдэ Исаи Иллазаров гъобул сохдени тозе орден — орден «Слава III степени».

Э эхир хунденуум песини, могъбуле когъозе-мэглүүметири, э комики чуувьсде омори: «6 сентябрь 1944 сал э еки э тенсуузе женггьо эри азад сохде дигь Киркели Литовски ССР, коммунист Исаи Иллазаров те эхир веровунде гъэрдхунди солдати хувьшдере, игилдлүү пуч бири».

Эзи ме хүнде когъозгьо хуб дануысдуум, еровурд сохдум эриме кутэхьэ, оммо товушлүүе, жбордлүүе гүүмүр эни гъемишелүг жован мундигьо 24 сале игиде.

Исаи Иллазаров ээз деде хьэсүүл омори э шегъер Нальчик э 1920 сал. У гье э сүүфдэй рузгьой Келе довгтой Ватани огол зере оморени э жер-гэгэй эн Гъирмизине Лешгер совети. Э лешгер гъуллугь сохдеки у бирени коммунист. Бэхш вэгирдени э лап гурунде женггьо э фронтгьо: э гъэлхэнди Масков, э Курски дуга. Э гъозоблууе женгьо у чор гиле яралув бири.

Нум энэ гъемишэлтуг дешенде омори э жергэй эн сүйфдэй стрелкови батальон, 272 гвардейски полк, 90 гвардейски дивизия.

Сэгъбоши гүфдире эз кифлэт иgid, мө эри зен ю хосдум жунсогтын ве дуразе гүльмуур, эри жовоне Исаи Иллазаров -- верзирени э нум, мөрдэгти ве игид келебебешу.

Те э гъопуй хьэёт оморе расире, мере рэхь сохде, Исаи зрииме ихдилот сохд, ки ишу гье сал 9 Май жифлэгтлугъ рафденчтэй э дигэй Киркели Литовски ССР эри сер зэрэ э гъоврей келебебешу -- Иgid Союз Советий Исаи Иллазаров.

Эз хьэёт ведироморе, мө хэйли поисде, гене омбар тигъэтлув, фикирлүү денишируум э у хуне ве куче, э комики гирошдэг гээндээ ве лапжовоне вэхдгэй эн иgid иму.

Хъэнуух Анисимов

Э ЖЕРГЕГЬОЙ КОМСОМОЛ

Э торих хувьшде комсомол вомуудын омбаре гүльзетлувье кукгью ве духдергээр. Иму э эрклүүривоз гирденим нумгэй комсомолчигийн эн сүйфдэй салгэй хувькумет совстире — эшгэлувье бэхшвегиргэй яратмиш сохдэй колхозгээрээ келе жуургээт ве ватанхогиравоз гъовх бердэгтэй э майдугэй Келе довгийн Ватани, тозедэн оводу сохдэгтэй ве чарусде хөзяйствой хэлгээр, комсомолчигийн песини дэгэй салигээр.

Э жергэй энүгүү дебирет омбаре гүльзетлувье ве тэгэрифлувье кукгэй хэлгэй иму. Меселен, ижире эловлуувье комсомолчигийн, чуюн еки эз гьеевелине секретарьгэй сбком комсомол Догынчу Семён Измайлова, ветерангэй комсомол Соломон Дагаев, Мухоил Пейсахов, Дубия Бахшиев ве чендигэйгэш. Хуб мэглүүми э махачкалэгэй, одомигийн келете эрхэ, нум эн сүйфдэй жигэгир рэхьбер отделений рэхь гъовуни станци Махачкала Кукулиев Исаак Шафадьяевич, еки эз активлувье комсомолчигийн чульимиуын-пенжогиймиуын салгью.

Дэгэй классгэй школере верасде бэгъдо, Исаак Шафадьяевич рафдени эри хундэ э институт инженергэй рэхь гъовуни шэгье Ростов. И бу 1944-муун сал. Довгий э бесгүүнривоз эдембу бэгье брие. Душашаа э күнди селт оворе сохде оморебу эз поке хоригийн гээзизе Ватан иму. Лешгергэй совети сер гирдебирант эри азад сохде эз зир пой эн вэхьшигийн фашисти дебирантэй вилеетгэй Западни Европар. Э вилеет иму сүйфдэле эдембирант сер гирдэ оморе коргийн оводу сохдэй эз хэребеигийн довгийн хөзяйствой хэлгээр. Еки эз эн сүйфдэине везифеरь бу тозедэн вокурдэй рэхьгэй гъовунире, комигэйреки тээ дес ишу ве ромэрэх хэрэб сох дебирант, эз вилеет иму эз зэхмлувье зарбгэй солдатгэй совети вирихдебирантгэй гитлеровцигэй. Хөзяйствой хэлгээр лапгэрек бирант ишуре зөвхөн данани гысдүүтгэй сенигээткоргэй эри тозедэн яратмиш сохде зиндегунире э Ватан. Ижире везифе норе оморебу э пушой хэлгэй иму, иллогыг э пушой жовоне, вероморенигийн эрхэ. Ини э хотур чуюнгэ Исаак Шафадьяевич вихденигэй эри хувьшде сенигээт эн

инженер рэхь гьевунире, чүнки, чуьтам гуфдиренуытгэ, рэхьгэ — рагтой, зиндегуни эн вилеети. Чуьтам хун гешденигээ э жандек, гьеучу гешденуыт ээ рэхьгэ вилеете герекие юкгээ, молгэй вокурдэл, хурек, сухунденигээ молгээ ве диеш — гьеме чуй герекигээ эри ешемиши энү.

Увэхдине гээрэйхэлгээне овхьолет гьеле лап чедин бу, гьеэжонлуу, ве герек бу эри хъозур сохде гьеме гъувотгээрээ гьер вэхд герек бисдогээ эй поисде э гъэлхэнди эн бесгүүнгэй социализмээ. Э у салгээ Исаак Шафадьяевич верасирени ки: эн сүүфденигээр энэ э пушой Ватан, э пушой эрхэй чуынгэй хуышдэг гьисид гьеме гъувотгээ ве хъэрекетигэй хуышдере доре эри эзввер сохде хундэи хуышдере, лугъонде жире изучат сохде нубогьой хуышдере. Э 1949-муын сал у э барасиревоз бэгъем сохдени хундэирээ э институт ве вогошдени э Махачкала. Уре фуурсоренуыт эри рэхьбери сохде комплексни бригадай мошинистгэй эн паровозни депой станци Махачкаларе. Увэхди коллектив эни депо бу лап пушолуу, нишонбирмуу коллектив, энжомсох гьеме тозе ватанхогийн сергирдэгийн. Жоффо кешире э ижире коллектив талаб сохденбу ээ одоми эри доре э кор гьеме гъувотгээ ве дананигэй хуышдере. Эзүүш бэгъэй, эри зиндегуни увэхдине, иллогъки эри жовонгээ ве комсомолчигээ гьойделуву бу эшгэлүү бэхшвегири э гьеме коргэй эн жэгэлмиети. Ижире овхьолет зэндебу фирегүнэ минкингэй оршино томом очмиш сохде божоренигэй одомире, творчески минкингэй энуре. Ини еки ээ себебгэй энү кор, чуьтам очмиш биригэ талант энжомсохи ве рэхьберчии эн Исаак Шафадьяевич.

Инүйт е ченд ризгэй увэхдине рэхь зиндегуни энү.

Э 1953-муын сал жовоне комсомолчирэ норенуыт жигэгир полит-отдел отделений рэхь гьевуни станци Махачкала эри гировунде коргээрээ комсомолчигэйоревоз.

Эз 1952 тэ 1958-муын салгээ у бири член бюорой шегьеире комитет комсомоли, е ченд бо вихде омори делегат пленумгэй комсомоли ше-гьер ве республика.

Эз гээрэй эни кутэхээ ризгээ воисдегор мидануу хундэе ве очмиш сохде эри хуышдэе омбаре гъозиегэйоре: герме ве тиже бэхьсэгээ ве меслэхэтигэйоре э вэхд омбаресэггэлтуу гуурдelememgээ, тозе сергидрейгэй корире, асант нисдигээ рэхьээ э кин барасигэй жофон, видов-видовигээ ве эрэгжээ жофонире, ховсүүзэ шевгээ ве гъизгэйнлүү рузгэйоре.

Э кунди си салгээ гиродши ээзу вэхдевоз, кейки Исаак Шафадьяевич сүүфдээ бо омори э и, эй гьемишелууг эри ю күнд биригээ корхоне. Зиреки, божорени, лугъонде дананигээ ве талант энжомсохи энуре дөре омори верзириение гъимет — Исаак Шафадьяевич норенуыт сүүфдэн жигэгир начальник отделений рэхь гьевуни станци Махачкала орден Ленинлүү Северо-Кавказски рэхь гьевуни. Ве ини дэгээ салгын у эдее жоффо кешире э и гъурлугъ. Э и вэхд уре доре оморет келе наградэгэй Ватан — дүү орденгэй Гээрмизине Гэлэм Жофон.

Мугуигэ, инжо гээмел миомо эри бэгъем сохде ихдилоте э товун Исаак Шафадьяевич Кукулиев. Оммо эриме оморенигээ чигрет энү гье-ле томом кешире не омори, гүйгэ вес нисе сохде е-дүү ризигеш. Мэ генеш эдее вогогьруш сохденуым э ёр ме гьемере, чуьре дануысденумгэ э то-вун эни одоми эри верасире, чуь вес нисе сохдегээ э и шекуыл мэ эри то-мом яратмиш сохде чигрет эни тэгэрифлүү, мерэгглүү одомире.

Э 1941-муын сал дерафди э жергегьой комсомол. Э 1948-муын сал гъобул сохде омори э жергегьой партией коммунисти. Э күнди чыл салгъо жофо кешири э и корхоне. Веровунди ве келе соходи се гээлгээр... Ве ини, гүйге, ме верасирым чуь вес нисе сохдебуге и ме кеширемгъо шекулье. Ме эз ёрме ведешендебирым: Исаак Шафадьяевич неки эшгъулье комсомолчи ве коммунисти, жоборде ве зарблуюе корсохи, у гъемчүн бебеи, келей эн кифлети. Инжо э ёр ме оморут гоффьой зен эну Евгения Александровна, духдергъю Любовь ве Элеонора, мигъровуне ихдилотгъой энугтээ э товун эну. Гъемчүн гуфдире воисде, ки гъердүү духдергъо ве кук Михаил вегирдэг зөвөрье дананире.

Игъоре э ёр овурденгэ э пушой чумгъойме гье у тутем омо поисд чигърет эну гъуындууребалае сипремүү одоми, тэгэди не сохде, еваш, гүйге рэхъэти вегирде, гирошденигъо эз кучай Ленин э кучай Буйнакский, э жиге кор хувьшде ве кими вэгэдгээ, эз палаше чумгъой эну, гүйгэ, гирошдени думон фикиргъо, ве сифет эну рач дорени э слогынэ рачи эшгъулье ве дүүлдинже одомиревоз.

Деберьё Шаулов

Кандидат эн гэлмгэй философи,
доцент

МИГИДГО ВЕ ГЭДОТГЬОЙ ДИНИ ЭН ИУДАИЗМЕ

Реакционни тесир гировунденбу пушоте ве гировундени имогъоиш диндогт иудаизм иллогыкы э мигидгъо ве гэдотгъой хувьшдеревоз. Угъо гъисдүүт еклүүе бэхш эн дин иудаизме.

Мигидгъо ве гэдотгъой динире келе роли э параменд ве мульхкем сохдеи веровурдигъой динире. Э э худо бовор сохдогоре одомигъо гъондурмиш сохденбираут, ки гъеме социальни бедигъо, бедхисобигъо-гъисди тембихь дореи одомигъоре эз тараф эн худо эри гловунгъошу.

Мигидгой дини сер гирденге гъемчун сер гирдени эри гужлүү бире активлууи эн рэхъберчигъой иудаизме э гээрэй дин гирдэгөргөө.

Жирей нимаз эн мигиде гировундеи э нумазгъо бешгъэ бу эз жирий мигиде гировундеи э гээдимие падшогьети жугуруу э «битемигъдош». Э «битемигъдош» лап ёгъинлүү бу эри овурден гъурбунигъо: гусбенд, гов, гуселе ведиеш. Күгъингъо одомигъоре э муурдэйревоз терс доренбираут. Оммо э нумазгъо бешгиз эз «битемигъдош» эн сүүфде бинелүү бу, ёгъинлүү бу нумаз хундei, гъонунгъой туроре varasундei э худо бовор сохдегөргөо, чуялар гуфдире оморенигэ э пасалме: эз дуыли эн худои-гъурбунигъо овурдэй нэгт, эжиге овурдэй гъэрдхундигъоре, нууьсууде оморетгъоре э Туро. Туро мэглүүм сохде оморебу бинелүүе ёрэгь хилос сохдеи. Ки эжиге овурденигэ гъонунгъой Туроре, угъоре рагигъо имид доренбираут мибу гуфдире мозол, хубе ешемиши ве мульденгэ угъо зинде мибошту гуфдире Мошиехъ ѿморенгэ. Бинелүү поке чи э нумазгъо хундe оморени сибир-Туро. Уре эри доноре гъульч сохде оморени бугъолууе сундугъоче енебуге шкоф, э пушой эну дегесунде

оморени товуш. Рабигъо талаб сохденуыт ёгъинлуу эри элжиге овурде гъонунгъой Түроре.

Э мигІидгъой дини гирдеи рабигъо лап ологъие фикир доренуыт. Угъо норе низам эри нимаз хундэй э нумазгъо эри гъер мигІид омбар э ежире ухшеш биругъ. Гъеме төгъөргъой эну гъечи гүнжо, дузетмиш сохде оморебу эри лугъонд венгесде э дуль дингирдогоргъо, э нумаз кура бирогоргъо эри мигІид, дине, түроре эри сэхд гирдеи, дошдэй.

Дингиргэж жугуруу э мигІидгъо ве гээдотгъой хуышдеревоз тесир тировунди э гъеме тарафгъой кифлети-жэгІимиети эн э худо бовор сохдегоре жугуруу. Лап куыгъне жирей эн мигІидгъо ве гээдотгъой динире гирдеи гъелеш мундэйт э гээрэй эн татгъо-дин жугуурире гирденуытгъо. И кор шогъоди дорени э товун лап лес мундэй энүгъо пушоте төрөвлюү.

Э имөгьоине вэхд омбардеки мигІидгъо ве гээдотгъой эн дин иудаизм мере гирденуыт энжэгъ е бэхш эн татгъо ве жугуургъо, угъош кимигъо э традиция гүрье, оммо ишу эз дуль, гъэнежкогъи э худо бовор сохдегоре одомигъо гысдүйт гүфдире нэгI.

Имөгьоине нумаз хъэрекет сохдени гъемчун пушотеинере хуно эри менфигІэтлүү сохде мигІидгъой динире эри кешире э лой дин мөгълугъэ. Э вэхд нимаз хундэире, комишки гъисди руй бире э кин нисдигъо худо, худо дуль гүфдире нимаз хундегоре жиге э генгІидин э у гүльломиге. Гүфдире гереки, ки нимаз хундегъо ве имид дошдэгъо э биёвгъо гүльлом, э лезетлүү зиндегуни э генгІидин кеширенуыт фикир эн дин гирдегоре одомигъоре эз активлүү жире бэхш вегирдеи эри вокурдэй шоре зиндегуни инжо, э хори.

Метлэб эн тербией коммунисти мөгълугъэ гысди тоймини сохдэй эз гъэнежкогъи эн дингирдогоргъо куыгъне дивэгІгъоре.

МигІид эн гъер оринеи э дин иудаизмеревоз гысди Шобот. Э Түро нувьувьусде омори: «Ги э ёртуу руз шоботе, эри гүльзет гирде уре. Шеш руз кор сох, ве сох гъеме коргъойтууре э гъэд эни вэхд. Оммо хьофдимүн руз -- шобот эн огъой, эн худойтуунни». Э дин гирдегоргъо гүфдиренуыт, ки хуышдени худо нори шеш руз эри кор сохде, оммо хьофдимүн руз эри нимаз хундэ.

Э мэгІэсигъой эн түроревоз, руз шобот норе омори э хотур худо офирие гүльломе э гъэд шеш руз, э хьофдимүн руз у веириди фориг-гъэти коргъой хуышдере сохде верасдэ бэгъдо э гъэд эн шеш руз. Гилм эз зуревоз очугъ ошгор сохди овосуне жире биреи эн и ихдилоте э товун гүйгэ худо яратмиш сохдэй хори ве асмуре, битмишигъоре, гъеме чүй зинде гысдиге э руй хори э гъэд эн шеше рузгъо. Шеш руз нэгI, е ченд миллиард салгъо герек бисдо эри гүнжо омореи энжэгъ планетайму, э комишки иму зигъисденим. Эзу кор бэгъэй и «хьофд руз» эн орнине эз гээсуул ю эн жугуури нисди. Уре жугуургъо вегирдэйт эз тъэдимие Вавилон ве рабигъо дорет уре иштуре воисдэ гъонунлүү хосиет эри гужлүү сохде тесир эн дин иудаизм мөгълугъ жугуруу.

Дин иудаизме гүфдирени, ки келе гловуни сохдэй гъер жире кор бисдо э руз шобот ве талаб сохдени и руз биёв томом худоре гүуллугъ сохде биёв гүфдире.

Эз гъэдэгъэй эн туро э товун кор сохдэй э руз шобот, талмудчигъо нушу дорет 39 жире коргъо, комигъореки гэмел ниёв сохде э руз шо-

бст: рафде э сер гүэребе, гэсб, верафде э дор ве диеш. Эзи тъэдэгъэгьо яратмиш сохде оморебиругт гене тозегъюш; э руз шобот гэмел ниёв дес зере э карасдигьо, гирде э дес бобожник, хунде когъозе, хурде хое, комиреки керг овурди э руз шобот, хурде шире, дульшире оморигъоре э и руз, хурде сибе, офордигъоре эз дор э руз эн шобот, гъемчун покурдэгүф хувьшдере ве диеш.

Еки эз сүүфдэй жигегьо э гээрэй мигийн дини эн иудаизме гысиди Нисону. И гээдимие мигийд жугъури Нисону (Пасха-Писэхь) гэмел омори э күнди 3500 сал пушо, кейки жугъургьо-молгъэрэдоргьо биругт, э молгъо-гелегьошуровоз кучери сохденбиругт э гүмлугъгьой Аравия. И увэхдигьо бу мигийд васали эн молгъэрэдоргьо. У гировунде оморенбу э сер васал, молгъэрэ зэнденбугьо вэгидо. Гээдимие жугъургьо бовор сохденбиругт, ки э и лап вожиблуус хозяйственни вэхд эн сал э хори гировунденүйт гээзоблушишуре беде руухьгьо, комигъоки зарали зеренүйт э зэнденигьо молгъэрэ. Эри хошилемиш сохде у руухьгьоре, жугъургьо гировунденбиругт ологын мигийд. Э вэхд эни мигийд угью кувьшденбиругт эри овурде э гүурбуни эри руухьгьо жогыиле верелегьоре, э хун энугьоревоз чиг шенденбиругт э сер эн хэймегьошу э жиге мескен эн молгъошу, гушд эн кувьшде верегьоре ишу хувьшденишу хурденбиругт э мэгжреке-межлүүс ишу. Э лап гээдимие бэхшэн Турунуувьүүсдэш не омори э товун вэхд эн Нисону. У, ведини, гировунде оморенбу, э сезон гууре. Энжэгъ кодекс эн күгьини, комики нушу дорени гьеरхьисобе, гээдере, нушу доребу вэхд эн Нисонуре --- 14 руз эн мэгж Нисон.

Э гьециревоз Нисону нушу дорени гүүвотсузы эн күчэригьо ве пэхирчигьоре э пушой эн стихиегьой природа эз комигъоки бенд биругт согъи-саламати эн нэхир-геле. У гъемчун поклүү сохденбу хувьрмст эн келегьой жэгжимет, эн гүумолетгьоре, комигъоки пушоте ишу хувьшденишу гуфдиренбиругт кей биё гировунде биёвгэ и мигийд, гъемчун дузгун ведировунденбу сүүфдэй сер гирде омореи эн эксплуатацияре.

Э дэгиш биреиревоз хозяйственни зиндегуни эн жугъургьо дэгиш биренүйт гъемчун гэргэгий жэгжимиет, дини, зиндегуи. Хувьшдени мигийд Нисонуре бирени ежирейгэ мэгжэно. У чаруусдени э мигийд васали эн хоригъуллугъсохгьо, э комики бинелүүе жиге гирдени нун. И бу мигийд эн гъогъол. Гьеел э лап гээдимие бэхшэн Турунуувьүүсдэш э товун мигийд эн гъогъол. Э поке жигегьо овурденбиругт верегьо нэгт, сүфдэй дерзгьой эн жугъе, уре боруухо сохденбиругт, куфденбиругт, эз гээрд энүү сохденбиругт сүүфдэй гъогъолгьо. Энжэгъ эз песой энүү сер гирде оморембу зимигьо дурундеи, ве увэхдэгээмел миомо эри хурд нун эз тозе тэхүуль.

Зимигьо дурундеи сер гирде оморенбу э гировундеиревоз межлүүс дигьи, кифлети. Кейки э арт э е мескен жиге гирде, зигынсдэй жугъургьоре бисдоки гүрдэлэгий государствои ве Яхве эз худой эн е умогъ чаруудки э худой эн миллэти эн гъемэй жугъургьо, и мигийд Нисонуре ологь сохддүйт э нум энуревоз. Күгьингьо э метлеб мухъяком сохденревоз государствой миллэтире ве тесир динире, угью ологъолуй сохддүйт мигийд Нисонуре э «ведиремореиревоз жугъургьо эз Египет» (Мисраим). Угью ведешендүйт овозегьо гүйгэ и мигийд хувьшдени худо нори эз товун омореи гээдимие жугъургьо эз хори Египет э хори Ханаан.

Торих эз зуревоз нушу дори, субит соходи расд небиреи эни гъозие-ре. Эзи дуль гъозор сал пушо государстввой жугьури вечарунде оморенгэ, Палестина оффо э зир хьукм эн Римски империя. Чендбоине хъэрекетигьо, гъолхмишигьой эн могълугъгьой жугьуру эри венгесде мурсы огъо-ети эн римлянгьоре э хун батмиш соходе оморуыт. Могълугъгьой жугьу-ри э есир берде оморут. Э и вэхдгьо иллотьки лов бисдо э Гээрэй могъ-лугъгьой жугьури имидигьо, ки э войте-буйргү худоревоз миёв Моши-яхь, хилос мисоху жугьургьоре эз есири, эз голут, монголдуун э Ерушо-леим, э Палестина. Э и овхьолетто гъуллугъгьичьой эн иудаизме оло-гъоль сохдүтт мигИид Нисону гирдэире э фирегэй пропагандировать сох-деиревоз фикиргьо, имидигьо эри вогощде э «хори бебегьо», тозеден оводу соходе вечарунде оморебуугьо «битемигьодье».

Эри Нисону хунде оморенуыттю нимазгьо, тифилегьо гүнжунде оморет э гъечиревоз, ки эри нушу доре гүйтэг тенбетенль биреи эн гъе-мей жугьургьо, гъэршу нушу дореи угъоре э кин эн гъемей жугьур нис-дүттю хэлгъгьой эн Гүльлом.

Келе хъэрекетигьо доренуыт э и коргьо буржуазни миллетпересгьо-сионистгьо. Э гъуллугъгьичьой диниревоз эеки угъо хъэрекет сохденуыт эри сэхд дошде и э руухь ю гүрье реакционни гысдигьо мигИиде. Гъей-сэгIэт омбаре жугьургьо ве татгьо нисе гирденуытгеш и мигИиде, оммо эз де мигИидгьойгэ у гъелеш зиёдте жиге гирди э Гээрэй эн э худо бо-вор сохденуытгьо жугьургьо.

Еки эз мигИидгьой иудаизме гысди мигИид «Пурим» (Гъомуну). И мигИид э күнди е мегь пушо бире эз мигИид Нисону. Э мегь март (эз 13 тө 15 мегь одор) э худо бовор сохдегоргьо гирденбируйт и мигИиде, комики мэгИльуми э иудейски нувууцдэгч чуюн «Руз чуп шендеи». И мигИиде гъэдимие жугьургьо вэгирдет эз вавилонянгьо. «Пур» э зу-гъун вавилони гысди «чупп». Э гуфдирей эн гъуллугъгьичьой иудаизме-ревоз и мигИид Гэмел омори эз товун хилос биреи жугьургьо э Персия эз Гэжел.

Э легендай дини э товун эни кор гуфдире оморени, ки персидски падшогь Эхъэшвирууш эдембу э дервозей хувьшде гировунде келе мигИид, межлуус э хотур э тэхд падшогьети нувьшдэи хувьшде, комики гирошдембу э шегъер Сузы. У серхүүш биренгэ буйргү дорени эри огол зэрэ овурдэ одохлуй хувьшдере, эри бирмунде рачи энтуре э гъуногъгьо, шори, келегеди сохде эзү. Гээрүүс гүш нисе дошде э гоф падшогь. Пад-шогь гэснэ бире эзи кор эну, тоймиш сохдени уре. Лап хубе раче дух-дергьо овурдэ оморени эз гъеме падшогьети эну э дервозе. Падшогь э угъоревоз хисире бэгъэдэ, фирсрени угъоре э хъэрэм. Лап песде овурдэ оморени лап гүзэл бугьо духдер Эсфиры, комики тэ и вэхди зигьисден-бу э хуней лелешу эн Мердэхэй. Мердэхэй э у гъэдэгээ зеребу, ки негую гуфдире ю духдер жугьури. Падшогь уре лап хосдени.

Е гиле Мердэхэй, лелей эн Эсфиры, э ён гъопуй эн дервозей падшогь шиновусдени, ки җими ённуушигьой эн падшогьтэй воисдени венгенүү уре эз тэхд, гъэсд сохут э сер эну. Мердэхэй э товун эни кор хэбер ра-сундени э падшогь. Тэхсиркоргьо кувьшде оморенуыт, э товун эниники Мердэхэй нувууцдэ оморени э торих, оммо уре гыч е бэхшиш доре ни-се оморе эри эни кор.

Падшогь Эхъэшвирууш вэгирдебу эри хувьшде э зеньети Эсфири э

хъофдимуын сал падшогьети хүвшде. Е гъэдер вэхд гирошде бэгъдо везир эну бирени Гьомон. У гүйге лап текебура одоми бу ве талаб сохденбу гьеме э ю сер зенув. Энжэгъ е Мердэхэй э у сер нисе зеренбу. Увэхи везир гъэгър сохде э сер эну, дануьсд гьишде падшогье пульвусде буйругъ эри гъирмиш сохде гьеме жугъургьоре. Ижире буйругъ э фирсореки э гьеме жигтэй, Мердэхэй э вэхд ю мэглүүм сохд э бирорзарей хүвшде Эсфиры. Увэхи Эсфиры мэглүүм сохд э падшогъ, ки е дульшмен эн хэлгэ эну мэхышево сохди эри гъирмиш сохде гьеме могъ тутгъ жугъургьоре э падшогьети эну, унегууре у ээ падшогъ хосдени гэхьми-кумеки. Падшогъ пульсирени киниге у одсми. Эсфиры гирдени нум Гьомоне. Эхъэшвирууш буйругъ дорени эри дуллу сохде Гьомоне. Буйругъ эн падшогъ эжиге овурдэ оморени. Мердэхэй норе сморени везир эн падшогъ э жигей эн күвшде оморенигьо Гьомон.

Э паздегьимуын мэгь Одор жугъургъ и рузе келе миглэд гирдүйт. Эсфиры гүйге буйругъ до э товун жугъургъ хилос бирец ээ дес Гьомон гъер сал и миглэд гирде биёв гуфдире. Гьемин и гыисди миглэд эн «Пурим» енебуге «Гьомуну», комиреки гирденуут э худо бовор сохденуутгъю жугъургъ, татгъо ве караимгъо. Е руз гыисди — руз тэглиният э товун билбули ве ловогъой эн Эсфири ве дуль рузигү гыисдүйт — рузгъой шори э товун хилос биреи жугъургъ ээз келе секонен ве гъирмиши сохдэй.

Оммо э и миглэдевоз эеки гъуллугчигьой диндогъот хъэрекет сохденуут эри гужлүү сохде тесир эн диндогъоте э гъэд могълүүт жугъуру, дегесунде миллэтперези, пхьдиборсу-зи э кин эн узгэ миллэтгъойгэ.

Еки ээз вожиблуу миглэдгэсий эри дин гирденуутгъю жугъургъ ве татгъо гыисди: тозе сал (Рош-гьюшон) ве руз дивуни (Иом-Кипур).

Гъейсэглэтиш э худо бовор сохденуутгъю жугъургъ ве татгъо гирденуут миглэд эн Рош Гьюшонере, комики гүйгэ норе оморебу э десдин Миши-новиревоз э сүүфд и руз эн мэгь тиши.

Э гуфдирей эн дин иудаизмеревоз, гъер дэгь руз эн Тозе сал гыисдүйт рузгъой эн дүгээ хосдэй. Э и рузгъо гүйге теслих сохде оморени гыисмет эн гъер одоми. Шохьонгум эн руз кипур дин гирденуутгъю кифлэйт эн жугъургъо ве татгъо вечиренуутгъю песини суфрере, песде гирденуут тэглиният те э асму ведироморе сүүфдэй асдара тэ дульмүн руз шохьонгум.

Э тозе сал нушу доре оморени э диневоз эри хурде емишгъо ве ширинигьо. Э и руз одомигьо биё шори сохут, чүнки э фикир иудаизмеревоз, гъер жугъур ээз сал сэглэри луынг норени э сал эн мэзоли.

Э Тозе салевоз эри э худо бовор сохдогоргъю ологъолуунуут ижире фикиргъю, ки гүйге согъ эн сер гирдигьо сал мигирору эри гъер одсми, чуьтам эри эну худо нориге э руз эн Рош-Гьюшоне. Гүйгэ ээз нимазгъю хундэи ве доре нициргъю э и руз бендүйт кор эн одоми э барасд омореи, жүнсогъи эну тэ биёвгъойгэй эн сал. Рабигьо гуфдиренуут, ки э тозе сал гьеме одомигьо гүльлом гирошденуут э пушой худо. Э и руз гүйге худо дивун сохде гүльломе, дениширенэ э гьемс коргъой одомигьо, хүндэни чув деригэ э дуыл энүгъю.

Гъэрор хүвшдере эри гъер одоми, жугъоб энуре э нимазгъю ве ловогъой эну, э гуфдирей рабигьоревоз, худо дорени э Иом-Кипур.

Иом-Кипур гыисди миглэд эн сабуярлуу ве гловунгъоре вегирдэй,

чутам эл кими одсмигъре, гъемчун эн гъемей хэлгъэ. Согъ эни руз э худе бсвор сохденигъо жугъур биё гировуун э нумаз э тэгшит гирде ве нимаз хундиревоз. Тэгшит гиругьго одоми ние хуру нэ чи, не глов. Ижирे кор зарали зере э жүнсогын одомигъо. Э и руз э талаби эн диневоз гъер жугъур биё э хъэрекетиревоз нимаз хуну, лово-теушво сохв э пушой эн худо. Метлеб эни мигшид гъемчун гыисди эри нушу доре гъувот ве сэгъм эн дине, гловунлуын ве кумексузын эн одомире.

Эз нимазгъо ве тифилегъо хунде бэгъэй эри гловунгъо копоре сохден, э нумазгъо, э худо бсвор сохденуутгъо жугъургъо ве татгъо овурдепуут, гъурбунгъо эри гловунгъошуре вегирде эз сер ишу, чутам гуфдиреге, «копоре» сохде угъоре. Гъечи эри гъер одоми эн кифлет овурдепоморени с гъурбуни: эри мерд, нарине — хуруз, эри зен-духдер — жерг. Хуруз енебуге керг, күшде биёвгъо эри гъурбуни, вечарундепоморенуут, э сер одоми э хундиревоз ологъие нимаз. Э и коревоз гүйтээз сер эн вегирде поморени гловунгъо, комигъохи бу уре э гъэд эн гирошдигъо сал.

И гээдээ эн дини гъемчун нушу дорени, ки у ологъюльни гүфдире э гъэдимне фендигъоревоз.

Еки эз мигшидгъой дини эн иудаизме гыисди мигшид эн «Суке». И мигшид биё гировундепоморенуут «Гьошоне Раббо». Э нимазгъо хундеки дин гирденуутгъо одомигъо, руй бире э кин худо, гуфдиренуут, лово хосденуут: «Кумек бош э иму, кумек бош э иму». Э и руз дивуни гүйтээ десдин худоревоз гъобул сохде поморени эхири жире гъэрор ве э чумевоз недире тэгьеэр доре поморени э нульвүсьде жире э гъер одоми.

Дэгэдимуун руз эн «Суке» гыисди «Симхь-Туро». Э и руз э худо бсвор сохденуутгъо одомигъо варасденуут хүндэн эн хъумош.

Эз мигшидгъой зимисдунеи фирегь мэглүүлүмүт э дин гирденуутгъо жугъургъо ве татгъо мигшид «Хъэнуко», комики гирошдени 8 руз.

Э гъэд эн гъэдимне хоригъуллугсохэ хэлгъгъой эн Восток и мигшид бу э гъузет тозеден зиндэлүү биреи худой эн чуышме ве бэгьеэр дорен. Мундигъо гээдээ шэгшмэгъо дагасундэн (гъер шохьонгум с шэгшмэгъо зиёдтэ дагасундепоморе эз дагынеш шев гүрье) гыисди бинууш дорен эн чуышмере, омортоморе зиёд сохде поморен эн дагасундепоморенуутгъо шэгшмэгъо символизировать сохденуут гъэдэр эн гешдемун чуышмере э асму ээз сер тэе сериге. Оммо дин эн иудаизм э дешенденревоз и мигшиде э гээрей эн де мигшидгъойтэй эн дини, дори уре эслэгээ мэгээнэйгэ: гүйтээ дульборе оводу сохдеки вечарундепоморебугъо «битемигъодо» инжо офицер оморебу э гъэдэр руьгъэ, комики 8 рузгъо ве шевгъо гээрэе недоре суждебу. Ве рабигъо гуфдиренуут, ки э гүльзэт эни «муыггульжүүз» гировундепоморени мигшид Хъэнуко.

Метлеб гировундэн мигшидгъой динире гыисди гирден жофокеше могълугъ жугъургъоэр э руьхь эн фанатизм дини, дошден э дуыл энүүгъо сэгъм худонире. Дин эн иудаизм дешенден э гъэнежжогын эн э худо бсвор сохдогогрьо фикиргъо э товун энч кор, ки гүйтээ гыисметгъой одомигъоре рэхъябери сохдени энжэгъ худо. Гүйтээ эзу бенди мэхъсуулгъо хуб веромореи небуге пуч биреи, довгъо биреи енебуге шолуми. Гъемэй эни коргъо гүйтээ эз худони. Гъемэй чуь биренигэ, чуь рафденигэ э гүльлом гүйтээ э дес худо дерн.

Эз омбаре миглайдгүй дини бэгъэй иудаизм нори эри э худо бовор сохдегоргүй хэйли гээдэгтгээгээ.

Э у дуре вэхдгүй иудаизм гэмел оморенгэ гэмел оморуут гьемчун гээдэгтгээй дини. Зиндэлүү мундэй дин иудаизме э гъэнежогын эн кими одомигбэ иму диреним омбариш э гирденгийг гээдэгтгээй динире. Омбардеки эни гээдэгтгээр гирденуут э традиция гулье, оммо э дин сэжд бовор сохдениревоз нэгт.

Э кими гээдэгтгээй дини четин нисди эри дире, ки угъю лап э у кульгыне вэхьшии земонегьо гульжо оморет гуфдире. Нишон эни кор гъисди сер зерей э сифир-Туро чувь э фетиш, э буьт. Э имогъоине иудаизм, чуьтам э кульгыне вэхдгьоре хуно, чувь хъэйкел гъисди тефлин.

Эслогь мэглэнесувь гъисдигьо гээдот гъисди гээл наринере мило сохдеи. И гээдоте гъеисэггэтиш гирденуут э кими кифлетгүй эн жугъургүй ве татгүй ве гьемчун эн узгэ хэлгтгэйгэй эн Догьисту.

Э товун эну кор, ки эзи ченд гъозор сал пушо сувфдеи гээлгүй овурде оморенбирүйт э гъурбуни эн бирэхье худо, гъеисэггэтиш чувь кульгыне овозэй эну деврэгүй эхудо бовор сохденуутгүй кифлетгүй эн жугъургүй ве татгүй севоре гээллэгэй наринере мило сохденуут, угъюре э и коревоз сэглэр доренуут. Не бебе-дедей эн гээл, не э сер мило оморегоре одомиго эри эни кор дульсухуни нисе сохденуут эри гээллэре доре оморенигүй зэхъмет.

Келе зарали гээлте мило сохдеи ведини эзи кориш. Гъечи, э е кифлет тати э шегъер Гроздный, раги гээлте мило сохде бэгъядо, гээллэ мульдебу. Ижире кор гьемчун биребу э Дербенд ве кими жигтгэйгэйт.

Милоре э кифлетгүй эн дин гирденуутгүй жугъургүй ве татгүй сохденуут севоре гээллэ хьэшд рузе гъисди. Мило сохдеи гъисди эз пушто-тиене дуре деврэгүй мундэ кульгыне гээдот. Эзи гээдот эз зарали бэгъэй уре не е хэйри, не е лоигъулье мэглэнэй.

Кеме заралигүй нисе овурденуут гээдэгтгээ, ологъюль гъисдуутгүй э мульдере гъовре сохденигъоревоз. Э гээдэгтгээй дини э товун мульдере гъовре сохдеи гуфдире оморени, ки гуйге гъер одомире нешумо дери, у мульденгэ нешумой эну е э генглэдэг мирав енебуе э гульгыном. Э дин жугъури дери эри мульдэе хунденигүй нимаз — Гъэдиш, комики гульжунде ве тогийн сохде омори жугъургүй эз Вавилон вогогошденгэ. Э е мэглэсэи ихдилот сохде оморени эри энжире кор. Е гилемээ ю гъисдигьо одоми мульдэе бэгъядо оморебу эзу гульлом э ки эн гъовум хувьшде. У эзу гуфдиребу, ки юре э гульгыном эдее омбар гээзиет доре. Эри хилос сохде уре эзи гээзиет инжо эри эну нимаз — Гъэдиш хундэгереки.

Гъэдиш еки эз лап вожиблууе нимаз динини. Эри нимаз хундэ, Гъэдиш зере ёгъян биё дэгэй мэрд башут. Омбарте бисдогэ ченгтэдеш гээл миёв, оммо кемтэ нэгт. Эгенер е мэрд кемтэ бисдогэ э «дэгэй мэрд», у нимаз, Гъэдиш ков нисди. Худо ужире Гъэдиш гъобул нисоху. Оммо жигэй эн е вес нисе сохденигүй мэрдэ э нимаз хундеки неки е зен, дэгэй, сад, гъозор зенгьош гирде нидануу, гээл миёв, чувьки э гуфдирэй эн диневоз, зен — бэхш гъэлифои, гловункори э пушой эн худо, элчэгтээ чини, оммо мэрд — бэхш эн худои.

Э гээдот диниревоз мэрд-огъой эн зени. Духдер гъемише э зир огъо-

ети, буйругъи эн бебе дери. Бебе муырдгэ — э зир буйругъи эн бирор, э шуввер рафдгэ — э зир буйругъи эну.

Э гээдот диниревоз дунхдере э шуввер дореи доре-восдорёре хуно бү. Дунхдере э шуввер дореки бебе-дедей эн дунхдер эри эну ветирденбируйт рэхь-пули (калым). Домор не гээрүйс э талаби диневоз биё мэгър бошут, эри энугьо кетубо нувьульсде ве гъул кешире бийт. Кетубо нушу дорсни гъемчун ихдиёрсүззи зене э пушой эн мерд.

Э иму гъелеш гъисдүйт кими коргъо, кайки дунхдер татиму рафдени э шуввер, мэгър бире э гээдот диниревоз, оммо э эзгс нерафде. Гъисдүйт ужире жогыле дунхдергъо, кукъю, комигъюки ишу хувьшиши дин нисе гирденуут, оммо э куягыне гээдотгъо гүрье, енебуге э гоф эн э худо бовор сохденутгъо бебе-дедегъошу денишире, хотур энугьоре эри негьишдэ мэгър биренуут э гээдот диневоз. Ижире зен-шуввери омбариш мульхам нисе бире. Эгэнер э гъонуньй совети гүрье зен э шуввер рафдэй нувьульсде, теслих сохде неомоге э ЗАГС зене пэсде ихдиёр нисди эгэнер у эз шуввер хувьше жайлэ бисдоге эри талаб сохде эзу алимент эри гээлгъо.

Дин иудаизм эслогь гъэдэгъэ сохде зен хосдэй енебуге э шуввер рафдэй э одомигьой эн де диниге, миллетиге. Оммо гъемин и дин эн иудаизм ихдиёр дорени ве борухо сохдени дунхдергэмле не кукгэмли зен-шуввер биреи, холу хосдэй хэгъэрзорой хувьшиши, эгэнер шуввер эн зен мульдгэ, уре эз шуввер гээл нисдиге; ёгъин рафдэй эну эeki эз шебироргъой хувьше.

Иудаизм элчэгъ сохде зене неки у зинде гъисди, гъемчун мульдэ бэгъдош. Гъечи, меселен, гээдот дини эн татгъо талаб сохдени э сер гъоврэй эн мульдэ зен эри се лапатка зиёдие хок веноре ёгъин зен «клап темэхъкор, беднефси» гуфдире.

Э вилеет социалистим зене гъисди тенбетене ихдиёригъо э мэрдевоз э гъеме политически, экономически ве күлтурни зиндегуни эн жэгэмиет иму. И ихдиёригъой эну нувьульсде омори э Конституцией СССР — Бинелуу Гөнүн эн вилеет иму. Зенгьой вилеет иму активлуве жире бэхш вэгирденуут э гъеме тарафгъой экономика, производствому, э параметр сохдени гэлли, искустворе. Э гъеме жигэгъо угъо тенбетен кор сохденуут ве мульд гъобул сохденуут э мэрдгээрэвээ эки. Э гээрэй эн зенгьой вилеет иму, гъемчун эн жуғьургъо ве татгъо, дерүүт гэлчигч, корсохгъой культури, искуство, депутатгъой хэлгъи, одомигьой эн жуэр-бежууре сенигээтгээ: дунхдиргъо, инженергъо, агрономгъо, учительницааго ведиеш, кандидатгъо ве докторгъой гэлли, зарбичгъой эн жохой коммунисти ведиеш.

Эз омбаре гээдотгъой дини бэгъэй иудаизм нори ченд жире буйругъигьо ве гъэдэгъэнгьо эри дин иудаизмере гирденуутгъо одомигьо. Меселен, э дин иудаизмеревоз «хъэрүүмэ» гушд хурде гэмел ниёв. Эгэнер меселен, раги некуышдиге у гове, гусбенде, керге — гушд энугьо хурде гэмел ниёв, у хъэрүуми.

Гъэсэгэтиш гъисдүйт ужире дин гирдегоргъо, комигъюки гушд эн раги некуышде моле нисе хурденуут. Нисе хурденуут гъемчун «ширигушди», ёгъин чи гушди хурдгэ, чи эн шири хурде гэмел ниёв.

Гуфдире гереки, ки и гъэдэгъэного э туро невери. Угъо нувьульсде

оморет пеcдэгьо эри зиёд, гужлув сохде мульдий эн дингирдогор юре эз рабиgьо ве нумазгьо ве гъемчун эри хэйр эн гъуллугчийг дини.

Э гээдэгт диниревоз гъемчун хээрүм хыисоб сохде оморени э ов зере мол, чуньки у э десдин эн рабиревоз «шэхьид» сохде неомори. И гээдэгт, гъэдэгчийг эн хээрүм-хээлоли межбур сохденуут худо бовор сохденуутгьо, дине сэхд гирденуутгьо одомигьоре эри хурде энжэгт у чигьоре, хурекгьоре, хээрүм хыисоб сохде нисе оморенуутгьоре э гээдэгчийг эн диневоз.

Мигидгьо ве гээдэгчийг эн иудаизма, чуvtам гъемчун эн де динггийгере хуно, гъисди эри гирде одомигьоре э тесир, мульдий эн гъуллугчийг дини, тор сохде гъэнежгьыг энугьоре, мешет бире э классови, интернациональни еклүүи, бирори эн жофокешгьой жуур-бежууре миллигьо эри азадишу, эри биеvгьо товушлуу зиндегунишу.

*Тержууме сохди
Хизгил АВШАЛУМОВ*

Наида Авшалумова

ПРОБЛЕМАИ ЭН ГИЭРЕЙ СОЦИАЛЬНО-БЫТОВОЙ ОВОСУНЕ Э КИН ЗИНДЕГУНИ

Торихлув овхьолет гъечи гүнжо омори, ки э серлэгтээ творчествой эн татгьо социально-бытовой овосунегь хэйли омбартеуут эз де овосунегьгийг хэлгьи, эн тилисимицу овосунегь ве иллогыг эз овосунегь ве товун хэйвугьо. Ижире омбарте биреи социально-бытовой овосунегь э фольклор тати э хыисобовоз гээмэл омори неки эзу товун, ки у «гъюимлув ве мульдий ологъолуунут э гъеме процессагьой зиндеуниревоз ве имогьонне вэхдевоз», оммо гъемчун эзу товуне, ки э фольклорни традицией эн татгьо ижире овосуне бире неки чуун томошлуу ихдилот, ве у бире эн сүфде чуун системай гүльломе, зиндегунире дануусдэй, ве расиреи.

Э и овхьолет социально-бытовой овосуней тати нушу дорени э пушойму чуун гъэгтигъэте произведение, егти бирмунденигь овхьолетгьой зиндегуни эн хэлгээ, чуун художественни фирегь бинууш дореи ешоиши энуре, дивэгтэй, хосиетгьо, кор, мухшули, боворигьо, имидигьо, географией энуре, гээдотгьо, дивэгтэй, гъеме омбаресадсалие торих энуре. Торих эн хувьшдени хэлгээ иму гъисди э куынди дуль гъозор сал зигьисдэй эеки э узгэ хэлгэгийг Догъистуревоз, биреи угьоре жэгтимлуве торихлуве гъисмет, э арт эн комиревоз биреи угьоре омбаре жэгтимлувигь э материальни ве духовни культура. Унегууре тогтнлив гүфдире мибу, ки мэгтээн ве хувьшденижире эн социально-бытовой овосуней тати бенди неки э спецификай миллитивоз, оммо эн сүфде у гъисди арт эн сигдээ ологъолууигь э фольклор эн гъеме хэлгэгийг Догъистуревоз, биреи уре интернациональни хосиет. Очугээ шогьоди эни кор гъисди у овхьолет, ки татгьо, неденишире э у кор, ки угьо гъисдуут зуу гунионие хэлгээ ве дин эн омбардеки энугь э Догъисту гъисди дин

иудаизм, оммо омбаре овосунегьойму ухшешуыт дуль эекиревоз, меселен, тип, сюжет, мэгІэно, идейно-тематически тарафгъо, чигъретгъо, мотивгъо лап күндүйт э овосунегьой хэлгъи эн аваргъо, гъумугъгъо, даргингъо, лезгигъо, лакцгъо ве угъонигеревоз. И кор гъемчун шогъоди дорени э товун келе тесили эн культурай эни хэлгъгъо э параменди эн творчествой хэлгъи тати, иллогъки э жанр эн социально-бытовой овосуне.

Чуьтам э овосунегьой эн уызге хэлгъгъой Догъисту э и жанр, гъемчун э овосунегьой татиш хубе персонажгъой энүгъо гъисдүйт: ранжбер-хоригъуллугъсох, нэхирчи, чупон, косиб, кечел, — эхирки одомигъо, комигъоки, э овхьолет зиндегунишу гүре, межбурут эри гъовхо берде эри азади ве ешемишишу, усоле персонажгъо гъисдүйт — падшогъ, хон, бег, Пюшир, векилгъой эн диндогъот, зигъисденутгъо эз ранж, жофой эн косибгъо, дегъищденутгъо угъоре э социальни ве духовни буховуи. Гье персонаж эн социально-бытовой овосуней тати гъисди векил ве нушудорегор фикиргъо, войгегъо ве хъэрекетгъой эн ежире социальни группаре ве классе.

Чуьтам де овосунегьойгей татире хуно социально-бытовой овосуней тати гъеле хуб дануьсде, тедгъигъ сохде неомори. Оммо гъисдүйтгъо материалгъо шогъоди доренуыт э товун эну кор, ки бинелууе мэгІэнегьой эн овосунегьой тати гъисди хувьшдени одоми. Фикиргъо ве гъэйгъуыгъо, шори ве мөгъбули эну дивэгІ ве хосиетгъой эну, ологъогъой эну э эйлонмей эну гъисдүйтгъо одомигъоревоз ве естественни хъэрекети эну эри азади, эри хилос бире эз социальни ве духовни мұурс, гъовхо эри мозол, дузи-хъисоби, эри верзуышлууе зиндегуни э г'эрей одомигъо.

Э овосуней тати мэгІэнай эн «мозол» абстрактни фикир нисди. Эри эну мэгІэнай эн мозол эн сүйфде гъисди-минкини эри э дүрүсьдиревоз кор сохде, менфигІэт вегирде эз жофой хувьшде, зигъисде чуьтам лонгъ гъисдиге э инсон: гуж-зулум, бирэхъми, бедкори небиреи, э дузи ве рэхъмeduлиревоз, боворини, хъуьрмет ве дусдиревоз э г'эрей еки.

Э товун эни себеб чуын нишонлууе ве мерэгълууе овосуней эни жанр нушу доре мибу э ижире овосуней тати «Шогъ Аббас ве ранжбер».¹

Шогъ Аббас омбар мэхътел мунде диренге, чуьтам е ранжбер э наркововоз хорире э хиши зереки, сер ебо э сер бере оморе расире мунде, у, диг-диги зерени вежегъисде. Везир гүфдирени э Шогъ Аббас, ки ведини, э дуыл эни ранжбер дерд-гъэм недери эз шори бэгъэй, в мозоллувани.

И коре эри хувьшде Шогъ Аббас гъич верасунде нисе дануьсде. Чуьтам эхи шор, мозоллув бире мидану косибе одоми, комики эри е тике нун гье руз эдее жофо, эзхьмет кешире, э хуней гилови зигъисде, э тен ю е бэгъеме партал невери. Ю, Шогъ Аббас, падшогъ биреки жиге, юре тэхд, хэзине, гарем, хъуьрмет биреки жиге, у хувьшдере шор, мозоллув хъисоб нисе сохде. Эз расдиш: «йайчы дуыл эни ранжбер гъечи шори?» — фикир сохдени эри хувьшде Шогъ Аббас.

Гье ижире пүрсүүше норени э пушой хувьшде персонаж эн овосуней гъумугъи «Ихдилот э товун зенгъо».²

¹ Алымана тати. Махачкала, 1985 с. В. 82--86.

² Сатира ве юмор эн хэлгъгъой Догъисту. Махачкала, 1976. В. 45—46.

— «Ме келе гоширум, мере гьеме чи гысади, оммо ме нисе да-
нульсденум шори сохде, — гуфдирени у эри хувьшде расд оморе гье э
и жире гъозине, овхьолет.

И овхьолет нушу дорени социально-классовый хоснет эн персонаж-
гъой эни овосунере, гъэгъигъэти эн гысадутгъо коргъоре. Ранжбер шо-
ри, мозоллуны, чүнкى у олхогъини, разини ээ зен хувьшде. Зиндегуни
энугъо асант нисдигеш, у гирошдени э дуьрьусде, хъэлоле жофо ве
гъэйгъу эн гъердуй энугъоревоз, э ихъдибори, дусди ве боворинеревоз
дуду э гъэрэй еки. Эзи товуне у жугъоб доре э мэхътеле пурсыуш эн
Шогъ Аббас, гуфдирени:

«— Ме не зенме дув ээз еки лап разиним... Унегууре мере е дердиш
нисди эри тенги сохде, могъбул бире».

Э и овосуне, чуьтам э де омбаре овосунегъойгере хуно бирмунде
оморени фикир эн хэлгъ э товун мозол, жофо, э товун эну принципъю,
ээ комильтоки гүнжо оморенуыт зен-шуввер дув екире хуб верасиреи,
хуьрмет ве дусд дошдеи, шолуми биреи э кифлет ве диеш.

Гъемчун э лакский фольклор «Ихтилотгъо э товун Акул Али»³ «Хуль-
жеткоре зен»⁴ гъе ижире гъозие-гъэдергъо гирошденуыт, чуьтам э иму
гъейсэгІэт гуфдиримгъо овосуней тати «Шогъ Аббас ве ранжбер», ве
гъемчун эн гъумугъи «Ихдилот э товун зенгъо».

Логически параметри гъозиегъой эни овосуней хэлгъиму «Ранжбер
ве Шогъ Аббас» овурдени одомире э кин энжирие фикир, ки герой эни
овосуне, ранжбер, мозоллуны неки эзу товуне, ки зен эну хуби, гъем-
чун эзу товуне, ки э кин эну, э уревоз зен диеш хуб бире, усол нисе
бире. Оммо и коре гуфдире нибу э товун хувьшдени Шогъ Аббас не зен-
гъой эну. Гъерсе зенгъой Шогъ Аббас э уревоз зигъисде-зигъисде усол
бирает, усоле хоснетгъо, дивэгІго вегирдэ. Еки энугъо келе хэбербер-
гъэрэгъеришкини, екигайгэ э хуне дуьзди сохде, сеимуын зен эри хувь-
шде ошнегъо гирде.

Шогъ Аббас межбур сохдени ранжбере зен хувьшдере фирсув э ху-
ней Шогъ Аббас, э жигей зен эну дорени ранжбере гъерсе зен хувьш-
дере.

Хэйли вэгІдо гирошде бэгъдо Шогъ Аббас диеш мэхътэл мунде ди-
ренгэ, ки ранжбер пушоте э сер бере э хиш зереки е гиля дин-дини зере
вежэгъисденбууге, имогъой дув гиля зере - вежэгъисде. Эйчү гене эхи
шори и ранжбер, думит сохдени эри хувьшде Шогъ Аббас. Эхи е зен эну
дуьзди, е зенигэ ошнегъо гирде эри хувьшде?..

Э и пурсыуш эн Шогъ Аббас жугъоб доренуыт хувьшдени зенгъо-
пушоте зенгъой эну бирутьгъо.

«Эз Шогъ Аббас пул зеренбуугъо зен мугую:

— Ранжбер гъеме ихдиёри хунере, сохде пул хувьшдере э ме доро-
ни, э ме ихъдибор сохдени Гъечу биреки, мере эзу пул пэхъни сохде,
эзу пул зере эричүни...

Ошне гирденбуугъо зен гуфдирени:

— Зене ошне эричүни, эгенер шуввер ю гъемише э ён ю биренгэ...
е дувл, э е зугъу биренгэ».

³. Ихдилотгъо э товун Акул Али. Махачкала, 1976. В. 45—46.

⁴. Сатира ве юмор хэлгъгъой Догъисту. Махачкала, 1976. В. 250—251.

Идеей эн гъеcсэгIэт иму гуфдиримгьо овосунгьо, мотивагьой энүгьо кувндуyt гъемчун э ижире овосуней даргингьоревоз «Зиршайни эн лап мозоллуюc одоми».⁵ Везир эн е падшогье воисдени офу е лап мозоллуюc одомире, комиреки дерд-гъэм нисди, восдону эзу зиршайни энүре. И зиршайни энжире одоми гереки уре э тен кук падшогь эри вокурде. Кук падшогь гурунд нечогъи. Э гуфдирей эн келе жерэхгьоревоз, у хос мибу, эгенер эз тен эн лап мозоллуюc одоми, комиреки гъич дерд нисди, зиршайни эну вокурде омоге э тен кук падшогь. Везир ю эз лап келе гошире одомигьо, одоми эн вегирлууc класс девлетмендгьо. Классови гъэнежкъи, психологией эну, гъелбет, лап бешгъэи эз эн косибе, жофокеше одомигьо. Унегууре везир эри хувьшде фикир сохдени, ки лап хубе мозоллуюc, дульшоре, гъич дерд-гъэм нисе дануьсденгьо одомире оффе мибу энжэгъ эз гээрэй эн гошире, девлетлууc одомигьо. Гошири, девлет нисдигьо одоми, егIини, у гъич бэхдлув, мозоллув бире ниданув. Везир гешдени омбаре хоригьоре, оммо е доне лап мозоллув, гъич дерд-гъэм небирегоре одомире у нисе оффе. Бэгъдовой чуль руз у пешму, могъбул вогошдеки э вилеет, э шегъерь хувьшде, дирени е жогъиile чулоне э гъирогъ шегъерь. У гусбендгьоре э савзелууc тале рэхьо доре, э е шори, хъэзовоз эдэмбу эй хувьшде балабан зере вежегъисде. Эз гоффю-пурсышгьо везир дануьсд, ки и чупон лап мозоллуюc одомини э гуфдирейюревоз. У жогъили, жунсогъи, корио гынди, э кешире жоффой хувьшдеревоз эри дуланмиши хувьшде гъэзэнж сохдени. Уре тъисди севгилию, комиреки чупон лап хосдени, севгили энуш уре лап омбар хосдие.

Везир дануьсденге, ки у эз расдиш лап мозоллуюc одомини, хосдени эзу зиршайни энүре эри нечогъэ кук падшогь. Э и теклифи эну чупон гуфдирени, ки уре дерд-дульлесди нисди, оммо уре зиршайниш нисди ве гъич небири.

Хубе несигIэтлууc, тербиелууc мэгIэной ижире социально-бытовой овосуней татире «Чор весиет эн бебе».⁶

Овосуне сер гирде морени э ижире эри омбаре овосунгьо гэдоттуль гындигьо тегъеревоз:

«Хэбер эз ки дуym ишмуре? Хэбер эз е тожир. И тожире е теке кук бу. Уре се жире «сенигIэт» бу: пиёникеи, гъуморбази, э песой зенгьо гешдэй...»

Хувьшдени экспозицией эни овосуне гүйтэй эдее нушу доре, ки мэгIэной эни овосуне мибу энжэгъ угут, несигIэт дареи. Оммо мэгIэной эну фирегтей, лугъондтеи. И чор весиет бебе неки угут, несигIэти. Угъо кумеки сохденуут э кук эну эри шенде усоле хосиетгьо, «сенигIэтгьой» хувьшдере, комигьоки миёру уре э беде руз, эри зигъисде э гуульом, э гээрэй хэлгь э фэгъэм ве эгъульевоз, зигъисде бэхдлув э жогъиile зен хувьшдеревоз, э кифлэг хувьшдеревоз.

И овосуней тати нюрени гъемчун де проблемагьойгэй зиндегуниреш: проблемай бебэгьо ве гээлгьоре, гээлгьо биё буравт э хубе рэхь эн бебэгьо, эрхэгъо бие вегирульт дув эз еки гъеме хубе миросигьоре, параменд сохут угъоре э товун метлэб зиндегуни эн инсон э гээрэй инсон-

⁵ Даргински свосунайг хэлгэн. М. 1963. В. 60–61.

⁶ Эз архив эн Альманах тати.

тъо. Э и проблемагьо гуьре жуьр-бежирукт гъемчун мэгІэной эни ихдилот: дивулну сохдеи пиёнискеире, хъэсусузи, ошнебазлугъире, хуьрмет гирдei, э назар вегирдei хубе весиетгьой эн келете одомире, э одомиептиревоз гирдei хуьшдере э гIэрей одомигьо, э гIэрей хэлгъ.

Овосуне э ижире сюжетевоз, оммо э кемте гъозие-гъэдеревоз «СенесигІэт бебех⁷ дери гъемчун э фольклор эн лакцгъо, э комики, чуьтам гъемчун э овосуней тати, жогъиле кук эхир-эхириш верасирен дуз биреи весиетгьой эн гIульом дире пире бебешуре, шенденi усоле, гIульмур-чуце, заралис, хосиетгьо, дивэгІгьой хуьшдере, сер гирдени эри зиггинде э дуьрусьди, хъэмендиревоз э зен, кифлет хуьшдеревоз, жофо кешире, чуьтам бебе эрию весиет норебуге, дануьсде гъэду'р пул эн жофоре, эн хубе хосиетгьой инсонире.

Эдеблуюе, хъэлуюе проблемагьо, пуьрсушгъо норе ве теслих сохде омореттъо э и овосуне, бирмунденуьттю фикир хэлгъире, угъо келе актуальни, вожиблуюнүтт гъемчун э гъеcэгІэтине вэхд имуш, кейки иму берденим гъовхо э ижире бедкоригъоревоз: пиёниски, наркомания, муфдехури, зинниревоз ве диеш. И пуьрсушгъоре келе тербиелуюе мэгІонси.

Гъуногъэ хуьрмет гирдei гъисди еки эз лап хубе гIэдотгъо эн хэлтгъой Догъисту, гъемчун эн татгьойму, неденишире гъуногъ косибиге, енебуге бирегориге. Э товун э н гъуногъ пушотгьо мигуфдируйт: «Гъуногъ эз худои». Оммо гIошире одомигьо и хубе гIэдот эн хэлгъи-реш пой зеренбируйт, пузмиш сохденбируйт эгенер э хунешу, э шори, дезгогъ, межлувс ишу гуьногъ той ишу нисдиге, косибиге. Угъо косибе одомире, эгенер у гъуногъ гъисдигеш, элчэгъ сохденбируйт. Э ижире гъозие овосунере гуш дошдогор расд оморени э овосуней хэлгъи тати «Жингире Шомоил э гIэрүьси».⁸ Жингире Шомоил неки хэндее (коми-чески) персонаж эн е ченд овосунегьой татини. Э гуфдирей эн келе мердгъой Дербендевоз, гъеле зинде бирутгъо э сиимуын салгъо, угъо э гIэиле ве живоне вэхдгъошу диребируйт Жингире Шомоиле, бисдогьо песьле персонаж эн е ченд мэхсерее овосунегьой тати. И овхьолет диеш куьнд сохде э овосуне нушу доре моренуьттю гъозиере э гъозией зиндегуниревоз, ки нисди эслогъ тафигІэтлуье овхьолеттю э гIэрей зиндегуни ве искуство э товун э угъо пуьруыш ве теслих сохде оморенуьттю проблемагьо.

Жингире Шомоиле э гIэрүьси кук эн келе гIошире Дэрбенд огол зеренге, у шохьонгум эз богъ хуьшде эз кор вогошденге, гье гъечу э у парталгъой кориrevоз вэхишдебу рафде э гIэрүьси. ЕгIин, гъуногъ-гъуногъи, чуь бешгъэи, чуьжире партал э тен энү вериге. Оммо э гIэрүьси эн гIошире уре э песо-пушо нуьшунде, э у хуьрметевоз гъобул сохденуьтт, э пушой эну ченд жире чигъо, хурекгъо норенуьтт. Жинги-

⁷ Сатира ве юмор эн хэлгъой Догъисту. Махачкала. 1976. В. 241.

⁸ Фольклор тати. Махачкала, 1940. В. 56—57.

ре Шомоил увэхди бушбогъ егъни гэруьсире эз хувьшде күннд овурде. гуфдирени:

«— Э тууревоз мэхьсгъо, э тууревоз гъобо, э тууревоз килэхъ... Эришму овурди и гошгъо-егънигъоре... вегирит хурит!..»

Гъемчун гье гъечи сохде герой эн лакски овосуне Акул Али гье э ижире ихдилот. У э руухшендие сүппле хэндеревоз эз бел эн чухой хувьшде гирде, гуфдирени:

— «Веги, чухо, ху!..»⁹

Идей эни овосуне гыисди гэйбажер, дивунлув сохдеи у одомигьоре, комигьоки хубе гэдотгъий хэлгъире пой зеренуыт, э одоми, гъемчуи э хувьшдени гъуногъ хувьрмет сохденуыт э гэдот хэлгъи, инсоньети гысдигъо жирере хуно нэгI, э косиби-гошири эну гүрье, егIни, эри энугъо гошир усол, зобу, шефд, элчэгъиш бисдоге — вегири, оммо косиб — хуб, темиз, хэлол, дуьруьсдиш гысдиге — вегир нисди.

Тематикай эн сатирай хэлгъи жуурбажири. Социальни сатирай эн овосунгэй хэлгъи гыисди э гъэршуй мурсыдорогоргъо хэлгъ, эксплуататоргъо, падшогъо, хонгъо, беггъо, гоширгъо, гъуллугъичгъий эн дингоЛот, бишэгIре судгъо ве диеш.

Овосуней татире «Косибе кук не гобой эн нумаз»,¹⁰ овосуней аварире «Чуьтам Насретдин кумеки сохдебуге э косиб»¹¹ ве лакски овосуне-ре «Чуь там Акул Али кумеки сохдебуге э батрак» э мэгIено ве идеей ишуревоз лап күндуыт эз еки. Угъо бирмунденуыт, чуьтам хэлгъ дивунлув сохдениге бедхысоби, шефди, дургуни эн одомигьой огъюети сохденуытгъо классгъоре, девлетмендгъоре, майл энугъоре гирденуытгъо гъуллугъичгъий динире, дульсухуни сохдеире эри косибе, жофокеше одомигъо, хээрекетигъой хэлгъэ эри нисд сохде гуж, зулум ве шефдире, то-гIин сохде рэхьмeduли, дузи ве хысшибире.

Э овосуней тати косибе кук е кем э гужевоз гъэзенмиш сохде пулгъой хувьшдере эри гэруьси дорени эри е кем вэхд дошде э гобой эн нумаз. Бэгъдовой е мэгIиге косибе кук оморенгэ э ки гобой пул хувьшдере эри вегирде эзу, гобой хьэшо зере пул энуре.

«— Мэ тууре нисе шинохденуыт туй э мэ пул-нечи недорей!» — гуфдирени у эз кук.

Косибе кук ченгъэдер минет сохдени оммо гобой э гуш нисе гирде.

Гъемин э товун энжирие охьолет гуфдире оморени э овосуней авари.

«Руз э хэйр бу, гъози! Ини мэ оморем: хосденуыт, вогордун у дэгъ түмйемере, мэ э туй доребируьмгъоре.

«— Эй туй, гловдол! — хэйр вегирдени э сер эну гъози. — Мэ тууре нисе шинохденуыт, не пулгъойтууреш мэ недирим. Оворе бош эзинжо, небуге нүйкергъоре огол мизенуыт, мигылувьт дешенде тууре э чолоки!

Э жэгIмиет, эжеки огъюети сохдени мораль сэхьибьети, эжеки бирегор сигъмиш сохде нэбирахоре, гужлув-зэгIифе ёгын гирошдени социальни конфликт. Э ижире жэгIимиети охьолет гъечи гүнжо оморени,

⁹ Архив эн Альманах тати.

¹⁰ Овосунгэй авари. М. 1972. В. 78—79.

¹¹ Ихдилотгъо э товун Акул Али. Махачкала. 1976, В. 52—54.

ки гъонунгъо, низамгъо энү э тараф эн Гошири, у бишэгир, тэхсиркор гысдигеш, оммо э гъэршүй косиби, у дуз гысдигеш. Ижире гъэршу-гъие овхьолет диеш гужлуу сохде конфликте. Гъелбет, э гъонунгъо, низамгъо энижире бишэгирье жэгимиетевоз тэхсирсуузе косиб бие езугъ, гъэлхэндсүз муну э пушой энугъо. Оммо неденишире э и овхьолеттъо, э овосунегъо темэхъкоре, бишэгире Гошири, биёбур, тэхсирлүү, гэйбэжер сохде омсре, косиб э метлеб, дилег хувьше расире.

Э овосуней тати э косибэ кук кумеки сохдени фөгъмлүү зен, комики фирмунде, хэр сохдени гобое, э овосуней авари э косиб кумеки сохдени Насретдин, комики Гэмэл оффди, пул косибе эз гъози векенде, дорсни э у, э овосуней лакски, комики эз сюжет лап күнди э овосуней татиревоз, батрак кумеки сохдени хувьшдени Акул Али ве фөгъмлүү зен. Угъо сер гъозире пучунде, пулгъо эн батраке вегирденүйт эзу, доренүйт э сэхьиб ю.

Социально-бытовой овосунс эз овосунегъо эн узгэ жанргъойге зиёдте күнди эз гъемерузине зиндегуни эн одомигъо, лугъондте ве фиригэьте бинуыш дорени уре, идеини ве эстетически синонъи хэлгъэ.

Э социально-бытовой овосуне жэгиминсоние идеегъо ве художественни жэгимлүүгъо эжиге овурде оморенүйт э гэдоттууье, оммо гъемиши оригинальни ве гъемиши «зиндегуне сюжетевоз». Гъемин ижиреи сюжет эн овосуней тати «Мулла не есиёвчи»¹². Э вэхд ихдилот хувьшде э есиёв мулла пүрсирени эз есиёвчи:

«— Ченгъэдер пул бирени түрэ эзи есиёвтуу?
— Э мегъио чор түйме, — мугу есиёвчи.
— Чую сохде түй и пулгъоре?
— Эзи чор түйме, — жугъоб мидүү есёвчи, — е түймере хурденим, е түймэйгере гъэрде вогордунденүм, е түймере э гъэрд дорснуум, е түймэйгере э гъовои доренүм.

Мулла, гъелбет невараси эри хувьшде мэглэнэй эни эйгъомлүүе тофгъо эн есиевчире, чытам гъеебо ниварасууге угъоре эри хувьшде еботовесе р гуш недошде енебуге нехунде и овосунере. Тесфири гофгъой эн есиёвчире, гъеле те эхир не шиновусдеки и овосуней татире, дануусдэ мибу эз овосуней даргини «Эгъульменде ранжбер»¹³, сюжет ве идеини мэглэнэй энү бөшгъэ гысдигеш эз овосуней тати — «Мулла не есиёвчи».

Э овосуней эн даргини, косибе ранжбер, комики овурди пишкеш эри хон е гъозе, биё э войгэй энуревоз бэхш соху уре э шеш жиге: эри хон, эри зен ю, дуль духдергъо ве дуль кукгъой энү. Ранжбер сер гирдени эри бэхш сохде.

«— Түй сер-келлэй эни хунеи, унегууре э түй расирени сер эн гъоз, — гуфдирине ранжбер эз хон. — Зен комики биё дульме хуне бурав э песой эн шувер, э у расирени дувьмбэг. Э дуль духдергъойтуу, комигъо-ки, пардууш верие парандегъоре хунсо учмиш мибошут эз хунейтуу, э гъер энугъо расирене е пардууш эн гъоз, кукгъойтуу, комигъо-ки сутун-тююют эритуу, э гъерки энугъо расирени е пой эн гъоз...»

Эйчүү эхи э и овосуней даргини дери ухшешне мэглэнэ овосуней

¹² Эз архив Альманах тати.

¹³ Сатира ве юмор эн хэлгъой Догъистуу. Махачкала, 1976, В. 121.

тати деригьоре хуно? Себеб эни кор уни, ки пушотеине хосиет зиндегу-ни эн татгъо, эн узгэ хэлгъгийгээн Догъистуре хуно, бу партнэрхальни. Мерд бу келей эн кифлет, дивунбуррагор эну Биней морально-этически раффоригьой эн татгъо, чуцам гъемчун эн узгэ догъульгъоре хуно, бирукт гээдотгъо (нуувьуде неоморе гъонунгъо). Еки эзү бинелүье гээдотгъо бу келе мерде хууьрмет гирдэй, обур энуре дошлеи, эри энү гъэйгъу дореи. Зен э хуне муды бу э мерд. Духдер «кесе хуно» хысаб биренбируйт э хуней бебе, егъни, зу-дир у биё бурав э шуьвер, бу одоми эн хуней е кифлтигэ, у егъни «сенть бинеборуй эн хуней кеси». Гъер одоми э келе мерди имид хуьшдере биё вену э кук, комики биё дору уре э вэхд пире руз ю, чуцам бебе дошдиге кукэ э вэхд гээли ве жо-вони энү. Унегуьре, э у куьгъне социальни овхьолетгъо кук хысаб биренбу десдек эн кифлет, эн бебе-дедээ э пире руз энугъо. Унегуьре, чуцам иму гуфдиримге, неденишире э бешгъэи сюжет, мэгъэнай эн овосуней тати «Мулла ве есиёвчи» ве овосуней даргини «Эгъульменде ранжбер» э еки лап ухшешуыт. Э овосуней тати духдер эн мулла гъечи ве-расунде э бебешу мэгъэнай тофгъой есиёвчире:

«— Есиёвчи гуфдиренге, ки ээз чор туьмере угъо хурденуыт, и гофе тесфир сохде герек нисди, егъни эри хурдешу хэржи сохденуыт. У туфдиренге, ки е туьмере у гъэрде вогордунде гъер мэгъ, уре гъечи ве-расире гереки. Есиёвчире бебеи, келе мерди, комики уре дошди, веди-ровунди. У гъеисэгээт кор сохде нисе дануьсде. У е туьмере э сер энү хэржи сохдени — гъэрд хуьшдере эдее э у вогордунде. Есиёвчи гуфдиренге, ки у е туьмейгере э гъэрд доре, уре верасире гереки гъечи. Есиёвчире куки. У гъеле чуьклэй. Е туьмере у э сер энү хэржи сохде, ю келе мерд бисдоки кук ю дору гуфдире юре. У гуфдиренге, ки е туьмейгере у эдее э гъовои доре, есиёвчире э и гофовоз гуфдире воисдени, ки уре эз кук бэгъэй е духдериш гъисди. Е туьмейгере у э сер духдер хэржи сохде. Оммо духдер келе биренгэ мурав э шуьвер, э хуней кес. Эз духдер эри энү е хэйр, е кумеки нибу. Егъни и е туьмере, у эри духдер хэржи сохденигъо, эдее э гъовои рафде».

Э овосуней тати «Мулла не есиёвчи» ве овосуней эн даргини «Эгъульменде ранжбер» неки бирмундени кими социальни чигъретгъо ве гээдотгъо эн умогъоине вэхдгъоре. И овосунегъо гъемчун нушу до-ренуыт фегъмлуюы, эгъульменди жофокеше одомире э пушой одомигъой эн огъюети сохденуытгъо классгъо ве духовни десдек энугъо — векилгъой диндогъоти, э овосуней даргини — ранжбер эз хон эгъульменди, гээмэл-дани, э овосуней тати — есиевчи эз мулла.

Эз овосуней тати «Мулла не есиёвчи» куьнди э идеино-художест-венни мэгъэнэ ве метафорически эйгъомлуюю гуьре гъемчун э овосуней гъумугъи «Келе мерд не везиргъю»¹⁴.

Бий, э комиревоз се везиргъюни, пуырсирени эз ранжбер, комики эдее зими дурунде:

«— Эй, тамаза, гүйгэ сер догъэ верф дегирди?

— Неки сер догъэ — майдузиреш эдее думон шишире. — жугъоб дорени келе мерд.

— Хурде-бердейту чуцами?

¹⁴ Сатира ве юмор э литературай хэлгъгийгээн Догъистуре. Махачкала, 1976, В. 174-175.

— Зобу нисди, э гушдевоз нуне жавусденуьм, — жуъюб дорени ранжбер.

— Тув э чув кор мухшули?

— Валлагь, ме гъэрд доребируьм, имогьой эдее гъэрдмере вегирденуьм.

— Эгенер ме туыре мидоруьмге се чогъэ эркеге бидбидгъо, тув чув мисохди? — пульсирени келе бий.

— Ме угъоре гъечи темиз мисохдуьм, е доне парлеш э угъо нивегышдуьм, — гуфдирени келе мерд».

Везиргъо неверасирант не мэгІэнай пульсувштой эн бие не жуъюбгъо эн ранжбере. Бий гъэгъри бире эзижира фегымсувзи энугъо, терс дорени угъоре, эгенер угъо недануьсдутьте мэгІэнай эн пульсувштой энуре не жуъюбгъо ранжбере угъоре у эз гъуллугъ ишу пиш мисоху.

Везиргъо оморенуьт э кин эн ранжбер. Ранжбер эзугъо хосдени гэсбгъо, парталгъо ве пулгъо энугъоре. Везиргъо рази биренуьт. Увэхди келе мерд гъечи верасунде э угъо мэгІэнай эн пульсувштой бие ве жуъюбгъо хувшдере э бий. Суффдей пульсувш, хон бу: «Эй, тамаза, гүйг сер догъэ верф дегирди?». Э и пульсувш у жуъюб до: «Неки сер догъэ, майдузиреш эдее думон шишире», егІни, «чумгъо эдее тор бире». Э дуумын пульсувш бий: «Хурде-бердайту чуьтами?», у жуъюб дорени: «Зобу нисди, э гушдевоз нуне жавусденуьм», егІни гъеме дендугъо офори, имогьой у э гушд дендеревоз нуне жавусде. Э сеймуьн пульсувш бий: «Тув э чув кор мухшули?», у жуъюб до: «Валлагь, ме гъэрд доребируьм, имогьой эдее гъэрдмере вогордунденуьм», егІни, ю э и хори тум кошди, имогьой эзу тум вероморигъо зимири эдее дурунде. Э песини пульсувш эн бий: «Эгенер ме туыре мидорумге се чогъэ эркеге бидбидгъо, тув чув мисохди?» Ранжбер жуъюб до: «Ме угъоре гъечи темиз мисохдуьм, е доне парлеш э угъо нивегышдуьм».

И гофтъоре гуфдирене, ранжбер э руьхшендие хэндеревоз денишре э се везиргъо, гуфдирени:

— Ишму гъейсэгІэт хубтент беге эзу пар векенде бирэхъне сохде бидбидгъо?

Чуьтам э овосунегъо эн де хэлгъгъойгей Догъистуре хуно идеинотематически мэгІэнай эн социально-бытовой овосунегъо тати хосиетлүн э гъовох бердеиревоз жофокеше одомигъо э гъэршүй классови дуьшменгъо эри азади, мозол ве верзирени зиндегунишу.

Э феодальни жэгІмиети, э комики деруьт дув э гъэршүй еки гъисдутьте антагонистически классгъо, эжеки падшогъо, хонгъо, беггъо ве э гъуллугъ энугъо гъисдутьте одомигъо э бирэхъмировоз эксплуатировать сохденуьт косибгъоре омбариш герой эн овосунегъо эз гІэрэй кошибгъо эри расире э метлеб хувшдэ, э инсон лоигъ гъисдигъо зиндегуни, эри азади ве мозол хувшдэ бирмундени эгъульлув, фегымлув, дананделув биреи хувшдере эз одомигъо эн эксплуататорски класс. И овхьолет лап хуб бирмундэ омори э мэгІльумлуве овосуней тати «Кечел ве гъэжеле»¹⁵ гъемчун э вариантгъо эни овосуне — овосуней лакци «Ги-

¹⁵ Ахлияме.

логъ-фолчи»,¹⁶ ве овосуней даргини «Гъэжеле-гІэёр».¹⁷ Ижире меселен-гъоре омбар овурде мибисдо.

КимвэгІдо э овосунегъой хэлгти косибе, кечеле эри бесгъун доре душменгъой хувьшдере-падшогье, хоне, беге, везире, сурулे гІошире, — расире э метлеб хувьшде, уре эгъуль-фегъм нисдигеш, оммо кор энү гъечи эз хувьшде э барасд оморени, у расирени э мирод хувьшде И томошёлуюе овхъолет лап хуб бирмунде омори э еки эз лап фирегъ мэгІлум гъисдигъю овосунегъой тати, «Эгъуль не Мозол»¹⁸, комики э сиимуын салгъо нувьульсде оморебу эз гоффой эн мэгІлумлууе овосунечи Хызгъией Эмин ве дофус зере оморебу э «Фольклор тати», ведироморебу-гъо э 1940 сал.

Э и овосуне, чуьтам мэгІлумиге, Эгъуль не Мозол хъульжет гирденүйт эеки, комини энүгъо дуль эз еки гужлүннеге. Эгъуль гуфдирени ю гужлүнни, оммо Мозол э уревоз э хъульжет поисде, гуфдирени, ки ю гужлүнни. Мозол эри бирмунде э Эгъуль гужлүни хувьшдере, юморени дироморени э кин е Кечел, хори, хъэйт падшогье жару зеренбугъо, э товлай эну зир гІэсбгъоре вечиренбугъо. Кечел неки эз эгъуль буш бу. гъемиге бирач, бихур бу. Оммо эзу вэхдевоз, кейки э у Мозол дироморени, овхъолет зиндегуни Кечел оморе-оморе хуб бире. Падшогъ уре миэрхэс ссэхдени эз гурунде кор, норени уре гъуллугъчи э утогъгъой хувьшде. Песде фирмсрене эри хунде, норени уре э гулулгъ. Песде норе-ни уре еки эз везиргъой хувьшде. Оммо не хундei, не э гъуллугъ пад-шогъи кор сохдеи гъич е тике эгъульши зиед нисе сохде э мувэхъ Кечел. Учутам хэр буге гье, гъечу хэр мунде. Оммо Мозол эну бердени. Е гил у эз хэри, чешмиши хувьшде эри е хъэз вегирдени е келе гъопоз зере эз сер падшогъ. Тож офордени эз сер падшогъ. Эри эни кор пад-шогъ уре миёсде дуллу сохде, оммо э и кор гье усэгІэт гъериш бирени Мозол. Гъетте тож падшогъ эз сер ю офордore, эз гъэд тож эну оморени е мар ведироморе. Падшогъ э хотур Кечел уре эз гІэжел хілос сохдеи, мэгІлум сохдени, ки эдее дуухдер хувьшдере э Кечел доре. Е гилягей Кечел эз хэри, делхэки хувьшде тепульк зерени, падшогъ эз тэхд венгес-де. Падшогъ офордени кунбологъово эз сер тэхд хувьшде э хори. Гье-сэгІэт эз бун утогъ гъит офордени э сер тэхд, э падшогъ нувьшдебугъо жиге. Падшогъ диеш зевер вебердени Кечеле. Эхир эхириш дие эз дес Мозол нисе вероморе хэригъой Кечеле эри э рэхъ берде, дузов сохде. У оморени э минет э ки Эгъуль, диров суфдири э жигей эну э Кечел, коргъой Кечел усол небу гуфдире. Кечел хэр гъисдигеш, оммо дуль, хосдei эн овосунечи э лой Кечели.

Э гэрий социально-бытовой овосунегъой тати омбаре овосунегъо дэруйт-новеллистически, юмористически, авантюрни лап куынд енебуге хумнелүү гъисдүүтгъо э уззге овосунегъойг хэлгъгъой Догъистуревоз, э товун комики иму э и статье овурдим е ченд меселенгъо. Чуьтам иму гуфдиримгэ, угъо гъисди еки эз лап мэгІэнолууе ве мэрэгъльуе овосу-нелууе прозай хэлгъи.

Тержууме сохи Нисон ГИЛЯДОВ.
Э хоггиши автор эни статьевоз эзи статья э ю расирениго гонораре гиравунде оморенини э Гье-месоюзие фонд гІэили э нум В. И. Ленин.

¹⁶ Овосунегъой эн хэлгъгъой Догъисту. М. 1965. В. 260-261.

¹⁷ Даргински овосунегъой хэлгъи. М. 1963. В. 57—59.

¹⁸ Фольклор тати. Махачкала, 1940. В. 151—162.

ФОЛЬКЛОР

ЧОР ВЕСИЕТ ЭН БЕБЕ

Хэбер эз ки дүйн ишмуре, хэбер эз е тожир. И тожире е теке кук бу. Уре се жире «сенигээт» бу: пиёнискеи, гъуморбази, э песой зэнгьо гешдэн. Тожир эри хувьшде фикир сохд, эгенер зен хосдумгэ эри эни у белки и усоле хосиетгэй хувьшдере шенд. У гьечу фикир сохдере хуну мисоху. Михогьу миёру эри кук е раче духдере, мисоху эри эну е келе (Эрүүси). Оммо кук эну гене и хосиетгэй хувьшдере нишнень.

Е гъэдэр вэгэдо гирошде бэгъдо, тожир эзи дердгэй эн кук хувьшде нечогъя мибу, мофдону э кун хъэлов. Огол мизенув кук хувьшдере э ки хувьшле, мугую эзү:

— Мэ гьейсэгээт сэхд нечогъум, мере воисдени туыре чор весиет дүйн, ме мульденгэ түй дани, чуьтам туыре зигьисде герекиге.

У гуфди эз кук хувьшде шовгэо дуль гуфдире у и весиетгэй энуре эжиге миёру. Кук тожир мугу:

— Е гиле гу чуй весиетгэониге, пэсде мэ шовгэо мидуым.

Тожир рази бисдо, мугу:

— Ини весиетгэйиме. Рафдиге эри шороб хурде э гъеркиревоз бисдо, те хъэрмэхьту негую: «Весси, мэ дие хурде нисе дануьсденуым», түй е дугь шоробиш меху. Дульмуун: э гъэр одомиревоз гъумор мевоз, воз э лап келе ведилууль гъуморбазевоз. Э чи зен-ошне рафдиге, бура э ки эну пушой себэх, сер шев мера. Эгенер түй хунере фурухдени бисдориге, вечарун ебо боругьой хъэёте, пэсде фурух.

Кук шовгэо до бебешуре и весиетгэй энуре эжиге миёру гуфдире. Е ченд руз гирошде бэгъдо тожир мульд. Хъофдрузи ёс гирошде бэгъдо омо еки эз хъэрмэхьгэй энү, э уревоз гьемише хурденбугьо, берд уре э духон. Кук тожир заказ до шороб, закуске ченд жире, оммо дуухончире гьишд овурдэ эришу энжэгъ е пейле. Хъэрмэх эну эзу пурысиренгэ эйчуй у гьишди овурдэ е пейле, у мугу: михуру гье эзи пейле хъэрмэхью тэ сурои хурде верасде бэгъдо.

Хъэрмэх эну тэ сирои шороб хурде бэгъдо, у лап пиён бисдо. Кук тожир ведировунд уре эз духон. У эз пиёни э хувьшде недерире хуну бу, э пой поисде нисе дануьсенбу. Хэнжеле эз гъюб ведешенде, эдембу нифри сохде, вешмердэ рэхъгироргьор. Песде у гьебо чемуьсде, оффо дегешд э гъэд новур. Рэхъгироргьо гъерки е гоф эдембирүйт гуфдире э песой энү, түй шенде э лой пиён. Кук диренгэ уре э и хъол, мугу э дуыл хувьшдэг «меш гьечи биренуым пиён биренгэ, рафдегор-оморегор бебе дедей-мере вешмердени».

Эзи рузевоз кук тожир шенд и усоле сениг!эт хувшдере - ичку хур-
ле, пийн биреире.

Дуымын руз у омо э ки эн е келе гъуморбаз э хувшдеревоз е гъэ-
дер пул вегуьрде. Гъуморбаз гъеме пулгъой энуре берд. Гъуморвози
верасде бэгъдо, келе гъумарбаз мугую эзу:

— Меш е вэхд бебешмуре хуно Йошире одоми бирум. Оммо неде-
нишире э у кор, ки ме келе ведилуье гъуморбазуум, ме гъеме бире-неби-
римере э сер гъумор норем.

И гоффьоре шиновусденге кук тожир эзу рузевоз гъумор возиреире
шенд. Себэхимын э куче э у вохурд е гешденигъ зен, оммо эз сер-
сифет лап рач. У э зеневоз гоф сохд, до уре пул, восдону чэм-чи эри
шохьонгумине хурек, имид до ю шохьонгум, сер шев миёв гуфдире.

Зен гъеме чигьоре хъозур сохд, суфре веравунд, те нимешв дени-
ши, оммо кук неомо. Уре сэхд хов гъурде, дегешд хиси. Пүшой себэхъ
кук тожир куфд дер энуре, диромо. Мивини сифет зен лап бирачи. Уре
негире мигируг э зен дениширенгэ. У э вогънеки эз духодер мугую:

— Э ме бэхшлемиш, сох, мере сэхд гъуллугъ бу, ме сер шохьонгум
сморе недануьсдум.

И гофе гуфдире, кук мурав, дие гыч э зенгъйгөревоз нигешдүү.

Е гъэдер вэхд гирошде бэгъдо кук тожир э ёр овурд чоримын ве-
сiet бебешуре. Огол зе овурд фэхъялгъоре, вечерунд боругьой сенгъире
э иловлей хъэёт хувшде. Оммо эз гъэд эни боругъо у гычиши неофд.
Диеш омбарте пул хэржи бисдо уре боругьоре дуборе эри вокурде.
Увэхди кук тожир вераси эри хувшде, ки бебешу дори и весиет уре,
егИни, у дануу гуфдире гъэдүр пуле, пуле эри негъогын хэржи несоху,
пуле вир сохде асанти, гъэзэнж сохде четини, гъемчун чуытам вечерун-
дии асанти, вокурдени-четин.

Куз эз гъемей эн усоле хосиетгъой хувшде дур бире, зигьисд э шори-
бэхдевери э зен хувшдеревоз.

Нувууьсде омори эз гоффьой Гээзерье Мишиев э
1987 сал э ш. Дербенд. Нувууьси Яша Ильягуев.

БЭГЬ НЕ ЭБРЭГЬ

Е гиле э гыирогъ нувкере оморут вохурдууц эеки Бэгъ не Эбрэгъ.

— Руз туй э хэйр бу, холей Бэгъ, — мугую Эбрэгъ. — Е нике кор
сох эриме, бер мере э улойгей нувкере. Э у тараф нувкере гъовумгъой-
ме зигьисденүйт, угъо мере э гъуногъулугъи огол зерет, оммо ме симов
зэрс нисе дануьсденүйт.

— Бошгу, — мугую Бэгъ. — Венуыш э кулме беруум тууре.

Эбрэгъ верафд э кемер Бэгъ. Бэгъ дерафд э нувкере, симов зере-
зере рафд. Гьетте э у гыирогъигей нувкере оморе расире, Эбрэгъ эри
хувшде фикир сохд, метлеб эну бегъем бири, дие уре Бэгъ гөрөк нисди,
дүүм хувшдере гъэд сохде, э е зарбевоз мигезу уре.

— Омон, мурдудум! — хъэрой мисоху Бэгъ. — Туй гъечи э ме хо-
гыни эричуу ведиромори?

— Туй дануьсдени, ме Эбрэгъум. — Ме омбар довом доре нисе

дануьсденуьм гъеркире бисдо негезире. ДивэгI иму, эн эбрэгъгъо ужи-реи.

Те Эбрэгъ эз ىул эну фураморе, Бэгъ, чаруьсд песово, екем симов зе, пеcде дешенд хуьшдере э лугъонди глов. Эбрэгъ тартанил вомунд э руй глов.

— Вой омон! Эхирме бисдо! — имогъой божэхъ зе Эбрэгъ. — Тув чуь овурди э серме, Бэгъ?

— Тув дануьсдени, ме -- Бэгъум. Ме омбар тоб доре нисе дануьсденуьм э гъэд глов симов незере. ДивэгI иму, эн бэгъго, гъечуни, — мугу у эз Эбрэгъ, уре глов э бердеки.

*Нувуьсде омор эз гофгъой Рафаилов Рафаил
э ш. Дербенд э 1984 сал. Нувуьсди Александр
Рафаилов.*

КЕЧЕЛ НЕ ЛУТИГЬО

Э е шегъер е Кечел зигъисденбу. Э порогъ эни кечел е хубе чогъэ жингов дебу. Е руз Кечел мугую эз кук хуьшде:

— Хэлефме, мере можол нисди, ведебер и жингове фурух э базар. Оммо эз дэгь туьyme кемте меди.

Кук медеберуь жингове э базар. Кульнд миёв е мушдери, мугую:

— Э ченд гуфдире, кук, тув и кечире?

— И кечи нисди, леле, и жингови, — мугую кук.

Гье и вэхди кульнд миёвт дуть мушдеригеш.

— Э ченди и кечитув? — мипурысугт угьюш э е лэгIэ сүйфдеи мушдерире хуно.

Кук гъэгъри бире эз гофгъой энугъю, мугую:

— Ишму нисе диренит беге и кечи нисдигъоре, жингови?

Гъерсей эни мушдеригъ э е гоф, э ё лэгIэ бире, мугуют эз кук: и кечини, жингов нисди. Кук бовор сохде э угью, мифуруху жингове э угью э гъимет эн кечи.

Хэбер эз ки дуьм ишмуре эзи се мушдеригъо. Угью се лутигъо, се хэрмэхъгъо биругт. СенигIэт энугъю бу одомигъоре фурмунде, э гъечи-ревоз руз, кеф, ешемишишуре гировунде.

Кук э хуне вогошденгэ, гуфдиренгэ э бебешу, чуьтам у жингове э жигей кечи фурухди гуфдире э се мушдеригъо, у гье усэгIэт вараси, ки и кор эн лутигъой шегъери. У э дуьл хуьшде гъэсд мисоху гъэгър эни коре эзугъю эри ведировунде, э угью эри луб овурде.

Кечел мурав э више, мигириу миёру дуть хэрегуше. Эз зен хуьшде мугую:

— И е хэрегуше эдее гъишденуьм э хуне, и хэрегушигере эдее берденым э базар. Те ме эз базар вогошде э гъуногъгъоревоз тув суфре веравун, шороб, закуска ни, гъингъэр хъозур сохде бигыл. Ме эз ту пурсируымге, тув чуь сохде, гуки, «тув э хэрегуш эриме тапшуьрмиш сохдейгъо гофгъоре бегъем сохдем».

И гофгъоре э зен хуьшде гуфдире, Кечел э герден хэрегуш расе бесде, ведеберд уре э базар. Гъемин гье и се лутигъо миёвт мохурут э кечел.

— Э ченд фурухде и хэргуше, — мипуурсув десдебош эн лутиго.

— Мэ и хэргуше эй фурухде неведирондем. У эзи жанае-манае хэргушгьо нисди. У гофмере, гъуллугъмере берденигьо-овурденигьо хэргуши

— Нибу у кор! — мугуют лутиго.

— Эгэнер ишмуре дануьсде воисдениге расди эн гофмере, ме гъей-сэгээт мугуюм э туш эни хэргушме, бурав э хуне, гую э зенме эришму гъингъэр, закуске, шороб хъозур соху, нув э сер суфре ишмуре гъуногъ-лугъи эри сохде.

Лутиго омбар шори мисохут, мугуют: «Бошгу!».

Кечел гъуз мибу э ён гуш хэргуш мугую и гоффьоре, пэсде эз герден эну расере векенде, рэхьо мидув уре.

Кечел не лутиго е кем вэгэдо гешде бэгъдо э базар, миёвт э Кечелевоз э хуней эну. Лутиго э хуней Кечел дироморенгэ, мивинуыт э күнж хуне гье у хэргуш нувьши, эдее савзи хурде. Суфре вераюндеи. Э сер суфре закуска, шороб вери, э сер кинле — гъингъэр эдее дувшире.

— Эй зен, чув сохде ту? — э вогънеки мипуурсув Кечел эз зен хувьшиде.

— Чуьтам чув сохденуым? Тув э хэргуш тапшуурмиш сохдейгьо гъуллугътууре эдее бэгъем сохденуым.

Гъуногъю шороб, гъингъэр, хурде бэгъдо, мугуют эз Кечел:

— Ой Кечел, бирор, биё тув и хэргуше фурух э иму, ченгъэде гъимет ю гъисдигеш хъозурим эри доре.

Омбар хъэлово бисдорут лутиго э Кечел, те у рази небисдо э и кор.

— Бошгу, — эхирин мугую Кечел, — Гъимет эн дув хубе жингов дит мере — бисд түймэ, хэргуш ишмуре бугу.

Гье инжо еки эз лутиго мегириу хэргуше э дес хувьшиде, мугую евошлэй э гуш эну, бурав э зен ю гую гье ижире чигьо-хурекгьо хъозур соху тэ ю не дув хъэрмэх ю э хуне оморе. Гүфдире и гоффьоре э туш эн хэргуш, уре медиорону э куче рэхьо мидув

Бэгъдовой е-дүй сэгээтиге лутиго миёв э хуней келен лути. Угью миденуышуут мивинуыт чи, сувре хъозур нисди, не хэргушиш веди нисди. Десдебош лутиго мугую эз зен:

— Эй зен, тув эриму суфре хъозур несохдей. Хэргуш оморе негуфдиребу беге э тув гъэдэггыймере?

— Чув хэргуш? — мугую зен. — Тув эгъуыл түре хурдай, небуге вир сохдей?

Лутиго гье усэгээт мерасуут, ки Кечел угьоре фирмунди. Угью дир несохде могошдуут э хуне Кечеле эри күфде. Кечел дануьсденбу чув мибууге песой эни кор. Тэ лутиго юморе э хуней эну, у эз зен хувьшиде мугую:

— Мэ руруе хун пур мисохум гъейсэгээт э гердентув мибесдуум, Лутиго омборенки, ме эз тув мугуюм биёр гене суфре деше, э пушой гъуногъю чи ни гүфдире. Тув э вогънеки э нэхьси пой, гофмере эжиге мээр. Мэ «Гюсү бире», медешенуым хэнжэле, сула мисохум руруе. Эз бугъоз тув гье усэгээт хун тигы мибу. Мэ пэсде мегириум зурнове, мизенуум е вежегъисденигьо гъово. Мэ зурнов зере-зере тув зиндэ мибоши,

мэхизи, сер мигири эри вежегьисде. У коргъойгере ме хувшдениме мидануым.

Миёв лутигъо, шуш-нефес гуярде, мугуют:

— Е бисд түймэймуре вогордун, снебуге гъейсэгтээт иму түре ми-кушним!

Кечел хувшдере э недани, мэхътели веноре, мугую:

— Эйчуль эхи?

— Чуьтам эйчуль, — мугуют лутигъо. — Туй имуре фурмундей. Хэ-регуш веди нисди. У э хуне нерафди, ме тапшуурмиш сохдемгъо гъэ-дэгъэрэ э зенме нэгүүфдири.

Кечел мугую:

— Гъечу буге ме ээз ишму е гоф пуурсум. Туй э у гоф тъэдэгъэ зеренге, адрес хунере гуффиребири э у?

— Нэгт, — мугую десдебош эн лутигъо.

— Дие ишму гэйбээ ээз хэргуш не ээз ме эйчуль жусденит?

Те лутигъо гъечи э фикир дери, Кечел мугую ээз зен хувшде:

— Биёр гене суффре деше эри гъуногъю.

— Нидешенуым! — э хуршевоз мугую зен. — Э руз ю ченд гиле дешенуым ме суффре, ашханаи бегс инжо?

— Кечел э вогынеки хувьрш сохде э сер зен хувшде, медешенуь хэнжеле, сула мисоху руруе э герден зен хувшде. Ээз «бугъяз» зен хунтигы мибу. Зен е божэхь дешенде, мондону «мимуурь». Лутигъо мугуют ээз Кечел:

— Эй Кечел, беге эри е гоф недениширеи одоми вегурдени зен хувшдере кувшде.

Кечел э алхогынинревоз мугуют эзугъо:

— Мэ уре гъечу ченд гилегъо кувшдем эри э гофме недениширеи, ченд гиле гене зуунде сохдем.

— Чуьтам кувшде, мурдре одомире туй ченд гиле зинде сохдэй?

Кечел медешену ээз кульф хувшде зурнаре, мугую:

— Э и зурнаревоз. Денишит имогъой.

Кечел сер мигири эри зурна зере. Кечел э зурна зереки зен эну ёбо э дегешде жиге мижууму, песде минуушу, песде э пой вэхувшде, сер мигири э шуувэр хувшдеревоз эри вежегьисде. Лутигъо омбар мэхътел мимунут.

Лутигъо омбар минет сохдудт э Кечел и зурнове э ишу фуруху гуффдире. Кечел эзугъо хэйли пул вегурдде, фурухд э угъо зурнове.

Гъётте лутигъо рафде, Кечел мугую ээз зен хувшде: ме эй хъэзле эдее оффдоре мурденуым. Мэ гъейсэгтээт э хъэйтээр эриме гъовре мекенуум, мидегешдүүм унжо. Э ёнме, э киме э гъовре ни герме менгъэле не се буьск кобобиреш, эзумбэгъдийгэ кортув нисди.

Хэбер имогъой ээз ки дүм ишмуре ээз се лути. Угъо зури-зури миевт зурнове эри синемиш сохде. Десдебош эн лутигъо мугую ээз дүв хъэр-мэх хувшде буравт э хунгэйшүү, дир несохде бибвт э гъуногъулугъи э хуней ю, э зенгьюшуревоз. Угъо э зенгьюшуревоз оморенге, лутигъо вогь-не миофут, хъэлово мибошут э зенгьюшүү, песде хэнжелгъоре бирэхьне сохде, магъунут буз хэнжеле э бугъяз зенгьюшүү. Гъерсе зенгъой лутигъо э болжэхъяэрэвээ оффдоре, тартапил сохде мимуурь. Ченгъэдэ лутигъо эри зенгьюшүү зурнов зеруут, угъо э хувшде недироморут.

Гъерсе лутигъо э хуьрш-гъэзебовоз, бирэхьне хэнжелгъоревоз мивидовут миёвт э хъэёт Кечел. Шиновусденге эз зен Кечел, Кечел мурди, угъо миёвт э сер гъоврей эну, шоволгъошуре мифушенут э сер гъоврей эну эри нежис сохде, э гъечиревоз оеме гъэгър дуыл ишуре эри тигъи сохде.

Те угъо э сер гъоврей ю оморе, Кечел се буьсге хуб товунде гъирмизи сохде гъишдебу. Гъетте угъо шоволгъошуре фушенде, Кечел эз гъэд гъовре товунде буьскъоре ведешенде, э кечел лутигъо «мутьр» вено. Лутигъо шоволгъошуре вокошире-вокошире, э хъэроевоз вирихдуыт.

Е ченд руз гирошде бэгъдо Кечел вэхувшд рафд э ки гъози. Кечел мугую эз гъози:

— Эй хъуьрметлууье гъози, мере се гъули, мере войсдени э хъулькум дивонтуревоз угъоре рэхъо доре. Ме эри эни кор гъэгътуреш мидувъм.

Гъози буйругъ дорени эри отол зере овурде се лутире. Угъо оморенге, гъози пурсырени эз Кечел:

— Э чуьревоз туть шогъоди доре мидани и се одоми гъулгъойтунут?

— Э кефел гъерки энугъо е мутьрме вери, — гүфдирени Кечел.

Гъози гъышд угъоре шоволгъошуре фушенде, мивини, эз расдиш э кефел эн гъерки энугъо е мутьр вери.

Кечел гене мугую:

— Ме угъоре эдее рэхъо доренуым, энжэгъ гъерсей энугъо дутгуту мере гъерки пенж түйме, нувуьсульту э десдин дес хуьшдеревоз шогъоди: не ме угъоре гъэрдхундуум, не угъо мере.

Гъози мугую эз лутигъо:

— Мерд, сэхьиб ишму, эдее сугъобе кор сохде, ишмуре эз гъулье-ти хилос сохде. Нувуьсит ижире шогъоди, ме уре теслих, субит сохум.

Лутигъо буйругъ гъозире эжиге овурдуыт, пэсде эеки гоф-меслэхъэт сохдудыт, те Кечел э сер ишу гене е тозе хэто овурде, вирихде рафдени э е шегъериге эз дес эну.

*Овосуне нувуьсде омори эз гоъгъой 80 сале
Серые Юшаева э Дербенд, э 1980 сал. Нувуьсди
Семен Садыков.*

ГЪОЗ ХОН

Е гиле е косибе мерд оморебу э е дигъ э гъуногъ э ки шинох хуьшде. Сер шев бу. Гъуногъ дере куфд, пэсде диромо э хуне, шев э хэйр бу до сэхьиб хунере. Гъемин гье и вэхди э сер җинле эденбу гъэжгъу пар-пар дуьшире. Э гъэд гъэжгъу е келе чогъэ гъоз эдембу дуьшире. Э хуне е раг лезетлүве буй эн гъингъэр не душунде гъоз эдембу оморе.

Гъуногъ гъетте дере куфде, зен сэхьиб хуне гъэжгъуре э гъозевоз эз сер җинле вегуьрде, зури-зури берд пэхъни сохд э гъэд дотгълей дивор. И коре мерд вини.

Сэхьиб хуне мерде хош омори сохд, овурд нушунд э ён хуьшде. Песде мугу эз зе нхуьшде:

— Биёр гъерчук бисдо ни э пушойму!

Зен овурд сүйфре дешенд, но э сер сүйфре хуьшгэ тикегъой нун, шите сүзмэ, чой.

Угъо чи хурде бэгъдо, жигегьой гъуногъэ, дешендуут, товуше кувшде, ишуш дегешдүйт эри хисире.

Нимешев мигирору, жосибе хов ниёв, э ёр энү гье э догъле пэхьни сохде оморигьо гъоз миёв. Эхириш шев лап эз ниме гирошде бэгъдо, сэхьиб хуно не зен ю э сэхде хов дерики, мерд евошлай мэхизүэ эз хъэлов. У э торики диворгьоре гирде-гирде мигешдүй миофу догълере э минжи дивор хуне. У гъозэ эз догъле вегуурде, миденүэ тогъор хувшде, пэсде э олхогъиниревоз миёв мидегешдүй э жигей хувшде, михисуль.

Себэхь биренге, мерд пушой рафе зен эн сэхьиб хуне миёру дигъненре хуно минув э пушой энү хувшгэ нун, сувзме не чой. Угъо чой э хурдеки, сэхьиб хуне эй хъэз мипуурсын эз гъуногъэ:

— Гьери туй мунош, гъуногъэ, гу, ченд сале мибоши туй эз гъумуур?

— Валлагь, — мугую мерд, — ме салммере дуз нисе дануусденуум. Оммо лап хуб э ёрмени: Гъоз хон эз гъэлэй догъле вэхувшде э гъэлэй тогъор дироморебугьо вэгэлдо, ме увэхди чуыкль Гээил биурьм, диворгьоре гуурде гешденбиурьм.

Зен-шуввер гъуногъэ э рэхь декуурде, зури-зури дироморенуут э хуне, оморенуут э ён догъле, гъозэ э гынгъэрэвээ хурде. Гъэжгууре вегуурденгэ, мивинуут: аллагь версүн, гъоз э гъэжгүй нэдери. Увэхди угъо мерасуут эришу, чуь луб овурдигэ э угъо гъуногъэ, чуь биурьтгэ мэгийн гоффьой энү э товуул Гъоз хон...

Нүүвүүсде омори эз гоффьой Сенем дүхдээр Исрол
ил Хысшибээ ш. Дербэнд э 1939 сал. Нүүвүүсди
Борис Гаврилов.

ОВ ЭН МОЛЛА НАСРЕТДИН

Эдее гуфдиренуут, е гиле Молла Насретдин е гъэжелере эз дувьм ю гуурде, ведарафдебу э ов. У омо ведиромо э гъирогъ дигъ хувшде э е чеменлугъ, мивини инжо е дувшии гомиш эдее гиёв хурде. Молла рэхьодо гъэжелере. Гъэжеле рафд нуущд э сер кемер гомиш.

— Огы! И гомиш овмени, — мугую Молла.

Молла гомиши э пушо дешенде, миберу э хъэёт хувшде, мидешенуу э порогъ.

Сэхьиб гомиш дануусденгэ гомиш юре Молла Насретдин дүэдир. мурав э ки гъози эз дес энү эрз мисоху. Гъози гье усэгээт огол мизену миёру Молларе.

— Туй эйчуй дузыдирей гомиш эни мердэ? Туй дануусдени: э шэри. Иэтевоз эри дузыди сохдеи сувфдэй гиле е дес эн тэхсиркор биё бурра биёв гуфдире?

Молла мугую:

— Э жун туй гъози, ме гомиш энуре недузыдирэм, гомиш энү э овме оффдори. Ме э гъэжелеймеревоз э ов ведарафденгэ э чул, гъэже-

* И гоффьоре омбариш э и овсуне гуфдиренуут э иму э зугын азербайджани гъечи: «Гоз хон тэхче гъэлесинден чихиб тогъо гъэлесинде гирен земонде, мен у вэх-же балаже ушогъ идуум, диворлери тутуб гезэйдүум.

лейме омо нувшд э сер кемер эну гомиш, унегууре у гомиш овме хысаб бире.

Песде Молла Насретдин гъуз бире э ён гуш гъози, э гуши-гуши эну мугую:

— Эгенер түй гомиш эни мэрде эриме гъишдиге, ме гьер руз эри туу е гъээзе руыгъэ миёрум.

Гъози шиновусдки тоғфьюй Молларе, дегиши сохд фикир хуышдере. У мугу эз сэхьиб гомиш:

— У гомиш эн Молла Насретдини. Э ов эну оффдори гомиш, унегууре берди у гомише э порогъ хуышде.

Гъози минувуусуу шоғьодноме, мидуу Молларе, гомиш энуну гуфдире.

Сэхьиб гомиш, косиб, чук-чук сохде-сохде миёв э хуней хуышде.

Себэхымуын Молла Насретдин е гъээзее вегуурде, мидиров э говду. Гъэзере серги пур мисоху, э руйлею е кем, э гъюлинди эн е энгүшд, кере мидекүнүү, миберу эй гъози.

Зен гъози у руз э тону тозе нунгъо биржундебу. Гъози мигъилүү зен хуышдере э пушой ю суфре дешенде, эзу тозе нунгъо е нун овурде эрию.

Гъози тикей нуне мибуруу, «би:миллагъ!» сохде, мидезенүү э кере. Е — дүй тике нун э кереревоз хурде бэгъдс, гъози миденишүү мивинүү э зир кере пени; серги дери. У гье усэгІэт марасуу, ки Молла Насретдин уре фурмунди. Гъози зури-зури мифуурсу чоوش, огол мизенүү миёру Молла Насретдине.

— У ме эритуу нульвудемгъо шоғьодномере ди, — мугую гъози эз Молла, — унжо е гъэлети оффдори, ме у гъэлетире дуз сохум.

— Мулла мугую:

— Э жунтуу гъози, ме шоғьодномере хундем, унжо е гъэлетиши недери. Гъэлеги э бесдүй «руыгъэ» дери ме эритуу овурдемгъо э хотур туту гомиш эн кесе мере дореи.

*Нульвуде омори ээ гөггүй Сенем духдер Истроил
Хыссбо э ш. Дербенд э 1939 сал. Нульвуди Борис
Гаевлов .*

КОСИБЕ КУК НЕ ГОБОЙ ЭН НУМАЗ

Е косибе кук жерэгти э дигъ хуышде е духдер соймиш сохдебу. Оммо уре не эри гъэрүсси сохде, не пул-рэхъи эри доре эри духдер пул небу. Ү мэхизүү миёв э Дербенд эри кор сохде эри е гъошир, е кем пул гъэзенмиш сохде. Вэгідой онгурвичиреңгъо бу э богъгъо. Сэхьиб богъгъо фэхъялере эри муззд доре сэгъэт бирультгеш, э вэхд богъчиригъо зиёдте пул доренбирүйт.

Согъ сезон ээн онгурвичиреңгъо кор сохд и жовоне кук эри сэхьиб богъ. Те хъэрмэхъгъой энуу е ченэх онгур чире ведеберде, у се ченэх чирэмбу. Сэхьиб богъгъо хъээс омо ээзижире дилбоши, кордусди эни кук.

У уре дульвойне муззд до эри жофой энуу, теклиф сохд э кук е мегъигеш пою кор соху эри ю тозе шоробгъой энтуре э гъомбор ю эри эхте сохде.

Кук рази бисдо. Эз хэзээн вегуьрде пулгьоре берд до эри дошдете ю э дигүй рафде э гобой эн нумаз, келе рушгъю.

Е мэйгиге и прошдэ бэгъдо косибе кук омо э ки гобой пулгьой хуышдере эри вегуьрде. Гобой хъэшо зе пулгьой куке, мугу:

— Мэ түүре нисе шинохденуым, туй э мэ пул-нечи недорей.

Кук омбар минет сохд: «Э хотур худо, э хотур бенде, пуллгэймөре ди». Гобой гүш невоно.

Кук велиромо эз ки гобой сер гердэ хуьрд, могъбул, омо нувшд э куче э ён эн е келе хуней сенгъи. Гъемин гье и вэхди зен эн сэхьиб эни хуне пенжерере мокуну, миденишув мивинув э ён хунешу е жогыле кук, сере дуллу гульде, нувши. Уре э кук езугъ миёв. Зен медиров эз хуне, миёв э ки кук мипуурсув, у гъечи могъбул эричүниге. Кук мугую дэрд хувшдере эри эну. Зен мугую:

— Туй, хэлэфме, гыч фикир мекеш. Мэ гъеме пулгьойтуре тэ кепик медешенуым эз гобой.

Зен мидарав э хуне. Е нимсэгтэтиш нигирору, у монгорту е чуыкле бугъче э дес ю дери, гъэрревош юш э юревоз. Зен мугую эз кук:

— Сульфде мэ мидарам э ки гобой, е дэгүй минут гирошде бэгъдо, туй диро э песойме. — Песдэ э ки гъэрревош руй бире, мугую: — Гьетте и кук ведироморе эз ки гъози, туй диро, шори сохде-сохде, гу эз ме: «Хонум, бошореи мере, шуввертүү, огъойме э шори-никиревоз омори!».

Чуытам угъю эеки гоф сохдуутгэ, сульфде дерафд э ки гобой зен.

— Жон гобой, — мугу зен, и ченд мегьи шувверме рафди э Манкарьё эри нугъорес фурухде, оммо эзумогъоевоз эзу е хэбер нисди. Дульме оноре хуно эдее пара бире. Мере воисдени э шебирормеревоз бурам э песой эну, дануым чуь биригэ, чуь небиригэ уре. Мэ дануьсденым, туй е хъэлоле одомини. Те мэ унжо рафде-оморе мере воисдени э и бугъче деригьо суврхгъю, эршэфигьоре талпшуврмиш сохум э туй. Согъ-саламат вогошдум оморум, миди э мэ суврхгьоймере, мэ гъэгтүүре мидуым эри эни кор, неоморумгэ — гъемей эни суврхгъю эз мэ бэхш бугу эри нумаз.

И гоффьоре гуфдиренгэ, зен сер бугъчере мекенув. Гобой диренгэ ингээде суврхгъю, эршэфигьоре, чумгьюю чорчуми мибу, дуыл ю бэгтэвччере хуно межэгэйүү. Гье э вэхд энижире ихдилот энугъю, миёв мидиров косибе кук. Уре диренгэ, гобой эри хувшдэ фикир мисоху, эгенер у пул куке недоге, зен севдегер э у ихьдийбор нисоху суврхгьой хувшдэре эри э кио гышдэ. Унегуьре тэ кук лэгтэ вокурде, гобой мугу:

— Туй эри пулгьойтуре вегуьрде оморейгэ, веги бер э шори-никиревоз.

Гьетте кук эз ки гобой ведироморе э пулгьой хувшдеревоз, мидарав гъэрревош. У шори-сохде-сохде, мугую эз бикэй хувшдэ:

— Хонум! Бошореи мере! Худо шувкуур, шуввертүү, огъойме омори!..

Зен зури-зури мибесдүү сер бугъчере, мэхизув, мугую эз гобой:

— Э гуштуыш шоре хэбер дараво, мэ рафдуым!..

Нувуульсде омори эз гоффьор Сенем духдер Исрорил Хысибо э ш. Дербенд э 1939 сал. Нувуульсди Борис Гаврилов.

«КУК» ЭН ШОГЬ АББАС

Е гиле е косибе кук мэхизув миёв э лой дергьёгь. У э гъирогы дерьёгь оморе куынд биренге, миденишув мивинув э сер глов е пультурке вери. Кук мекенув парталгьой хувшдере, мидарав э дергьёгь, симов мизенув, дес микишув, мегирув пультуркере медировуну эз дергьёгь. Сер пультуркере мекенув, мивинув унжо е когъоз дери. Когъозе медешенув, мивинув э и когъоз нуввуусде омори: «Гъерки офф и пультуркере э и когъозевоз у лап бэхдлув ве девлетлув мибу».

Э зир хэтгэй эни когъоз гъул эн Шогъ Аббас не пичет ю вери.

Кук когъозе э гъултугъ доноре, офф э рэхь бэхд-мозол хувшдере эй оффе. Хэйли рузгъю у рэхь мирав, эхир миёв медирав э е шегъер. Гье-мей кук эз сер тэй түз-тумол, гловдол бу. Одомигъой эни шегъер лап мигъровуне, гъуногъьевене, тульдүүзе одомигъю бирант.

Е севдегер уре э гъирогъ шегъер дирентки гье усэгтээз сер-сенбэл, сер-сифет энуу миданув у эз дуре жиге оморе гъэрибе одомини. Севдегер уре э хунай хувшдэе миёру э гъуноглугъи.

Угъю чи хурдэ бэгъдо, севдегер мицуурсув эз кук у книгэ, эз же омориге. Кук э вогънеки мугую:

— Мэ кук эн Шогъ Аббасуум, эз Исфогъонуум. Мэ э е десдэ хъэр-мэхъгъймеревоз ведироморебиуум э сафар эри гешдэйму, ов зерейму. Э е више э нэхэбереки э сер иму оморут чуыл гъирхъярембошильо. Угъю имуре талан сохдуудт, гэсбэгъиймуре вегирдүүт. Хъэрмэхъгъйме кимигъю мульд эз дес энгүүт, кимигъю вирихдүүт. Мэ мундум тэхьно. Рэхъэ вир сохде, оморум ведироморум э шегъер ишму.

Себэхъимуун э хэлгэ лов мибу э шегъер ишу кук эн Шогъ Аббас э гъуноглугъи омори. И хэбер мирасув э падшогъ эни шегъер. У мицуурсув одомигъоре э хунай севдегер, э гъуноглугъи огол мизенув «кук» Шогъ Аббасе.

Те ебо севдегер гъуногъ хувшдере э ки Шогъ Аббас фульсore, хуб сер-тен энтуре мокуну э бугъолуве зар-зарие парталгьоревоз, гэймиш ми-соху пэсде, мидекуунув э рэхь.

Падшогъ эни шегъер куке э хувьрметевоз гъобул мисоху. минушуну э ён хувшдэ, э гүүзэти энуу е келе дэзгогъ мисоху. Межлүүс верасденгэ, дие падшогъ уре э ки севдегер нифирсув, мигъилув э ки хувшдэ.

Себэхъимуун падшогъ эз кук мицуурсув:

— Чуыни метлэб омореиши миши?

Кук мугую:

— Мэ шиновусдем э рачи духдергьой эн падшогъетиту э е жигеш ужире раче гүзелгьо нисди. Оморме еки эзу гүзелгьошму эри хосде эриме.

Падшогъ мугую:

— Еки эзу туй гүфдиренигъю раче гүзелгьо-духдермени, түрэе разиниге ме духдермэе мидуум э туй. Мэ лап шор мибошум э чуын Шогъ Аббаси падшогъовоз эри гъовум бире.

Кук рази мибу. Се руз-се шев инжо гэриууси нувшунде миёв эри «кук» Шогъ Аббас не духдер падшогъ эни шегъер. Гэриууси верасденгэ падшогъ духдер не домор хувшдере э чуыл деве бор сохде бугъолуве бэхшгьоревоз, гъулгьо-гъэрэвощгьоревоз мицуурсув э Исфогъон.

Те угъо э Исфогъон оморе расире, хэберчи миёв э ки Шогъ Аббас, мугую,

— Пашогъ согъ гердо, кук туть зен хувшдеревоз, духдер филон падшогъовоз, э е келе керву, гъулгъо-гъэрревошгъоревоз омори расире э ён шегъер.

Шогъ Аббас е гофиш негуфдире, мифуурсуь одомигъоре э пушорэхъуй кук э у э хувьрметевоз эри вохурде.

Шогъ Аббас куке не зен юре мидеберуь э хунс, келе межлувс мокуну, омбаракбу мисоху угъоре. Песде у огол мизенуь куке э е жейлес утогъ, мугую эзу:

— Мере гъеме гъисдигъо е теке куки, уш гъеле той зен хосде нисди. Туть кини? Туть нисе дануьсде беге мэ ери эни дургуне хыллее кортуу, сертууре мибурумгъоре? Эйчур гуфдирей, туть кукмени гуфдире?

Кук гъемере ихдилот мисоху эри Шогъ Аббас. Песде медешенуь эз куыф хувшде мибурмуну у нувьвусдигъо когъозе.

Эгенер туть ижире когъоз ни нувьвусдиге, меш ижире коре писохдум.

Шогъ Аббас бэхши э у и гъэмэлдани энуре. Э гъечиревоз косибе кук эз расдиш бисдо еки эз лап бэхдлуюе ве гъошире одомигъо э вилеет хувшде.

Нувьвусде омори э шегъер Дербенд э 1988 сал
эз гоффъой овосунечи Рафаил Рафаил. Нувьвус-
ди Александр Рафаилов.

МУЛЛА НЕ ЕСИЁВЧИ

Е гиile мулла эз дигъ Белиджи э кул хэр хувшде дуль туморе гендүйм веноре э дигъ Муьшгуур э есиёв овурдебу эри гъорд кешире. Есиёвчи э хувьрметевоз хош омори сохд мулларе, нуботсуъз, эз эн гъеме пушо де-куйрд гендүймгъой энуре э дундугъ эри гъорд кешире. Шохъонгум биренге у э есиёв гъетош менүү, мулларе хиник небу гуфдире. Песде мурав э хуне, эй мулла эй хурде чи миёру. Э есиёвчиревоз мулла э ихдилот сохдеки, мипуурсуь эзу:

— Ченгъэде пул бирени тутье эзи есиёв?

— Э мегъию чор тутье, — жугъоб мидуль есиёвчи.

— Чув сохде туть и пулгъоре?

— Эзи чор тутье, — мугую есиёвчи, — е тутьмере хурденим, е туть-мейгере гъэрде вегордунденуьм, е тутьмере э гъэрд доренуьм, е тутьмей-гере э гъвоой доренуьм.

Мулла невераси чув гуфдире воисденбууге есиёвчире э и гоффъоревоз, оммо хувшдере эри сук несохде э пушой эну, непуурси. Себэхьимүн туморегъой гъорде э кул хэр веноре мулла вогошд э дигъ хувшде. Гъорде э кенду декуурде бэгъдо, зен мулла овурд эри эну суфре дешенд, чи но, песде пуурси эзу у чув диригэ, чув шиновусдиге э у рафдебугъо дигъ эри гендүйме кешире э есиёв.

Э ёр мулла омо гоффъой есиёвчи. У хэндүйсде, ихдилот сохд эри зен хувшде гоффъой энуре.

— Мэ неверасиуьм уре э и гоффъоревоз чув гуфдире воисденбууге. Дебуми мэхлес е мэгъэно э и гоффъой эну?

Мулларе е жовоне духделе бу. Ихдилот бебешуре э товун есиёвчи шиновусде мугу:

— Есиёвчи, ведини, хэрэ одоми нисди. Э гоффбай энү лепе, мэгжено дери. У гуфдиренге, ки ээ чор түмэе түммере угъю хурденуут, и гофе тесфир сохде герек нисди, егъни, эри хурдешу хэржи сохденуут. У гуфдиренге, ки е түммере у гъэрдэе вогордунде гъэр мегь, уре гъечи верасире гереки. Есиёвчире бебеи, келе мерд, комики уре дошди, веровунди. У гъейсэгээт кор сохде нисе данусладе. У е түммере э сер энү хэржи сохдени — гъэрд хувшдере эдээ э у вогордунде. Есиёвчи гуфдиренге, ки у е түммейгере э гъэрд доре, уре верасире гереки гъечи. Есиёвчире куки. У гъеле чуклеи. Е түммере у э сер энү хэржи сохде, ю келе мерд биренгэ кук ю дору гуфдире юре, чуvtам ю гъейсэгээт пире бебешуре дошденигэ. У гуфдиреге, ки е түммейгере у эдээ э гъовои доре, есиёвчире э и гофовоз гуфдире воисденбу ки уре ээ кук бэгъэй е духдериш гысди. Е түммере у э сер духдер хэржи сохде. Оммо духдер келе биренгэ мигынтуу мурав э шуввер, э хуней кес. Эз духдер эри энү е хэйр, е кумежи нибуу. Егъни и е түмме у эри духдер хэржи сохденигьо элее э гъовои рафде.

Мулла шиновусденге и гоффбай эн духдер хувшдере мэхътэл, шермендере хуно бисдо. У э дуыл хувшдада мугу: «Неки и нехунде соводсувзе есиёвчи, и чукле духделеюш ээ ю фегъмлүүте ведиромо.

Нульвуде омори ээ гоффбай Иса Якубович
Анисимов э ш. Махачкала э 1956 сал. Нульвуди
Хъэнүүх Анисимов.

БИШЭГИРЕ СУД

Е глошир е бэхш хори эн косибе-гъунши хувшдере вегуурда, вогосундебу э хори хувшдада. Э гъэрэй энүгүү ээ серботи эни кор оффо хъульжет, дульшмени. Косиб вэхувшдада рафд э ки гъози эри шулькеет сохде ээ дес эни бижое глошир. Оммо е гиле у те э ки гъози рафде, вегуурда төвөр тувшдада, хуб э мөсөрөвөн тиж сохд уре, темиз, поргол сохд тозоре хуно, берд «пишкеш» эри гъози. Глошир данусладенге и коре, берд э хъэёт гъози декуурда гуселей хувшдада.

Е ченд рузиге гирошдада бэгъэдээ, косиб не глошире огол зеруут э суд. Косибе сэхд имид бу, ки гъози шэгжире мибуру э лой энү, чуңки глошир тэхсиркори ве дульмуюнжи у эри гъози руышве берди. Оммо глошириш эри гъози руышве берди гуфдире у нисе данусладенбу.

Гъози сер гуурдки кор энүгүйре эри фегъм сохде косибе воисд ээр гъози биёру ээ товун «пишкеш» хувшдада — эн төвөр, мугу ээзу:

— Жон гъози, түү и кор имуре гъечи бур, тиже төвөр пенире буругынхада хуно.

Гъози дениши э косиб, сүүпле хэнди сохд, мугу:

— Гуселе э хъэётмээ э сер дультевери варри.

Нульвуде омори ээ гоффбай Иса Якубович Анисимов э ш. Махачкала э 1956 сал. Нульвуди Хъэнүүх Анисимов.

ЖИНГИРЕ ШОМОИЛ НЕ «ХЭГЬЕРЗОРЕЙ» ХУДО

Е руз поизи Жингире Шомоил тевер не расе вегуьрде рафдебу э вишай Жогъуль эри хувьзум өвурдэ. У э више оморенки, верафд э дор, нувьшд э сер лувье, сер гүрд лувгере эри бурра. У нувьшебу гьевч руе сутун эн дор, лувгэ бурра омоге — юш мофдону.

У гьевчи лувгере э бурраки миёв е рэхьгирор мигирору. Рэхьгирор мугую эзу чару э улойгэ, небуге у лувгере буррангэ мофдону мирасуу. Жингире Шомоил э гуш нигириу гуфдирей рэхьгирор.

Рэхьгирор гьеlee е дэгь-бисд лувниши нерафдебу, лувгэ э бурраки эз зир Жингире Шомоил хувьрд мибу, мофдону. Худоники сохдебу, лувгэ лап гьюндуй небу, небуге меит Жингире Шомоил тье унжо мумунд. Жингире Шомоил мугу э дуыл хувьшде: «Рэхьгирор дуз биребебей!» Менегьогъ э гоф эну гуш невонорум. У эз же дануьсд миофдонум гуфдире?

Жингире Шомоил эз хэхэ бире гъэбуыргъэй хувьшде гуьрде, видовусд э песой рэхьгирор, поюнд уре, мугу эзу:

— Тув эз же дануьсди ми эз сер эну лувгэ мофдонум? Тув кини?

— Мене хэгъерьзорей худоюм. Мене гьемере даньсденум, — мугую рэхьгирор.

— Гьевч бүгэ гу эриме мене кий мимуьрумгэ!

Жингире Шомоил эз сер ю дес кенуу гуфдире, рэхьгирор мугую эзу: — Тув мимири, гьергэй хэртүү се гиле тиз кенд.

Жингире Шомоил монгорту э ки хэр хувьшде. Хэйли хувьзум бурра, бор сохде э кул хэр, мидешенүү хэрэ э пушо, муфурав э лой шегье. Эри ебонжэгти хувьшде, Жингире Шомоил мегирору эз күйф хувьшде сэггүүзэ, миденүү э лэгээ, жавуусдэ-жавуусдэ мурав э песой хэр хувьшде. У эхэр хувьшдеревоз согъ-саламат миёв мигирору эз ён Элеф, эн күйгэне кервонсууреरгээ, эз гъэд Фэхьлье базари, э куындигтэй хуней хувьшде миёв миросуу. Унжо е гүндүүре тепеи бу. Хэр эну гьетте э тепеи ве-рафде тиз миленүү.

— Элле бебейме вой, — мугую Жингире Шомоил, — е лой жунне рафд.

Э нимей тепеи ве-рафденге, хэр эну дуымын гилем тиз миленүү. Жингире Шомоил мегирору килэх хувьшдере, э дуьдесевоз менчээ э кун хэр. Симмо хэр эну э гъүгэй тепеи ве-рафденге сеимын гилем тиз миленүү. Шомоил гьеусэгээт «Муурдуым!» гуфдире, мофдону э хори дураз мибу. Хэлгээ кура мибу э иловлей эну, мильтурысүйт эзу:

— Э Шомоил, тув инжо эйчүү дагешдэй?

— Мене муурдем! — мугую Шомоил, сэггүүзэ жавусдэ-жавусдэ. —

Э мене хэгъерьзорей худо гуфдире, гьергэй хэртүү се тиз кенд, тув увэхди мимири. Хэрмэ эз тепеи веромореки се гиле тиз кенди, мене муурдем.

— Эй Шомоил, мугуют угъо, — вэхиз бура э хунейтуу, муурдэгээ одомиши баге сэггүүзэ жавусдени.

Жингире Шомоил гооси бире, мугую:

— Мене баге лап гьешиш муурдем, эри е сэггүүзэ жавусдеш муурдем?

Нувьуусдэ омори эз гоффой Исаи Якубович
Анисимов э ш. Махачкала э 1956 сал. Нувьуусдэ
Хъэнүүх Анисимов.

С Е Р Н О М Е

С Т И Х И Г Ъ О

| | |
|--|----|
| Александр Семендуев | |
| Зугүн дедеи | 3 |
| Артек | 4 |
| Борис Гаврилов | |
| Тевер ве бондур | 6 |
| Яков Ильягув | |
| Мугъумгъо-гъовогъой тати | 6 |
| Зоя Семендуева | |
| Гузет | 8 |
| Чумерэхь | 8 |
| Согъбоши, бебе | 9 |
| Фурмуш нисе бире | 9 |
| Шимшуун Сафанов | |
| МэгИнигъойму | 10 |
| Одохлуйме | 10 |
| Михаил Гаврилов | |
| Ме куктүнүм | 11 |
| Ме эз уылым нисе терсиренүм | 11 |
| Зиндеи — хъэрекетини | 12 |
| Борис Ханукаев | |
| Гъульзургуулгъо | 13 |
| Писэхъ Мишиев | |
| Поиз | 15 |
| ДУСДИ ЛИТЕРАТУРАГЬО — ДУСДИ ХЭЛГЪГО | |
| Сулейман Стальский | |
| Бульбулы | 15 |
| Сильва Капутикиян | |
| МэгИнигъо э товун чешмегъо-едигоргъо | 16 |
| Вагиф | |
| Ижире гүзеле э ховиш недирэм | 17 |
| ДРАМАТУРГИЯ, ОЧЕРКГО, СТАТЬЯГО | |
| Хызгъиил Авшалумов | |
| Кицди хомоли | 19 |

| | | |
|--|--|----|
| Михаил Гаврилов | | 41 |
| Гъемишелуыг э ёр дери | | |
| Хъэнүх Анисимов | | 44 |
| Э жергегжий комсомол | | |
| Деберъё Шаулов | | 46 |
| Мигийгээ ве гээдэгтгэй дини эн иудаизма | | |
| Наида Авшалумова | | 54 |
| Проблемай эн гээрэй социально-бытовой овосуне э кин зиндегуни | | |
| Ф О Л Ъ К Л О Р | | |
| Чор веснет эн бебе | | 64 |
| Бэгъ не эбрэгъ | | 65 |
| Кечел не лутигъо | | 66 |
| Гъоз хон | | 69 |
| Ов эн молла Насретдин | | 70 |
| Косибе кук не гобой эн нумаз | | 71 |
| «Кук! эн Шогъ Аббас | | 73 |
| Молла не есиёвчи | | 74 |
| Бишэгре суд | | 75 |
| Жингире Шомоил не «хэгъезерей» худо | | 76 |

СОВЕТСКАЯ РОДИНА

На татском языке

Составитель Н. Гилядов

Редактор Х. Авшалумов

Художественный редактор Э. Лубьянов

Технический редактор С. Амирханова

Корректор Ю. Бахшиева.

ИБ 2059

Сдано в набор 18.03.89. Подписано в печать 26.06.89.. Формат 70×90¹/16. Бумага типографская № 3. Гарнитура «Литературная». Печать высокая. Усл. п. л. 5.85. Уч.-изд. л. 5,5. Тираж 500 экз. Заказ. 1708. Цена 35 коп.

Дагестанское книжное издательство
Государственного комитета
Дагестанской АССР по делам издательств,
полиграфии и книжной торговли
367025, Махачкала, ул. Пушкина, 6

Типография № 7
Государственного комитета
Дагестанской АССР по делам издательств,
полиграфии и книжной торговли
367025, Махачкала, ул. Пушкина, 6

35 коп.

СОВЕТСКАЯ РОДИНА

На татском языке